



6

41-c

9

59.



10139 f 22

6-41-c-9

ERYCI PVTEANI.  
EPISTOLARVM  
FERCVLA SECVNDA.

Ad Clariss. V.

LVDOVICVM SEPTALIVM,  
*Patricium & Medicum  
Mediolanensem.*

Adiuncta

ELOQVENTIAE


Auspicia Secunda.



HANOVIAE.

Typis Wecheliani, apud Claudium Marnium,  
& heredes Ioan. Aubrii.

MDCIII.



C. V.  
LVDOVICO SEPTALIO,

PATRICIO MEDIOLANENSI,  
VRBIS SVÆ ÆSCVLAPIO,  
ELEGANTIARVM GENIO;  
QVEM BONI PRÆSIDIVM,  
DOCTI DELITIVM,  
VTRIQVE

PRISCÆ ET FVGIENTIS  
VIRTVTIS, DOCTRINÆ, HYMANITATIS  
EXEMPLVM HABENT;


EPISTOLARVM

FERCVLA SECVNDÆ,  
SVO PRÆSIDIO,  
SVO DELITIO,  
SVO EXEMPLO,  
VELVT PATRI FILIVS,  
SACRA ET ÆTERNA VOVET

ERYCIVS PVTEANVS.

MEDIOLANI


VII. KAL. MART. ∞. 16CIII.



HIC ILLE VIR,  
— in quo veteris vestigia recti,  
Et mores video ductos meliore metallo.



# Ad Lectorem.



**B**ONVM FACTVM, mi Le-  
ctor, Ad EPISTOLARVM  
FERCVLA SECVNDa,  
velut ad novum Convivium te  
voco. Novum inquam, quod &  
mea mora, & quorundam nausea sic discrevit.  
Sed illa mea, ut rem dicam, ab hac quorundam  
orta, collisis rationibus, univcrsum penè institu-  
tum conturbavit. Quem enim non retardent,  
imò sistant tot iudicia, tot censurae? Ab illis ipsis,  
qui cū puerili balbutie adulti colluctantur, quan-  
to fastidio, quanto supercilio legor! sensum meum,  
ad suum; phrascs, ad suas; verba, ad sua exami-  
nant: & Epistolas singulas, quasi sibi scriptas. O  
ineptos! Primum, sensum meum mihi proprium  
esse volo: phrascs & verba,



Servatâ semper lege, & ratione loquendi,  
ab Antiquis. Deinde Epistola sicuti matrona esse  
debet,

— tibi quæ juncta recumbit:  
tua sit, tibi placeat, & à te uno capiatur. Si in pu-  
blicum prodit, velata aut vestita prodeat, ne vi-  
deatur quidem visa; imò videatur, modo ne tua  
esse desinat. Non ad eosdem, aut pares ego scribo:

*& ad plures cottidie tamen scribo : secreta ad amicum, erudita, quantum quidem subitanea industria protrudit, ad doctum: tu hac omnia tuo torno & cothurno compares? nisi amicus, secreta mea non potes; nec erudita, nisi doctus. Ad doctum autem Epistola mihi habeat, quod matrona negatum est,*

*Dicendi genus, & curvum sermone rotato Torqueat Enthymema:*

*ad amicum, seria, ludicra, mixta; quae, nasci inter duos debent, & perire inter duos. Cur igitur edo? quia docti & amici pariter patiuntur: quia multa intercurrunt bonis a quibusque ingeniis non repudianda: quia cum fructu aut delectatione leguntur quadam, nec intelliguntur. In picturâ lineae & figura excitât, tamen si res & historia non intellecta: ita in Epistolâ, ipse ille color & sanguis dictionis, licet sensus alibi fugitivus. Sed quàm tunc juvat intèdere mentis aciem, & sensum scriptoris sequi! Experire, & diversum te ab ijs praesta, qui, nescio quo morbo, aliena omnia scripta sub calumniam rapiunt iniquissimâ censura. De Epistolis autem meis hoc illius iudicium amplectere, qui ad famam veterum ipse Epistolas scripsit atq; divulgavit. Quis ille? ecce tibi nomen; imò ecce iudicium ipsum in Epistolâ quoq; expressum.*



IVSTVS LIPSIVS

ERYCIO PVTEANO suo.

**R**OMVLSIDEM tuam vidimus, id est vina & mella. Planè pro suo nomine liber est: & acumen sive acrimoniam in sensibus habet, & in verbis puritatem, atq; etiam suavitatem. Quid amplius dicam? nisi illud,

*I bone, quò tua te virtus vocat, i pede fausto.*

Ad alia, longiùs longiusque mi Puteane: sed pede semper recto, id est per viam quam veteres calcarunt, & ego monendo aut docendo prævi. Novitios istos si audias, stolidos aliquos Hermas; deflectas, & ad láguida quædã aut frigida te dones, quæ ipsi Tulliana vocant. O quàm indignetur & colorem non teneat, si resurgat ille Tullius, & hæc cernat! Ille altus, ille excitatus, & alacer, plenus spirituum & sanguinis, probet hos tabidos, jacentes, & verè χαμαιππίς λόγους? Atqui phrasin ejus & verba habent. Nescio. dicunt: sed hoc scio, non verba, sed pectus & vim mentis esse, quæ disertos facit. Scitè nuper à Politiano dictum, meliorem honestioremq; leonis faciem esse, quàm simiæ; etsi ista ad hominem propiùs accedit. Nihil est hoc imitari, si à te nihil inspiras; imò si omnia tua non facis, & velut è proprio fonte emittis.

*— qui sibi fidit*

*Dux, regit examen.*

Alii serviant, mendicent: fama aut vita non respiciet, quicquid hoc est scriptorum. Stuporem! ad unius illam imitationem nunc nos vocari: quod nemo veterum aut pīorum somniavit! Scilicet plus cordis nostri magistri habent, quàm Fabius & ipsa

Cicero, qui ad omnes non oratores solum, sed historicos, poetas etiam ducunt. Sed omitto has lacunas, quæ non nisi ab imbre implentur, à se arenæ: tu inter vivos, ut dixi, fontes esto, &, quod sequi solet, perennes.

*Cupio & conor, mi Doctor; & loquaces in aliud quoque ævum dare lymphas, quæ vim & vigorem melioris auri adfundant. Efficiam autem, sic favoris tui rivo illabente, qui ducit & trahit per objectos aggeres invidæ amulationis. Venam & angustiam ingenij mei ego novi; ac proinde colligendas potius aquas, quam spargendas: sed liceat tamen interim levi emissario experiri industria mea vires, & adjacentes agellos irrigare. Tu quoque, patere bone Lector, ad cuius usum sive oblationem ista, & omnia mea, sunt.*

INDEX

~~~~~

# INDEX FERCVLORVM SECVNDORVM.

## A

|                                  |         |
|----------------------------------|---------|
| Aloyſio Georgio Epift.           | II.     |
| Aloyſio Lollino Epifcopo Belluni | XII.    |
| Angelo Stephano Garono           | XCII.   |
| Anna Puteanz Sorori meæ          | XVI.    |
| Antonio Clerico                  | XLIII.  |
| Aquilino Coppino                 | XXVIII. |
| Arnaldo Cathio                   | XLV.    |

## C

|                              |                   |
|------------------------------|-------------------|
| Carolo Laurino               | X. LXIII. LXXXII. |
| Chriſtinz Puteanz ſorori meæ | XVI.              |
| Chriſtophoro Mauricio        | III.              |
| Claudio Marnio Typographo    | XXV. LXVIII.      |
| Cœnipetæ meo                 | XLVIII.           |

## D

|                  |     |
|------------------|-----|
| Dominico Rudolfo | XL. |
|------------------|-----|

## F

|                                     |             |
|-------------------------------------|-------------|
| Flotentio Laurino                   | IV. LXX. C. |
| Franciſco Cagnolio                  | LXXXIV.     |
| Franciſco Landriano                 | XLIX.       |
| Franciſco Teutonio                  | XXXIX.      |
| Frederico Bonaventuræ               | XXII.       |
| Frederico Borromæo S.R.E. Cardinali | LXI.        |
| Egredico Quintio                    | LIX.        |

## G

|                     |                   |
|---------------------|-------------------|
| Gabrieli Steydlino  | XXXVII.           |
| Gaſperi Schoppio    | LXXX.             |
| Gerardo Cantavio    | XXXII.            |
| Guljelmo Athenio    | II. LII. LXXXIII. |
| Guljelmo Hayſmanno  | XLVII.            |
| Guljelmo Monthelœio | LXIX.             |

Guljelmo Richardoto

IX

## H

Hannibali Bernæ

L.

Helenæ Crivellæ

XC.

Henrico Farnesio XXXVI. LVIII. LXXXVII. XCVI.

Henrico Cranensteinio XXXI.

Hermannio Greelio XCIV.

Hieronymo Mercuriali XII.

Huberto Audeiantio LV. LXXIV. XCIX.

## I

Io. Bapt. Caimo

Io. Bapt. Calcho

Io. Bapt. Vertuz

Io. Bapt. Hansenio

Io. Bapt. Sacco

Io. Bernartio

Io. Civili

Io. Cotovico

Io. Fernandæo Velascio Comeftabili Castellæ VIII. XXXV. LXXXIX.

Io. Mangano XCVII.

Io. Moreto XLIV.

Io. Sadelerio LXXIX.

Io. Seroulfo LXV.

Io. Vincentio Pinello XIV. XXXIV. LI. XCI.

Io. Wouwero LXXVI.

Isabellæ Andræzinæ V. XIX. LVI. LXXVIII.

Iulio Cæsari Ruginellio XXI.

Iulio Cæsari Vicomercato XVII.

Iulio Cæsario XXVI.

IVSTO LIPSIQ IX. XXIII. XLVI. LXVI. XCV.

## L

Laurentio Pignorio

LXXXVI.

Leonardo Cardano

L.

Leonardo Gutensteinio

LXXXV.

Livino de Succa

VIII.

LVDOVICO SEPTALIO J. XI. XVIII. XXIX. XXXVIII.

LIII. LXXII. LXXXVIII.

## M

Marco Velsero

IV. LXIV.

Marcellino Genuenfi

XL.

Matthæo Sanderio

XIII.

Mel-

|                           |   |                     |
|---------------------------|---|---------------------|
|                           |   | 11                  |
| Melchiori Velwyckio meo   |   | XXXIII.             |
|                           | N |                     |
| Nicolao Collardo          |   | xcviii.             |
| Nicolao Fabricio Calassio |   | lvii.               |
|                           | O |                     |
| Ostauio Vismaræ           |   | xciii.              |
|                           | P |                     |
| Paullo Benio              |   | lxxi.               |
| Paullo Francisco Cigalino |   | lxvii.              |
| Petro Antonio Calcho      |   | xvii.               |
| Petro Cantonio            |   | lxxv.               |
| Petro Pantino             |   | xxvii.              |
| Philippo Rubenio          |   | lv. lxxvii.         |
|                           | R |                     |
| Raphaëli Sadclerio        |   | lxxxix.             |
|                           | S |                     |
| Scipioni Campo            |   | xx.                 |
|                           | T |                     |
| Thomæ Segeto              |   | viii. lxii. lxxiii. |

.....


IVSTVS LIPSIVS

ERYCIO PVTEANO SVO  
calcar addit ad

*Editionem* EPISTOLARVM.

**E**quando, PVTEANE, vota nostra  
Et tuam pariter fidem resignas?  
*Quando* FERCLA SECVNDA EPISTOLARVM,  
Illa laeta, diserta, & erudita  
Fas contingere, fas erit fruiſci?  
PROMVLSIS tua nuper hoc ſpopondit.  
Si negas, titulus revincit: & cum  
ANTECÆNIA iam data, ipſa CÆNA  
Jure poſcitur. audin' hoc amice?  
Et fides agitur tua, atq; fama:  
Libera unâ operâ illam, & hanc adange.

ERYCI



ERYCI PVTEANI  
EPISTOLARVM  
FERCVLA SECVNDA.

EPIST. I.

*Mediolanum.*

LVDOVICO SEPTALIO, V.C.

*Patricio & Medico Mediolanensi S.D.*



ERVVM amicum pro thesauro semper habui: & te talem LVD. SEPTALI, blandum verbis, benignum affectu; alterum quasi Parentem meum, alterum quasi Doctorem; sed Parentis, & Doctoris causâ. qui uterque te potissimum consortem, an succidaneum? poscebat: ille Amoris, hic Eruditionis. Ego quoque te respexi potissimum, & nunc respicio absens; ut, si amare me velis, scias te filium invenisse; discipulum, si formare. Sed tu me amas mi Parens, formas mi Doctor, & æterno pietatis vinclo tibi obstrictum habes. Tibi? imò multis. multi enim in me proni, quia tu es: & sic quoque multis me debere fateor, quia tibi. Quando, & quo ære exsolvam? voluntas certè adest, ò si facultas, & vires! Nunc verò *et vivendum et moriendum mihi adhuc ingrato.* ingrato inquam; nisi agnoscendo beneficia atq; promulgando, redhostire videar: facturus meherclè, etsi non videar:

hoc inprimis, quo ad publicū munus & famā mea studia is productum. Annon in eo es, & pensare jam cœpisti? alii scribunt. Perfice, perfice: beneficium ego si non referre, agnoscere & æstimare tamen scio. Vale. Patavij, vii. Eid. Sextil. ∞. 15. 16.

---

EPIST. II.

Florentiam.

GVLIELMO ATHENIO meo,

*Artium & Medicina Doctori.*

**H**Em fulmen tuorum verborum!

*Cur me querelis exanimas tuis?*

Egon' pudet pœnitetq; effari. inviolatum Amicitiae nostrae sacramentum habeo, & colo. Nisi ad illum tuum, PANEGYRICVM meum, nisi literas, ut ille porro ad te. Fidem hominis, si neglexit! ego tamen extra culpam. Tuas (Mercurium testor) nullas accepi; nisi ultimas haec, breves, tristes: in quibus optimi parentis tui sanus, tuasq; lacrymas video. comprime, mi amice; & cogita Deum Naturamque sic iubere, ut homo inter homines ille aliquando desinat; ut filium pater præcedat. Ille ante te fuit, ut post illum tu esses. Cur si cursum hunc finivit, quid nisi compendium fecit miseriae humanæ? Sed hæc ego non inculco, prompta & expensa tibi, ad rectæ rationis lancem: tantum ipse vivas, valeas, posterosq; cogites. Mediolani, v. Kal. April. ∞. 1561.

EPIST.



EPIST. III.

Mediolani.

CHRISTOPHORO MAVRICIO,  
*Professori Publico.*

CVM te cogito, Eruditissime vir, illud Comici  
cogito:

*Ut sapè summa ingenia in occulto latent!*

Tam amœnum, tam litteris plenum pectus publicè  
non suspici, non coli? Ævi culpâ, sed & aliquâ tuâ  
fit. Ævi, quod aversum & alienum ab omni inge-  
nij cultu, totum in vitijs & in fastu. Quid mirum?  
ad præmia quisq; lascivit & peccat:

*Sola pruinosis horret facundia pannis,*

*Atq; inopi linguâ desertas invocat artes.*

Sed & tuâ aliquâ culpâ dixi, etsi sine culpâ: qui è ru-  
moris turbido vestibulo te recipis ad conscientiz  
tranquillitatem. Sapienter hoc quidem meherclè,  
& pro animi decoro. Quid enim Famæ illa blan-  
diens aura, tam anxie captata, tam studiosè colle-  
cta? uno verbo, aura, umbra, nihil. Virtutis omnis  
fructus in animo situs est; & contemptu ipso glo-  
riæ, præmium gloriæ in se quisq; invenit, etiam nō  
quæsitum. Equidem cū hæc disputo, te laudo;  
sed conatū obstreperi illius rideo, qui cælum ter-  
ramq; commotur<sup>9</sup> in me videbatur, ut nascentem  
aliquam Famam meam obrueret. Et tamen, si Dis  
placet, censuram nunc quoq; scriptorum meorum  
gerit: quo suffragio? nullo bono, aut ullius boni.

Λύκος πρὸς τὸ φέρειν χορεύει. Ego inter homines me esse  
scio, errori obnoxium, & correctiones libens pa-  
tior; sed à probo, & perito. Ille autem quis est?

num probus? meum non est censere: num peritus? ex oratione liquet, quâ in publicum nuper erupit. O putidum factum! in pulcherrimo illo centone plura pænè vitia, quàm verba: & quæ vitia? decumana; ferulâ, ferulâ multâda. Tota dictio enervis, sine sanguine, sine colore: uti & ipse auctor, cum Catullo dicam,

— *inaurata pallidior statuâ.*

Sed illum linquo, te amo, & BONAM MENTEM.  
Vale. xi. Kal. Octobr. ∞. 1001. De Meridie.

EPIST. IV.

*Augustam.*

MARCO VELSERO V. A.

*Reip. Augustanae II. viro Praefecto.*

**A**Nte menses aliquot imaginem meam ad te misi: sæpiusque litteras: accepistin? nescio; quia ab illo tempore nihil à te. Semper, mihi crede, silentium suspectum est. Quid autem? minùs tibi fortassis ex animi sententiâ? avertat Deus. An aliquid oblivionis mei? & hoc avertat. Ego te amo; & sic durum esset non à te amari. Debiles in causa sunt, fateor, amoris: sed tu quoque scis h. I. manum esse, quem despicias, non despicere. Vt Sol ille non sidera tantùm, inter quæ medius fertur, illustrat; sed imam & minimam hanc quoque maculam telluris: sic non æquales illos tuos & in alto positos amabis tantùm; sed nos quoque in humili & obscuro amabis, nisi inducias quasdam esse vis, & intervalla amoris. Si ita; lucem nobis licet parumper

ſemper ſubtrahas, at non calorem : ſcriptionem,  
nō amorem. quod te rogo; & ſalvere jubeo. PRO-  
MVLſIS poſita eſt, & exemplar ad te meo nomine  
mittet, ad quem tu hæſce adjunctas. Mediolani, vi.  
Kal. Octobr. ∞. 1561.

De PINELLO ſcio te ſcire : ego doloris cicatri-  
cem non revello.

EPIST. V. *Ticinum.*

ISABELLÆ ANDRAEINÆ,

*Academica Intenta.*

**T**Antam facundiam, tantas litteras in feminam  
cadere! Vbi robuſtior ille ſexuſ, qui in char-  
tiſ pallet, in pulpitiſ ſudat, in ſtudijs conſeneſcit?  
Ecce litteriſ nunc quoque Amazones ſunt, & Pē-  
thetileam ſuam habēt. Annon ſic mēritō te appel-  
lem ANDRAEINÆ, & nō aīdēgēiſ opponam? Femi-  
niſ à Naturā inſitum, loqui : tibi verō, benē lo-  
qui. quo ſit, ut corrigendo muliebre vitium,  
virilem virtutem ſuperes. Platoni olim, ut in  
prodigio eſt, mel ſuum apes, velut divinæ facūdiæ  
indiceſ, in oſ inſertuerunt : tibi verō Gratia ipſæ,  
non montem *Hymettum* (Valerij verbis utor) *Ithymi*  
*ſlore redolentem*, ſed *Muſarum Heliconioſ colleſ* o-  
mni genere Doctrina virenteſ, Dearum inſtinctu de-  
paſta, maximo ingenio dulciſſima alimenta ſumma e-  
loquentia inſtillaſſe videntur. Scribiſ acutē accura-  
teque : dicis ex tempore, ſed quaſi ſcripſeriſ; eā u-  
bertate & copiā, ut cūm nihil addi poſſit, nihil ſu-  
perſit; eo geſtu, ut loqui ipſoſ digitoſ; eā voce, ut

*intus canere Sirenum concordiam putem; et denique  
felicitate & successu, ut nutu arbitrioque tuo*

*—pleni modereris frena theatri.*

Quoties te audiui, inscitiam & infantiam eorum  
deprehendi, qui se doctos disertosque profitentur:  
ac me ipsum quoque, cui dicendi partes in publico  
sunt, puduisset tituli mei; nisi tu eum elegantissimo  
carmine (elogium sive augurium promēs) adseru-  
isses. Ego augurium interpretor, quod tu elogium  
esse voluisti: & sic elogij luce circumfusus, tueor  
dignitatē nominis mei, velut augurio promissam.  
Tu verò beata, ò Suada, ò Musa, cui jam immorta-  
litas parta! Tua enim, dum vivis, scripta in pretio  
sunt, & leguntur; ac, dum vivis, aliorum quoque de  
te monumenta habes, & posteritati tuæ cœpisti  
interesse. Ejà Ejà: lege, & legere; imò excitare, ut  
scribendo scribentium præconia superes: excitare,  
ut posterorum accessuram admirationem augeas.  
Te nobis Natura ipsa, temporisque pater: tu te po-  
steris dabis. quodque te admiramur, tuæ industrię,  
& simul benignæ Naturæ acceptum ferimus; sed  
quod posteri admirabuntur, in te unam redunda-  
bit. Quo te vehementiùs hortor & rogo, ne mi-  
nùs scribendo te ipsam posteris, quàm dicendo be-  
nignitatem Naturæ nobis commendes. MYRTIL-  
LAM Eclogam, & nunc EPIGRAMMATA vidimus:  
plura emolire; ut liberis fœcunda, libris quoque  
evadas. Ergò *Epistolares lucubrationes*, queis Co-  
micas omnes delitias, Tragicas divitias, & quicquid  
elegantiarum est, inclusisti, de manu prome, ut in  
manus multorum veniant: nos heredes, & dein-  
ceps posteri erunt, tu tamen semper domina. Ali-  
ter enim se Fortunæ ludibria, aliter hæc ingenij  
mo-

monumenta habent: illa, post te alium atq; alium  
 possessorem sortientur: hæc nunquam tua esse de-  
 sinent, etiam cùm videbuntur desijisse. Est etiam  
 quod jure quodam amplius à modestiâ tuâ exigi-  
 mus; ut, præmio ingenii publicè sumpto, osten-  
 das te non ingrato seculo tam præclaris ac luculé-  
 tis dotibus illuxisse. Itaque laurum carpe, & tē-  
 pora venustamque illam *χρῶσις ἀφροδίτης* venusta-  
 tem inumbra. ita enim futurum, ne dum verbo-  
 rum nectare audientium sensum mulces, vultus i-  
 gneo nitore & oculorum radijs accendas. Nec re-  
 nue. Posterī ipsi iniquè latūri, quod pmereri Phœ-  
 barum hunc honorem potueris, non adsumpseris:  
 nos malè audituri, quasi præmium inviderimus.  
 Cogita ò Suada, ò Musa, & teipsam, nos, poste-  
 rosque cogita; me quidem ingenij, & eloquij tui  
 miratorem & cultorē æternum habitura. Sic car-  
 men hoc habe, nō ut ipsum (impolitum enim est;) )  
 sed ut animum inspicias. Vale. Mediolani, Postri-  
 die Eidus Decembr. ∞. IO CI.

A D

ISABELLAM ANDRAEINAM,  
 SECVLI NOSTRI SULPICIAM,

*Florem illibatum populi Suadaeꝝ medullam*

ENCOMIASTICON.

**T**ER dilecta Jovi, cui tres tria munera quondam  
 Contribuere Dea, Cypris, Tritonia, Juno;  
 Carmine te facili dicam, tua munera dicam.  
 Cypris, natalem creperi cūm luminis auram.

Libares, medio spumantis gurgite Ponti  
 Emergens, vultumq; tibi, ciliumq;, comamq;  
 Flore venustatis tinxit; Geniumq; Leporum.  
 Omnibus inperfit mēbris: Venus altera ut esses.  
 Alma Venus, sed casta, & casti mater Amoris.  
 Mox, ubi conspexit neglecta crepundia Pallus,  
 Indidit ingenij vires, & semina Fama,  
 Pierio facilem perfundens nectare mentem,  
 Pierio facilem perfundens nectare linguam,  
 Nectare, quā prisca duraret Suada Theatri.  
 Pennato sequitur gressu Saturnia Iuno,  
 Nubilis indignans sine conjuge virginis annos  
 Labi: felicem thalamum, tadasq; jugales,  
 Et tabulas ornat: carmen canit ipse Hymeneus.  
 Duceris a caro, & numero fecunda marito  
 Multiplici pateris Lucina prole labores.  
 Constans connubij vinclum: Tu conjuge digna:  
 Te pariter conjux, cui pignora cara dedisti.  
 Nunc terna veterem Diua posuere furorem,  
 Quasq; Paris peperit rixas, feliciter aufers.  
 Tu nova dicēis Cypris, Tritonia, Iuno:  
 Cūsto coniugio, Sophia, vultusq; decore.

## EPIST. VI. Mechliniam.

IOHANNI BERNARTIO S. D.

Illui, mi BERNARTI; sed in silentio amorē non  
 somisi. Ita enim natus & institutus sum, ut quem  
 semel amicum, perpetuū habeam: te certē, quem  
 ob virtutem litteralq; amare cœpi, & amo. Cœ-  
 gi, cum BARCLAYO, longū nimis divulso, an  
 abrepto?

abrepto? Amo, cum HVYSMANNO, optimo & doctissimo viro: in quem tu ipse utrumque hunc titulum meritò confers. Amicum illum nominas? accedo: Præceptorem? ab eodem disco. Facio ecce quæ facis.

*Hoc memorabil' st, ego tu sum, tu es ego, unanimi sumus.*

Sed ille cur non pro ingenio & naturâ opes Fortunamque habet?

\* — ὡς ἄδικον ὅτιν ἢ μὲ φύσις

ἀποδίδω πεινῶν, τὸ πο δ' ἢ τύχη κακοί.

Res & Doctrina nescio quàm difficile conjungantur. Fuit olim, est, cuique *bona mentis soror pauperas*. Feramus æquo animo: qui si adest, etiam felicitas in tenui fortunâ.

\* quàm iniquum cum Natura quidpiam Magni dedit: fortuna autem obicem lasat.

— *Multa petentibus*

*Desunt multa. bene est, cum Deus obtulit*

*Parcâ, quod satis est, manu.*

PANEGYRICVM vulgavi, & exemplaria ad MORETVM missâ. Nunc prorsus paratus sum ad EPISTOLARVM editionem, quas ad amiculos sparsim misi. Salutem SACCO dixi: ille, & ego tibi. Mediolani, Kalendis Maij. ∞. 15 CI.

EPIST. VII. Vallem-oleti.

IO. FERNANDÆO VELASCIO,

*Comestabili Castella.*

SCRIBERE, ego penè impudentiâ: silere tu delictû scenseas, Excel. Princeps, & utrobiq; causæ sunt,

isthic, mea humilitas, tua granditas: hîc, meum debitum, tuum beneficium. Cùm verò ordo Naturæ doceat, primùm qui simus; deinceps, quo statu aut modo, considerare: meam potius humilitatem & granditatem tuam expendi, ut impunè silerem; quàm debitum meum tuumque beneficium, ut honestè scriberem. Scribotamen, non ut silentiû, sed tollere delictum videar. Quid autem ipsa scriptio est? ad æqualem officium; ad maiorem ostentatio, si ultrò deferatur. Quid silentium? reverentia ejus, quem extra communem sortem admiramur; contemptus ejus, quem abjectum despiciamus. Itaq; cùm sileret tibi Magne Princeps, sine delicto possim; quoquo modo me doce, qui scribere sine impudetiâ possim, ne sileam. Vive, & PUTEANVM tuum benigno oculo respice. Mediolani, Postridie Kal. Septemb. ∞. IO CI.

*EPIST. VIII. Venetias.*

LIVINO DE SVCCA,  
THOMÆ SEGETO, *Oculissimis meis S.*  
IOANNI COTOVICO,

**C**Redite: salutarem mihi auram litterulis vestris, è locis Neptuniis templisq; turbulentis adspirastis. Æsculapij, imò Hygiæ loco vos ternos habeo; & salutem debeo, quam ad assem recepi. In verbis; atque adeò in verbo vim tantam esse? Ita dico: tria nomina, unus animus; tres amici, sed unâ epistolâ conceptum votum ὑγιαίνων, me mihi reddiderunt. Terni ad me scribitis, sed scripture

meus:



unus : & cum tribus simplex mihi honestaque Amicitia, tamquam cum uno. Οὐ γίνονται γδ (ut Philosophus scribit) φιλοὶ καὶ πλὴν ἑταίρικῶν φιλίαν. αἱ δ' ὑμνέμεναι, ἐν δίοι λέγονται. Conservanda verò hæc Amicitia continuo quodam nodo; & scribendum, ut fomento suo Valetudo mea conservetur : paulo ramen seciùs Amicitia, quàm Valetudo, ista, ut è tribus unus scribat : hæc ut singuli. Ego utrumq; faciam, cum alterum faciam. Scribam enim ad singulos cum ad unum : sic facturus, quod singuli, qui ad unum me scribetis. Pariter valete. Mediolani, VI. Eid. Sext. ∞. IO CI.

EPIST. IX. *Lovanium.*

IVSTO LIPSIO V. C.

*Historiographo Regio.*

EAdem epistolam bis mitto, iisdem verbis, eodem die : per amicum, & tabellarium ipsum. utriusque enim occasio fuit. Sed tu experire, uter diligentior fideliorque. Amici certè parùm tabellarij sunt, & tabellarij parùm amici. Adolescens verò ille, qui tuas ultimas ad me, utriusque officium probè functus. Ego talem non amplecterer? feci, ulnis extensis; quia probum honestumque vidi, è probis honestisq;. Tu illum commendas? & ipse se: ego autem utrimque impelor, ut, laxatis animi mei rivis, totum me ei effundam, tuâ atque ejus causâ. In hac urbe quæ visu digna ostendi. Patavium scripsi, scripsit & SEPTALIVS: adi-

tum ad meliores ei fecimus, ad corruptelam obstruximus: quæ nimis quidem in amœnis hisce locis patet, & cottidiè se dilatat. Morum quædam pestis est, quæ puros incautosq; animos obsidet faciliùs & conficit: in tuto locandi sunt, extra noxios illos Austros. Vltimas meas cum SYNTAGMA DE DISTINCTIONIBVS velim traditas: item priores illas ad PANTINVM, BERNARTIVM, ANSKEMAM. De PROMVLSIDE transegi: curam CLAVDIVS MARNIVS diligēs & celestis Typographus suscepit. Jam mox videbis tuâ. Tua. n. est, cuius amabile nomen præfert. Cætera mea refingere, & ad incudem vocare cœpi, nescio quo jam iudicio ad limæ laborem pronus.

\* Secunda cura quandoque meliores.

\* Αἱ δευτέραί πως προνίδεις σοφώτεραι.

Itaque præcipitem stilum tempestiuâ correctione sistam, aut tutiùs ducam, per rectam & philologam viam. Tu dirige mi Ductor, iuva mi Ductor; velisq; spem emendandi superesse, qui laborem scribendi non damnaſti. Valetudinem tuâ jam magis vacillantem firma, & Æsculapio nostro utere, saltē per litteras. quid si absens absenti medicinam faciat? Feriis nostris Autumnalibus proficisci Romam decrevi, Urbis, Religionis, sed & tuâ causâ. In votis mihi, omnem movere lapidem, ut titulum tibi imperrem CIVIS ROMANI. Deus faveat! Magnates faveant! ego non deero. Facile, & simul difficile hoc negotium video. Facile, quia pro merente: difficile, quia pro absente, iterum dico: non deero. Sed conatum non prædico, ut effectum possim. Melius vale, Clarissime vir, & PVTEANVM tuum ama. Mediolani, Eidibus Junijs,

∞. IO CI.

EPIST.

EPIST. X. *Romam.*

CAROLO LAVRINŌ S. D.

**L**itteras tuas accepi, mi LAVRINE; sed sine ullâ temporis notâ. An nescis in quâ urbe sis? Consules scripsisses, aut ipsius urbis annos. Festinationis vitium esse dices. Itane? ipsæ litteræ negant, nimis tersæ, nimis elegantes; nisi tu quidem per ludum tam felix. si es: tolle impetum illum, & tardiore stilo, mihi sermones tuos sculpe. Malo elaboratè, quàm feliciter te scribere, ut non ingenij, sed adfectus testimonium exprimas. Amo ingenium; sed magis adfectum. Itaque si amœna illa fictibi sponte fluunt, de severiore fonte lenta & acria mihi præcepta præme queis epistolâ adspergas. Nam, ut noscas palatum meum, *Κλυκύστυπον* amo. De inscriptione illâ Græcâ FVLVIVM VRSINVM consule, virum, si quis aliis, istarum rerum gnarum. Litteræ, quas Antuerpiam transferendas miseras, curatq̃. Sed heust tu *εὐαγγέλια*. Frater tuus FLORENTIVS in itinere, & jam in Alpibus. unde sciam? è Prodomis. LIPSIVS profectionem suam distulit, & in Patriâ figit pedem. Nos, si Patriæ favemus, laudare consilium debemus, desideriumque nostrum publicâ utilitate cohibere. Perierat ille nobis, si semel reliquisset dulce & natale solû: nec reliquisset, nisi ut periret. Prudentes Principes nostri, qui hoc viderunt, qui tenuerunt. Planè nox atra manebat Belgicam, abeûte isto Sole; imò frigus & sterilitas bonarum literarum, quas tu por-

rò perge colere, & in nomen venire Famamque  
propatruì MARCI LAVRINI. Patavij, IV. Non.  
Decemb. ∞. 1510.

---

EPIST. XI. *Mediolanum.*

LVDOVICO SEPTALIO, V. C.

*Patricio & Medico Mediolanensi.*

**V**T voluptates quædam fruitione incitant, nō  
fatiant: sic suavissimæ tuæ litteræ. Explere de-  
siderium meum binis illis affatim videbar: sed ecce  
novo ardore exagitor, & restaurato cōstulectionis.  
Quid agas? hic est amoris mei morbus, quem tol-  
lere nequaquàm poteris, nisi foveas; sed nec tol-  
lere, et si foveas.

*Non si densior aridis aristis*

*Missâ sit seges illa litterarum.*

Doleo meherclè & queror tam nec tæreum pocu-  
lum tam ægrè temperari; & tam dulces litterulas  
tam difficili otio scribi. Scribe tamen; & hoc quo-  
que negotium puta, ab amore datum. Ille sibi, ut  
sermonis partem: sic litterarum vindicat semper  
sollicitus. Sed præsentium honestum vulnus ser-  
mone alitur: absentes stilo velut missili telo com-  
pungendi, ut scriptionis lectionisq; quodam motu  
animi incalescant. Itaque finde negotia tua, & si  
me amas, scribe, ut amorem foveas: imò verò ama,  
ut scriptionem exhibeas. Vide obsecro quàm pro-  
fectionis ego cupidus. vix à nupera itione respira-  
vi, & nunc Euganeos montes, & balnea cogito:  
chorum

chorum illum Nympharum, qui in collibus illis,  
vallibus, silvis, rivis. Quid? cogito? imò excitor, &  
eo. Si quis negotij quidpiam

— curari sibi

*Velit, is audacter imperato & dicito:*

*Sed ita, ut det unde curari id possit sibi.*

*Nam nisi qui argentum dederit, nugæ egerit;*

*Qui dederit, magis majores nugæ egerit.*

Tibi & Medicis, mi SEPTALI, loquor; qui calidas  
illas Lymphas colitis, & desperata mala ad balnea  
ablegatis. Sed sistite mihi ægrum: ducam, ubi sine  
potione, sine elleboro morbi maculas eluat. Nunc  
in remedica Inscriptiunculam hanc veterem habes;  
imò ægroti tui habeant, ad exemplum boni voti.  
*Regij, ad quattuor columnas, ubi Æsculapij olim fa-*  
*num.*

DEO ÆSCVLAPIO VAL. SYMPHO-  
RVS ET PROTIS SIGNVM SOMNI  
ÆREVM TORQVEM AVREVM EX  
DRACVMCVLIS DVOBVS PF7 ::-  
ENCHIRIDIVM ARGENT P::- L. A-  
NABOLIVM OB INSIGNEM CIRCA  
SE NVMINIS ELVS EFFECTVM. V. S.

L. M.

Lepidum (ita me Æsculapius ipse) & è prisco mo-  
re votum, quattuor ista comprehendens: *Signum*  
*Somni areum, Torquem aureum, Enchiridium ar-*  
*genteum, & Anabolium.* De Enchiridio & Anabo-  
lio hærebam, quid sibi vellent; imò quid ad Æscu-  
lapium facerent. dum libros inspicio, illud ab Isi-  
doro animaduerto inter instrumenta Medicorum  
relatum: *Enchiridion dictum, quod manu adstrin-*  
*gatur, dum plurima contineat ferramenta.* Hoc verò,

Anaboliũ, fortassis inter vestimenta esse, & è clausuræ Antiquitatis arcâ depromendũ. *Αναβόλαια* enim antiquitus fuisse, quibus pectora & humeri protegebantur; sed, D. Hieronymo in caput I. Esaię scribente, feminarum. Scio etiam *αἰαβολάχιον*, vel *αἰαβολάδιον* Isidoro dictum *Amictorium lineum feminarum*, quo humeri operiuntur, quod Græci & Latini *Sindonem* vocant. Tu me doce, & me ama. Pata-  
vij. xiii. Kal. Apr. ∞. io. ic.

Libellos meos Venetias ad IO. BAPT. CIOTTVM mitte, qui curam hanc suscepit. HIERONYMO fratri salutem cum amoris fœnore rependo.

EPIST. XII. *Bellunum.*

ALOYSIO LOLLINO,

*Episcopo Belluni.*

**A**Mplissime & Reverendissime Antistes, Cõditionem latam non capio: nec modestia tua imponet aut impedit, quin talem te colam venerque, qualem & Fama clamat, & ipsa elegantissima epistola tua commonstrat, planè ex asse doctum. O virum inter paucos! ò mei quoq; amantem inter paucos! id est, verè & sine fuce amantè! Ego verò quid ad Amicitiam conferam? Dignitatem aut famam? at votum meum est, tuto & *secreto* *Lare* regi: ingenium aur doctrinam? debilia sunt, & sequuntur meos annos. Hos autem si quæris, ex internodio pueritię ad mediam adolescentię gemmam jam evasi, sed satis etiam citra florem, citra fructum.

fructum. Tu verò hac ætate Musarum albo inscribi me vis, & in Senatum Eruditionum ire? Vni olim Papirio, ob silentij fidem, interesse Curia licuit puero adhuc prætextato: à cujus privilegio tantum absum, ut profectò verear, ne legem Horatianam violasse dicar præproperâ quadam scriptione; nec tam facilè jus impetraturus laticlavi. Quid refert? sine me, multisque res litteraria stabit, qui nunc per ambitum nimis sese miscent. Et audes me tamen ( verba tua sunt ) *vix egressum ex ephæbis admirari impèdio multis profuturo negotium posteritatis agere: res ignotas, indistinctas alijs pari doctrinâ atq; elegantia complecti.* Laudes illæ sunt: sed quæ sub pondere amoris nimium vacillant. Amare verò perge; ut sic nimias illas laudes deleas. Amare perge; sed Amoris ipse legem accipe, quam tulisti; *ut amicum me, postquam amicum nominas, probè magis quam doctum, aut eloquentem existimes. in altero enim te decipiam nunquam: in altero tibi imposturam facies me invito.* Patavij, vi. Kal. Mart. ∞.

IO C.

## EPIST. XIII. Mediolanum.

MATTHÆO SANDERIO S. D.

**Q**Uod odiosum in Amore, facimus mi SANDERIO, & dissidemus. Ego officij tenax, etiam sine argumento scribo: tu verò, repigrato calamo, epistolarem materiem continuo silentio distendis; num fascem aut sarcinam daturus litterarum? Hac lege, ne aliter censeas, veniam scribendi feci:

scilicet ut sortis moram fœnoris complemento rē-  
sarcias; quam nisi consequor, cum diuitib. certum  
mihi perplexari:

*Pactum, non pactum est: non pactum, pactum est.*  
Itaque, ne litteras me dare censeas, ad commodò:  
scribo, ut rescribas. Occupationes opponis? oppidò  
novi: ego amorem meum, quem tu quoque nosti.  
Libripens esto, & utrimque causas pensita; hinc  
amorem, illinc occupationes: ni meo pōdere tuam  
molem superem, tum me perpetuo silentio multa:  
si supero, jussq; fasque sit, litterarum hunc cursum  
reciprocare. Vale. Patavij, 111. Non. Feb. ∞. 10 c.

EPIST. XIV. Patavium.

IO. VINCENTIO PINELLÒ,

*Viro Perillustri.*

**P***lcos divitiis, qui aureos montes colunt,  
Ego solus supero,*

Postquam hunc thesaurum nactus; & quia per te  
nactus. Quid verò exculas? gratum, alteras Lipsia-  
nas resignatas à te: nō gratum, alteras tantum. Ius  
& arbitrium in utrasque tibi erat, & prælizare de-  
buiisti. Vti in conviviis potio à labiis amici prægu-  
stantis: sic litteræ commendantur. Serio loquor:  
vhis illis vitium ætatis, à mora ferentis allatum, le-  
gendo minuiisti: alteris submissis non legendo vi-  
tium addidisti; etsi lepidis, venustis, amœnis. in  
quibus magni viri in me amor se exerit stili veloci-  
bus stricturis. Horratur, gratulatur, philosopha-  
tur: uno verbo, subvectum me rapit

*Ad nationem cœli ingentes fornice.*

Sed



Sed exemplar litterarum proxima septimana ad te mittam : tum unà ad PIGNORIVM scripturus, qui tam amicè & eleganter ad me. Tu salve, & ille te. Mediolani, III. Nonas Januar. ∞. 15 CI.

## EPIST. XV. Roman.

FLORENTIO LAVRINO S. D.

**D**E adventu meo dubitare te nolim. Certum, non arbitrarium est ; & jam desiderio consilium eundi junxi, id est, desiderium consilio auxi. Me respicis ? propero : te ? anhelò : urbem ? utrūque : quia ipsum, & in ipsâ, te videbo, & à te videbor. Sed ante Caniculam ne spera. Noxium viantibus sidus est, & commodum aliàs hoc iter, Syrtis facit æstuosas. Ego autem tenerioribus herbis similis, & facillimè lador. Itaque, si me saluum vis, laxa etiam paullulùm hanc moram, ut sub Autumnum me ad cingam. De Aretalogo illo, non miror te scribere : miror à tam insulto profluxisse salem. si miraculum vitare vult, eat in mare. Quid ludo ? Gentis humanæ decumanum vitium, fastus ; sed in illo plùs quàm decumanum. Obsecro, quæ ista verba ? granula tumida, & animi planè laborantis.

\* ὦ τελευτάλοι.

Ἄ πάντες, οἱ φεσώντες ἐφ' ἑαυτοῖς μέγας.

Ἀὐτοὶ γὰρ ἔκ λισσιν ἀνθρώπου φύσιν.

\* Οὐκ οἶστέ,   
 Quicquid, magnifice ipsi de se sentiunt.   
 Ignorant isti namq. naturā hominū.

Quid enim sumus homulli, aut scimus ; nisi hoc unum quòd nihil scimus, nihil sciamus ? Sed nescio quo opinionis vento plerique ferimur ; cui, nisi

litterarum modestiæque velat remis renitimur, in  
vorticem imus omnium vitiorum. Monita hæc  
sunt, quæ ad illum, apud te: cur enim apud illum?  
Pertulum dolium est, perit quicquid infunditur,  
aut certè acescit, infecto aëre, corrupto animi o-  
dore. DE DISTINCTIONE SYNTAGMA meum  
hîc habet, lege, cenſe, & me ama. Mediolani, VIII.  
Eid. Iun. ∞. 1001.

EPIST. XVI. Venlonano.

ANNÆ & CHRISTINÆ  
PVTEANIS,

*Virginibus, & Sororibus meis.*

**V**T amor in me vester: sic scriptio est, meæ So-  
rores, potens & penetrans in ipsa animi de-  
creta. quæ tamen cur tam blandè impugnatis? Ego  
Patriam, Parentes, vos amo: isti, illis, vobis adesse  
cupio. Sed hoc si fata nunc impediunt, cur quera-  
mur? Impediunt autem, ut, sedato publico illo æ-  
stu, lætum lubentemque me Patria, Parentes, vos  
recipiatis. Confidite, licet: ac jam insperatam aliquã  
tranquillitatem protendunt de ætate illi fluctus,  
qui nunc denique publica & privata omnia colli-  
dunt & absumunt. Feramus: & vos interim hanc  
absentiam meam; imo hanc supplete, quatenus ad  
familiæ & fortunarû laborantium curam Parentes  
vos admittunt. Ego cenſeo; sed à luxu, vanitate,  
ineptijs vos avoco, quibus nostræ nunc virgines  
occupantur. Modestiam amate, simplicitatem, &  
castam puramque mentem. Sed amatis: pergite,  
&

& dignum nomine ac stirpe exemplum urbi date, me conspirantem, vestriq; amantem semper habituræ, vero & sancto verbo Fratrem. De Avunculo nostro CONRADO SEGERIO diu est quòd nihil audiam. Salveat, vir æqui & publici amantissimus, in nos valdè propensus. ALEXANDRVM suum si in Italiam mittere decrevit, de bonis honestisq; comitibus obsecro ei prospiciat. MELCHIOR VELTWYCKIUS meus iter parat; quid si cum eo? sanè veniat. quòd reliquum est, ego videro. Valente. Mediolani, A. D. Kal Febr.

Illustriſſ. Cardinalis BORROMÆVS benignè salutem missam accepit, & copiosè Patri, Matri, vobis refundit. Sed ad illos scorsim hoc quoq; scribo.

EPIST. XVII. *Mediolani.*

IO. BAPT. PRATÆ,  
 IO. BAPT. CAIMO, } *iureconsultis,*  
 PET. ANT. CALCHÒ, }  
 IO. BAPT. VERTVÆ, *Medico,*  
 IVLIO CÆSARI VICOMERCATO,

*Ex Auditoribus meis.*

**I**Ta scribo, & gloriatur, Ex AUDITORIBVS MEIS: quos stilo sic junctim nunc quoque compello, privatim Amoris, & publicè Honoris quodā vinclo junctos. Date oculos paullisper, at aures solertis, & pauca quædam verba illi Amori vestro, illi Honori dicata cognoscite, quæ in Chiromantiam

nuper inter ambulandum effudi, cùm extra portam Mercurij Circulatrix divina illum meum à studijs non minus mendaci quàm importunâ divinatione volentem invasisset. Tuli ægrius, atque ut stultitiam adolescentis punirem, linguam exacui.

**T***Vne quasieris scire, nefas, quem mihi,  
quem tibi*

*Finem DI dederint, Leuconœ: nec Babylonios  
Tentaris numeros, ut melius, quidquid erit, pati:  
Sen plures hiemes, sen tribuit Jupiter ultimam:*

Nam etsi (Ciceronis verba sunt) *vetus opinio est, jã usque ab Heroicis ducta temporibus, eaq; & P. R. & omnium gentium firmata consensu, versari quandam inter homines Divinationem, quam Graci μαρτυρίαν appellat, id est, præsensionem & scientiam rerum futurarum;* eam tamen qui ab Incisuris manuum commentum, propulisse mihi genus humanum videntur planè ad vetitum nefas. O vanos! ò audaces! quicumque illi primi. quæro, nec invenio: rem ipsam facilius, cujus ab ipsâ radice originem peto, & evello. Homo se hominem necdum noverat, & in divinæ providentiæ arcana impetum faciens, se Deum cœpit profiteri: scire aut præsagire futura, indagare dubia, judicare omnia; in novæ artis, an impietatis dicam? subsidium Naturâ ipsâ advocatâ. Auspicium enim Divinationis à Cælo sumptum, mox Elementa, & quidquid in orbe, traxit. Cælum & stellas Ἀστρολογία disposuit, Assyrijs, Chaldæis, & deinceps Ægyptijs culta, & velut ad necessarias aliquas leges redacta. Elementa verò singula propriam Divinationis speciem fecere: Terra Γηνωμαντίας, Aqua Υδρομαντίας, Aër Ἀερομαντίας,

τῆσαν, Ignis Πυρομαντία. Reliquum genus pænè in-  
 finitum fuit, & Κατοπριμαντεία à speculo, Λεκανομαν-  
 τία à pelvibus, Καπνομαντία à fumo ; item Νεκρομαν-  
 τία à mortuorum invocationibus, Auguria, Auspi-  
 cia, & plura. Sed nunc ad Cælum, & Ἀστρολογία me  
 refero, quæ Χειρομαντίαν produxit, velut alteram  
 quendam scientiam peritiāq; stellarum; κα, quem-  
 admodum à Mundo, & πῖττὰ cæli tabulâ: sic à par-  
 vo hoc Mundo sive Μικροκόσμῳ, quem hominē di-  
 cim⁹, *predici posset* (Tullius sic loquitur) *quid cuiq;*  
*eventurum, & quo quisq; fato natus esset.* Nam post-  
 quàm liberam & infutam hanc ab Æthere auram  
 in angustias illas legesq; cælestium corporum hu-  
 mana curiositas & curiosa infelicitas inclusisset, u-  
 niversum mox Planetarū ordinem & imaginē ma-  
 gni Templi, in hominis manus, & frontē quoq;  
 deduxit. Sed *frontis nulla fides*: cum manu autē ma-  
 nū conferere, & expedire quæ ad manum rationū  
 arma, promptus aggredior. Promptus inquam, etsi  
 non præmeditatus, haut aliter quàm ad classicum  
 repentinū. Nec opus, argumentorum aliquem a-  
 cervum instruere ac vibrare: unum aut alterū rem  
 confecerit; sicuti ad mortem ipsam satis unum aut  
 alterum vuln⁹. Ad victoriam verò satis, Ἀστρολογία,  
 cui innixa Χειρομαντία, cōvellere: sed ne ludere po-  
 tius quàm lædere videar, caput & cor ipsum peto  
 mei hostis: imò prius objectum Aristoteleū quem-  
 dam umbonem removeo, ut sine obstaculo feriā.  
 Lib. I. de Historiâ Animalīū, c. xv. lego: *χρὲς ὃ π μὲν*  
*ὄντος, ἔναρ, σαρκῶδες, & διηρημένον ἄρθροις: οἷς μὲν μακροβίοις,*  
*ὡς ἢ διὰ δι' ὅλων πῖς ὃ βραχυβίοις, διὰ, & μὴ δι' ἑλκ.* Interior  
*pars man⁹, Vola est, carnosâ, & Incisuris distinctâ; quæ*  
*quidem in Longevis singula aut bina per totam volans*

*exunt ; in illis qui brevioris vita sunt, bina nec per totā.*  
 Ecce fundum, & fundamentum universæ Chiro-  
 mantix, quo tot mendaciorum impudentissima  
 scena sustinetur. Nam Experientix illos tibicines  
 sive pilas, quibus vanissimi illi hominum impliciti  
 fidunt, levi nisu collidam omnes & sternam : imò  
 verò suo nutu cadent, si fundamentum subduxero.  
 Aristoteles censuit *longas lineas vite longæ, bre-  
 ves brevis indices sive notas esse.* Vno verbulo : nego.  
 Adsit Chiromantes, & audaciam meam puniat, si  
 ratione convicerit. Adest, urget, ait : Corpusculum  
 humanum, è semine concretum, dum in genitali  
 arvo vegetatur, incurvum & complicitum velut in  
 globum Natura tenet ; sed ipsum clausas constri-  
 ctasque manus ; ut lineas vitæ indices quisque sibi  
 ipse, cùm ad vitam formatur, unguibus inscribat.  
 Quia verò à vegetiore calore validior compressio,  
 & ab hac perfectiores lineæ ; vitam longiorem, quæ  
 à vegetiore calore est, manifestum est à perfectio-  
 ribus lineis signari. Hem ! quid illud ? Iam in ipso  
 primordio homines gallinas facis, & scalpere non  
 dicam lineas, sed vitam vis ? Vide num manifestò  
 teneatis ? Si ab unguum compressione incisuræ  
 manus, unde illæ in plantis pedum ? imò illæ in  
 exterioribus articulis digitorum ? si ab unguum  
 compressione, cur formam unguum non refe-  
 runt, interruptæ ac fissæ ? Te ipsum consule, bra-  
 chium exsere, manum constringe, ungues imprime :  
 ecce diversa vestigia sunt. prius non esse lineas,  
 quàm ab illa sculpturâ esse juraveris. At verò, in-  
 quies, cur clausas embrio manus, nisi ad hanc in-  
 scriptionem ? Imò ad quid vis aliud, quàm ad hanc  
 inscriptionem. Sed veram, & à peritissimo Anato-  
 mico

mico quæsitam mihi causam promo. Inter omnia humani corporis membra, manus præcipuè, quâ ὁ ὄργανόν π' τοῦ ὄργανου Aristoteles, & post eum Galenus vocavit, muniri ad agendam debuit. Quippe hæc una pars est, quæ pacis & belliguntia administrat. Homini enim Natura (Galenī verbis utar) αὐτὴ πᾶν τὸν ὅμῳ τ' ἀμυντικῶν ὀπλῶν χεῖρας ἔδωκεν, ὄργανον εἰς ἀπάσας μὲν πᾶς πύχνας ἀναγκῶν, εἰρηνικὸν δὲ ὑδεν ἡθόν, ἢ πολεμικόν. *Pro omnibus simul defensoriis armis manus dedit, instrumentum ad omnes quidem artes necessarium; paci verò non minus, quàm bello idoneum.* De bello, nimis cotidie notum De pace egregiè idem Galenus. Εἰρηνικὸν δὲ ὅμοιος ἔ πολεμικὸν ὁ αἰθρῶπος, χερσὶ δ' νόμοις ἐγεστάτω, ἔ βαμποῖς, καὶ ἀράγματ' αἰεὶ ἰδρύσασθαι, καὶ ναυὶ καποκευάσασθαι, ἔ αὐλόν, ἔ λύραν, ἔ σμιλιν, καὶ πυράρεαν καὶ τ' ἄλλα πάντα τῶν περὶ ὄργανα, καὶ ὑπομνήματα δ' αὐτῶν πρὸς διδασκείας ἐν γραμμασίῳ ὑπελίπετο. καὶ οἱ δὲ π' γοσμίματα, ἔ χεῖρας ἐπὶ καὶ νύκτ' ὑπαρχὴ ὁμιλεῖν Πλάτωνι π' ἔ λειπαίλει, ἔ ἰπποκράτει, καὶ τοῖς διγῶσι παλαιῶσι. *Pacificum verò Scivile animal homo, manibus ἔ leges scripsit, ἔ aras ac simulacra Dijs crexit, ἔ navem construxit, ἔ fistulam, ἔ lyram, ἔ si alpellum, ἔ forcipem, ἔ reliqua artium instrumenta commentarios item de speculatione eorum scriptos reliquit. Liceatq; tibi litterarum ἔ manuum beneficio colloqui cum Platone, cum Aristotele, cum Hippocrate, cum reliquis Antiquis.* Itaque muniri manus debuit, & cutis illa volæ singularis caloris beneficio exsiccari atque indurescere: angustia autem & excrefcere calor ille non poterat, nisi constrictâ manu clausus. Lineas ipsas propius & curiosius inspicio, in alium utilemque magis usum à Naturâ scriptas. Ut animæ: sic corporis functiones distinctæ & variæ: una.



manus ad *Apprehensionem* facta; atqui apprehensio difficilis atque impedita fuisset, si, ut in reliquo, pænè corpore, laxa & à carne divulsa cutis. Itaque firmare eam ligaturis quibusdam, & velut vinculis Natura voluit? vinculis autem linearum, quibus carni adstringeret. haut aliter quàm in brachio, femore, alibi, ubi libera cutis, fieri videmus. hîc enim, si aut vulnus casus imprellerit, aut hostis inflixerit, aut flamma inusserit, & cicatrix obducatur; tenditur utrinque cutis, & velut lineâ ligatur. Quid igitur mirum, variam Incisurarum dispositionem, varium numerum esse; cum manus ipsæ cujusque formâ aut magnitudine, cutis crassitie aut duritie discrepet? Non easdem sindoni & sacco strias imprelleris, non easdem pallio & togæ. Etenim si ulla Divinationis signa Incisuris Natura concessit, cur obsecro tam amplum donum, tam locuples beneficium solis angustijs manus, velut pugno, concludemus? Sola hæc pars divina est? Nolo antiquo apologo classicum canere, & bellum inter membra excitare: urgere potius, ut à toto corpore vanissimam superstitionem arceatis. Facturi, si è Naturæ secretis causam historiamq; Linearum cognoscatis. Manum, è præcepto veterum Philosophorum, Isidorus quasi totius corporis munus definivit. Ipsa enim, inquit, cibum ori ministrat; ipsa operatur omnia, atq; dispensat; per eam accipimus & damus. Atque hoc munus flexione fit: ad flexionem Incisuræ necessariae sunt, quas ne omnes recenseam, primas illas ternas ac principes solum insisto. Digitorum *inquita* (ita Hippocrates nominavit) hæc est, ut largo intervallo Pollex sive *αὐτὸς* Indici opponatur, & omnibus

contra-



contrafle&atur. ut autem articuli; ita & Incisuræ ad flexionem hanc faciunt. An omnes? ita: maximè tamen illæ principales digitorum atque volæ. Digtos non persequor: in volatres eminentes. Prima sub Auriculari oriens, in mediam volam procurrat: atque in hoc velut cardine & fundamento Auricularis atque Annularis volvuntur & hæret. Secunda ad Indicis radicem nascens, sub primam extenditur: quæ medium digitum & Indicem totum flectit. Tertia cum secunda profluens, musculum ambit, & ad carpū usque porrigitur, quandoq; simplex, quandoq; geminata, ut Aristoteles distinxit: hæc Pollicis vertebra est, linea vitæ nuncupata. Quis elidat, aut infringat hanc doctrinā? Fidem nunc habes, non dicā doctis, non viris, qui Chirromantiæ vanitatem excusserunt; sed Mulierculis in Scytharum morem vagis, quæ circumforaneam hanc sibi vanitatem, velut artem adoptarunt. Iam in oculis versari mihi videntur, illæ

*Nugipolyloquides, argenti extenebronides,*

*Technipolyloquides, nummorum expalponides,*

*Quod semel arripides, nunquam postea eripides,*  
 versicolore cætone induræ, luteis oculis, tetræo vultu squalidæ, jactare expapillatū æque brachiū, ac attā. *Cave cave canē:* latrat, sed & mordet. Ne tu Sibyllas istas cēteas, Harpyæ sunt; quæ manū tibi præfiant, & steilas cœlo ductas per lineas disponunt, ut interim manus ipsæ bulgæ injiciāt, ac pulchrè te emungant. O doctæ, callidæq; ad mendaciū pariter ac furtum! Nihil tam occultum, quin revelare præsumant; nihil tam custoditū, quin surripere audeāt. quæ si Divinatio est, clepere q̄ alienum est, mentiri q̄ futurum est; non pœna malitiæ, sed præmium

ingenio quærendum : si aliter, lege publica furti  
damnentur, & stigmata ejulent: mendacium verò  
novâ pœnâ plectatur, ut in Sigæum eant, & sem-  
piternum sileant. Tu verò, cujus hæc causâ di-  
cta, quam dare fidem Chiromantis visus, deinceps  
deme.

*Non enim sunt ij aut arte divini, aut scientiâ ;  
Sed superstitioni vates, impudenti q̃, harioli,  
Aut inertes, aut insani, aut quibus egestas imperat:  
Qui sui questus causâ fictas suscitant sententias.  
Qui sibi semitam non sapiunt, alteri monstrant viam,  
Quibus divitias pollicentur, ab his drachmam petunt.  
De his divitiis sibi deducant drachmam, reddant ca-  
tera.*

EPIST. XVIII. Mediolanum.

LVDOVICO SEPTALIO V. C.

Patricio & Medico Mediolanensi.

<sup>\*. omnis enim</sup>  
<sup>ista via multis est,</sup>  
**A**Vdi mi Amice, mi Patrone, mi Pater,  
— <sup>\*. παρὰ τὸ τὰς εἰς οὐ μοι,</sup>  
& serîd hoc cape; meritum meum, quod tu tot be-  
neficiorum tuorum fundamentum nominas, nul-  
lum aut debile esse. Juvor ac promoveor à te, quia  
amor: amor autem, nec causam possum dicere,  
cur ameri: hoc tamen possum, te sine causâ non a-  
mare. Nam etsi nihil ego dignum amore tuo præ-  
sto; reperis tu tamen quod ceu dignum ames. Et-  
gò ama mi Amice, mi Patrone, mi Pater. Patavij,  
xiv. Kal. Martias, ∞. 15. 16.

EPIST.

EPIST XIX. *Ticinum.*ISABELLÆ ANDRÆINÆ,  
*Academica Intenta.*

NÆ tu mihi animo defectum Naturæ supple,  
ANDRÆINA, virilis gloriæ non capax tantū,  
sed conſors : imò tu ſexum tuum linquens, ipſo  
virtutis niſu in virum te transformas. Quod ſi à  
viro virtus dicenda, felicior tu viro, quæ mulier  
fructum virtutis procreas : ſi verò à virtute vir, ti-  
bi præmium melioris nominis debetur, quæ mu-  
nia melioris nominis, viri inquam, obis. virigi-  
tur eſ; & vir quoque diceris, ſi ANDRÆINÆ no-  
men examinas. Ego quantum te laudo, tantum  
accuſo ignaviam noſtram, qui ne nominis quidē  
dignitatem ampliùs tuemur. FVIMVS TROES.  
Nunc deſciſcimus paullatim, animiq; neglecto  
cultu, ne dicam ſpreto, formę fortunæque vaniſ-  
ſimis delitiis ſaſtum proſitemur. Hæc doleo, ſed te  
amo, quòd dānata nobis ſtudia & vota amas. Die  
Lunæ Orationem hîc publicè habiturus ſum, *De*  
*Munere meo publico.* Vtinam propitiā tuā Sua-  
dam experiar, & audacè ac feliciter dicam ! u-  
trumque ſubdifficile, ſive apud hæc ingenia, qui-  
bus difficulter ſatiſfacias ? ſive meâ naturâ, qui ti-  
midior, ſive verecundior ſum. Commaſculabo a-  
nimum, & conabor inter paucos viri nomen re-  
tinere. Vale cum CALENO tuo, ac Antalogiſtam  
tuū ſaluta. Mediolani, v. Eid. Nouemb ∞ .1701.

## EPIST. XX.

Romam.

SCIPIONI CAMPO V. N.

**R** Adjusterenti & fervidi Amoriste calfacit, & mi amantissime CAMPE, qui tam repentinā, tamque copiosam mihi reddis segetem litterarum. Quid? reddis? imò verò das, benigniùs ignavum stili mei cultum excusans, & rarum sterileque seminium scriptioris. Quod à Naturā quibusdam terris concessum, ut suā iponte fruges producant: id tuo animo, ut Amicitia officiosa ac litteraria signa. Ego ista præter spem pænè insperatam vidi; & ad ista simul desiderium concepi tui regustandi. Itaque de itinere; certum mihi decretumque, velis remisque ad te currere, in illum bonorum ingeniorum portum. Etiam dubitas? tuus sum quomodocumque; venire jusseris: secuturus etiam quæ non jusseris. — *vel per Alpium jugā,*

*Inhospitalem & Caucasum,**Vel Occidentis usq; ad ultimum sinum.*

De mari falsè profectus, & tuo more, ludis: ego in mari tamen sum, nec illis, quibus tu suspicare, remoris impeditus.

*Quo me cumq; rapit tempestas, deferor hospes;*  
imò verò tempestatem omnem perrumpam, ut ad te, ad accensum desiderij tui pharum. Ergò è medijs undis aquam tibi adferam; sed è salo Putealē, & arentem Amoris ignib<sup>9</sup> CAMPRM largiter perfundam. Frigidam ne spera. ipse enim totus à purissimo illo & quem tibi virtutiq; tuæ debeo affectu incalui. Breviter: CAMPRM meum amo: à Neptuno abhorreo.

• *Mare, ignis,*  
*mulier, tris*  
*volūta.*

• *Θάλασσα, & πῦρ, & γυνή, κατὰ πείρα.*

Ve-

Venetijs, Pridie Non. Octobr. ∞. 1500.

EPIST. XXI.

Mediolani.

IVLIO CÆSARI RVGINELLIO I.C.

**D**ilem tu munusculo claufisti, ego ordior: accipi delitias pridie, ut postridie solverem. Lubens, lubens; quia non semper qui prævenit, vicit: & tu casu dedisse manus, ego consulto cōsilio reddidisse videor: tu oris sive palati, ego animi & pectoris quemdam succum: illum fugacem & diffluentem, hunc robustam & æternum. Sed tuum ego in manus, & mox in os admisi; ut tu hunc meū in oculos, & mox in pectus. Tuum autem voco, quem, ab amico acceptum, transfudisti: sic meum, quem ab alieno ingenio velut flore expressi. Optima autem illa munera sunt, quæ aliundè derivata, in amicum transferimus: cū sic ad nostram significandam, alienam quoque beneficentiam impendamus, amicitia quam munerum tenaciores. Salve. v. Eid. Sext. ∞ 1501.

EPIST. XXII.

Vrbium.

FREDERICO BONAVENTURÆ,

*Viro Illustri.*

**I**gnotus te cōpello, Illustris vir; causam vis? quia amo, quia colo, istā doctrinā, in istā Fortunā clarum. Imò causam vis? ne ignotus amem, ne ignotus colam. Amor autem imperfectus; cultus nullus, nisi in scientem; addo, nisi in volentem.

Scire igitur te utrumque illum haveo, imò velle; ut scientem, volentemque amem, atque etiam colam: facturustamen & hoc & illud, etsi noles. Debeo, debeo; & causam dixi. Magis etiam debeo, quia magno animo, magnoque exemplo neglecta & contempta bonarum Artium studia in pristinum gradum reponis. Ego tantum debeo? Omnes illi, qui nunc pænè ad literarum nomen coguntur erubescere. qui si genere clari, extra cōtēptum deinceps erunt, quòd, te Mystagogo, Musarum sacris operabuntur: si obscuri, lucem generi dabunt; quòd ijsdem tecum studiis incumbent. Ante omnes autem illos, ego dupliciter nunc tibi debeo; & quòd bonâ stirpe ortus dignas stirpe literas videam; & quòd stirpem non iactans, stirpis gloriam in litteris inveniam. Ergo & hoc quoque nomine amo te, & colo: amare autem me profiteor, ut amorem tuum impetrem; colere, ut cultum liberè exhibeam. Vale Illustris vir. Mediolani, VII. Eid. Nouemb. ∞. 1561.

EPIST. XXIII.

Lovanium

IVSTO LIPSIO V. C.

*Historiographo Regio.*

**S**Atin' Eidus colo? Junijs ad te scripsi, & nunc Julijs casu scribo; quasi ad Lunæ cursum rerum mearum tibi menstruum *ēidos* effingens. In confinio Feriarum sumus, & de Romano itinere cogito. Deum rogo, ut felici pede ingrediar: non certè ante præcipitè Æstatem, nequid fatale mihi machi-

machinetur Caniculæ furor, & torrensilla Hora.  
 Ferrea illa & ad Solē indurata corpora, tūc tamen  
 Solem timent: quid ego, cui longus & fonticus ille  
 morbus robur omne attrivit? De itinere tamē co-  
 gito; sed caute suscipiendo. Quid enim, si ab ipso  
 motu vires recolligam, & vigorem à spirante aurâ.

*Vidi ego iactatas motâ face crescere flammâ;*

*Et vidi nullo concutiente mori:*

ſic vitæ hunc ignem moderatâ profectiunculâ ac-  
 cendi, & affectum corpusculum depurari; contra,  
 languere ac tabescere continuâ quiete. Itaque in  
 consilium ex amicis omnibus Medicum vocavi,  
 SEPTALIVM nostrum; & in consensum pertraxi.  
 Tu accede, siue Medici, siue amici causâ: ipse ex  
 parte futurus Medicus, si secundū amicum judica-  
 veris; magis amicus, si Medici sententiæ subscri-  
 pseris. Sed accedis, iudicas, subscribis: bene est.  
 ego meo, tuo, SEPTALII consilio utar, ac men-  
 se Septembri proficiſcat. Quot urbes, quot viros  
 videbo, nomine & Famâ illustres? Illud ipsum ca-  
 put omnium urbium, omnium virorum. videbo?  
 imò religioſe venerabor, & tot annorum deſide-  
 rium avidè explebo. Deus faciat: tum hoc quoq;  
 ut pedem figere in æternis illis locis poſſim, quæ  
 æternum aliquid donet. libens livori & calumniæ  
 locum datem; nec te ò Mediolanum Doctõibus  
 tuis inviderem. Teſtari poſſum nuſquàm ſtudia æ-  
 què neglecta, quàm hic eſſe; ſive eorum culpâ qui  
 docent, ſive qui diſcunt. Ego certè attollere tuo  
 exemplo & hortatu conatus, non minus docen-  
 tium invidiam, quàm ignaviam diſcentium ſuſti-  
 nui. Vbi priſcæ illæ PALATINÆ, priſca ingenia, priſ-  
 cus ardor? fuerunt; & dolere me hoc, nonnulli



sunt qui dolent. Ille ante omnes, qui è cōmuni illò genere umbraticorum, publicam quoque Scholā invasit, vacuam immunemque vocem ambitiosè locans. Indignus præmio, dignus professione visus est, postquam gratis operam obtrusit. Docere igitur cœpit, & annorum aliquot spacio impenso, non doctrinæ, sed temporis honorarium impetravit, sed pusillum, & coercendæ dumtaxat querelæ. Scis autem quò nō serpat inepta persuasio: eadem ille fronte, quâ in Scholam venit, primum quoque ELOQVENTIÆ munus ambivit, & competitor meus factus. Repulsam tulit: *hinc ille lacryma*. Tu aut ride, aut ingemisce ut frontem ferias: magis etiam alterutrum facturum, si Orationem hanc inspexeris, annon cum Annalibus Volusij habendâ? Lude paullulum hoc luto, & animi causa inquinari sustine nitidas lepidasque tuas manus. Rilus ipse lacrymas tibi fundet, quibus abluaris. Hanc epistolam BILLIODVS feret, nunc ad cinctus, ut equum insiliat ac discedat. Iam ipse excitor, & exstimulor ad profectiorem; ut frenum, non l. brum teneam; & tremulum moveam, non stilum, sed bacillum. Breviter de me, & litterarum hic statu habes: copiosior ipse lator erit, qui sanus te sanum videat & complectatur. Mediolani, Eidibus dictis, 66. 12. ci.

EPIST. XXIV.

Romam.

IOH. BAPT. HANSENIO S. D.

QVod facillimum est, HANSENI, facis. Quod illud? inquires. Amico injuriam, quam odio-  
sa illa



sa illa silentij exprobratione impegiisti. Scripsi ad te & copiosè & diligenter, meliores curas seponens: scripsit, quod in gloria ponas, ipse PINELLVS. Illas litteras perijisse? Non tam facilè est, *quam piræ volpes comest*; nisi tu quidem durior in nos, quàm in tabellarium ipsum: & exigere à nobis prælumis, quod apud illum negligis. Cur dissimulas? Si responsum subterfugis? facilè veniam scribendi facimus: si protollis? excusare moram decet, si non apud me, apud magnum illum virum: imò apud me, qui in litterarum Amorisq; hoc officio magis fraudulentia, quàm negligentia offendor. Si enim negligis, sacrum vinclum laxas; si fallis, secas & ab-rumpis. De Censorino fac ut animo tuo collibitû: ego promptos volentesque LAVRINOS meos habeo, quia amicos; idoneos quoq; ad hanc curam, quia eruditos. Sed quænam illæ non vulgares Notæ in Bibliotheca Mureti? Harum saltem fac specimen aliquod videamus. Classicum sensi, imò pænè telum, quod perduellis ille torfit. Deus bone! audax hæc calumniæ, an insania dicam?

*Num larvatus est ille. aut ceritus? fac sciam.*

*Num eum veterius, aut aqua intercus tenet?*

Ego valere cupiam: te quoque HANSENI. Patavij, xvi. Kal. Martias. 1613.

EPIST. XXV.

Frankfurtum.

CLAVDIO MARNIO

Typographo Celeberrimo S. D.

**A**micitiâ, q̃ cum Io. AVBRIO in itinere Basile-  
ensi ante quadriennium contraxerâ, pferre

ad te perpetua fuit cupiditas, Celeberrime vir; & nunc tandem, non profero. desijt enim illa, postquam inter homines esse ille desijt; sed universam transfero, velut relictam aliquam plantam Amoris, in proximam glebam. Amoris inquam, & cum eo quidquid litterarij fructus ab ingeniolo meo hactenus natum aut conceptum, quidquid deinceps quoque nascetur; ut tu id universum ( si è re tuâ esse perspexeris ) typis tuis protrudas ac divulges: Typis, quos ego cum Plantinianis semper maximè æstimavi, non tantùm bellos, sed correctos; & melioribus libris studiijque destinatos. Quod prudenter & bono Typographiâ à vobis fit. Hæc in. nisi casto & philologo quodâ vincolo uni Phœbo velut marito constringatur, inficitur, inficitque; haurit aliter quàm prostibulum, quod omnium pruritui ac libidini succumbit. Nunc in Typos venit fori scabies, ingeniorum gangræna, Scholarû barbaries; & venenum suum adspirat. Censes librum aliquè sani coloris posse enitescere? nisi tu & pauci grassantem istam luem arceatis: arcebitis autem, si putos illos amœnioris Doctrinæ ac litterarum terminos non excedetis. Vbi litteræ florent, etiam Typographia. hæc in Italiâ, Hispaniâ aliisque locis languet, quia illæ extinctæ. Scilicet pars litterarum Typographia est, tum demùm restituendâ; cùm illæ renascentur. Quando? quando? Ego interea ad te eo, ut per te litterariæ meæ lucubratiunculæ, non vivant tantùm, sed valeant, è noxiâ hac aurâ translata. Videbis, & disposes ordine quò voles: etsi mihi placeat *Epistolarum primum Librû*; velut omnium *Promulgidem* præponi. Ego deinceps cogitationes & stilum intendam, ac majora;

ma-

gisque Typis vestris digna dabo. Sic Amicitia nostra crescat, durer, diurnet: sic Typographia vivat, vigeat, floreât. utraq; litterario hoc cibo nutrienda. Vale. Mediolani xiiii. Kal. Martias, ∞. 1561.

EPIST. XXVI. Patavium.

IULIO CASSERIO, V. C.

*Medico & Anatomico.*

Magna illa humanitas tuâ, Clarissime vir, magnus affectus, quo æternum illud in me beneficium comitaris. æternum inquàm, quia æternus ille liber, in quo nomen meum, velut lucentem aliquam stellam, scintillare voluisti. Ergo

*Non omnis moriar, multaque pars mei  
Vivabit libitinam.*

Sed beneficium inprimis dico & æstimò, quia ab affectu venit; affectum, quia humanitate commendatur: ut mihi quidem extendere & continuare beneficium videare, quia hanc, & illum. Litteras ad me ultro mittis, ad scribendum hortaris: id est, in officium meum migras, qui ipse jam litteras tibi debebâ. Sed debebâ, non solvebâ, pressus negotiorum quadâ mole. Quid dicam? ut in urbem & munus veni, dies plures officiosè & negotiosè consumpti. Amicos salutavi, Larem coronaui, mox publicè Gratias Senatui dixi, & docere aggressus sum. utrûq; feliciter. Nunc respirare incipio, & quietam, aut minus impeditam ad vos mentem reflectere, imò manum; ne memoriam solummodo vestri habeâ, sed habere quoq; ostendâ. Habeant mente; osten-

dam. Habeam mente, ostendam manu. De Vocibus  
& AUDITV, quia ita vis, imò quia ipse sic volo, ego  
quoque loquor, ut audiar, & famam aliquam nan-  
ciscar à tuâ famâ, quam sparsam jam video per cul-  
tas omnes plagas. Mediolani, Postridie Eid. De-  
cemb. ∞. 156.

IN IVLI CASSERI V. C.

DE VOCIS AUDITVSQ. OR-  
GANIS LIBRVM.

**C**ASSERI Medicâ potens in arte,  
CASSERI Melicâ potens in arte;  
*Quantum utraq. fui potens in arte  
Ipse, quem Medici suum patientem  
Et suum Melici vocant parvulum.*  
In AVRES tibi dico in OS, & ORA, dica  
Palam ipso in medutullio Lycas,  
Palam, ipso in medutullio theatri:  
Unus tu pater ORIS; AVRIVMQVE  
Per AVRES volutus, & ORA vulgi.  
Namq. tu simul ORIS, AVRIVMQVE  
Clusos hætenus & tenebricolos  
Anfractus referas (sacrum), limen  
Honoru referas tibi, tuum;  
Sic AUDIRE jure, juralq. FARI  
Quam sumptu, studio, eruditione  
Et tibi bene consulas, tibiq. :  
Quam sumptu, studio, eruditione  
Et seclo bene consulas, tibiq.,  
CASSERI Medicâ potens in arte,  
CASSERI Melicâ potens in arte.

EPIST.

EPIST. XXVII. *Bruxellam.*PETRO PANTINO, *Decano.*

**P**atriam ego cogitè? illam nunc magis fluctuâ-  
tem, ac pañissimè pereuntem? Ita, si decorum,  
cum illâ (non. n. possum dicere, pro illâ) fluctuare,  
ac perire. \* Ἄ τις ἀπὸς, καὶ ἀ καὶ δέχομαι.

Ἐπεὶ δ' ἀφ' ἐπὶ πρὸν

καὶ κακῶν κυρεῖ.

\* *Incredibilia  
incredibilia,  
nota nova tu-  
eor. Alia ab  
alijs malis in-  
cidens mala.*

Hic autem impendens ille belli nimbus detonuit,  
an in vos erupturus? Scilicet ut quædam loca dant  
nubes, alia recipiunt: sic militem hæc regio, qui in  
Belgicâ cadat. Vtinam aliter sit! nec alieno sangui-  
ne intestinum bellum alamus! Italiam Deus res-  
pexit, & pacem esse voluit jam in medijs armis.  
Esse voluit; aut potius trepidantem confirmavit.  
Ut procellæ quædam repente oriuntur, & repente  
ponunt: ita l'anicus ille terror. Vno verbo, sudum  
est, & Βροτέλοιρος ille recessit. Quod id Themistiū,  
opinor ipsum PINTORUM jam scripsisse. Ille verò  
non librum totum, sed correctiunculis paucas ex-  
pectabat excerptas ac congestas, paratus doctorū  
more ἀμετέδου. Manuscriptum quem habet, opti-  
mæ notæ est; è quo omnes illas Stephani lacunās  
quàm felicissime explevi. Iam si numerum Ora-  
tionum persequaris, totum hîc Themistium ha-  
bes: & tu hoc toto, si lubet, utere. Patrem meum  
Bruxellæ nuper fuisse intellexi, ut Diploma ne-  
scio quod à Principibus peteret: quàm doleo  
non innotuisse tibi, cultumque filij causâ detu-  
lisse. Sed ~~his~~ fiet hoc tamē, si casus aut causa eum

reducerit. Virū cognosces probum, nec ἀμωστὴ, honesti ac liberalis animi, & quem in justissimā apud Principes petitione, velis adiatum: virum antiquæ virtutis & fidei. Litteræ Lipsianæ tam perierunt, quā extrema faba; nisi quod redivivæ apud scriptorē bonā sorte, & exemplar submittendū. Triumvir ille mali rumoris stigmatē percussus, Mediolanum, & amicos subitō reliquit. an & seipse? planē, nisi male alibi latet. SEPTALIUS & SACCUS te amant, & pariter salutant: & hic ante ostiduum ad te litteras. Tuas ego Principi à Sacris dedi; & porrō rogo operā meā quā sapissimē, & in omnibus utare. Vale Reverende vir, & me ama. Mediolani, VI Non. Majas, ∞. 1561.

---

EPIST. XXVIII.

*Mediolani.*

AQVILINO COPPINO, V. C.

*In Collegio Tabegiano Professori.*

**V**erbis parco, & in sententiam tuam de stilo pedibus eo, imo, ne quid mentiar, ipso stilo. Appueri tamen dictionem cur omnino spernam? Multa in eo mihi dē ornata: proprie expressa, egregie explicata, & præter doctrinam curiosā fundi felicitas, in quo ut solus hominem verbis ornato) neque Cato *modestiam* requirat, neque Lelius *lenitatem*, neque Gracchus *impetum*, nec Cæsar *calorem*, nec Hortensius *distributivum*, nec Calvus *argutias*, nec parsimoniam Sallustius, nec opulentiam Cicero. Apologia illa exemplo sit, egregium & magnanimum scriptum: in quo, Correctionis causā, eadem quæ

quæ fulissimè dilatauit, strictissimè coarctata;  
 quæ floridè protulit, acriter conclusa represento.  
 sub finem ἀνχαφαιήσεις ista: *Ceterum ad hæc quæ  
 obiecistis innumera, binis verbis respondeam. Dentes  
 splendidos: ignosce munditiis. Speculum inspicis: debet  
 Philosophus. Versus facis: licet fieri. Pisces exploras: A-  
 ristoteles docet. Lignum consecras: Plato suadet. Uxo-  
 rem ducis: leges jubent. Et reliqua. Quid brevius?  
 quid nervosius? imò quid lepidius? quid elegan-  
 tius? Dialogisimum componit, & binis verbis ca-  
 lumnias omnes retundit, illas ingenti verborum  
 bile & copia exagitatas. Quem non capiat & vis &  
 Venus hæc dicendi? magis etiam si, nævo sublato,  
 in pristinum nitorem dederò periodi hujus vultū.  
 Facio, adjutus à manuscripto Bembi. *Ceterum ad  
 hæc quæ obiecisti, NUMERA, an binis verbis respon-  
 deam.* Amilianum aduersarium compellat, cum-  
 q̃ te audiret iuberet responsionis verba in digitos  
 inttere. Quasi dicat, imò ut ex parte dicit: crimina  
 objecta non quidem illi innumera (certus enim e-  
 ram te accusationem mei penuriâ criminum solis con-  
 vultus impleturum) sed illa pauca quæ struxisti, tam  
 nihili, tam nauci sunt, ut binis verbullis ordine sim  
 expuncturus. Atque hæc correctio tam manifesta,  
 ut clausis vel in totū Homericis oculis liqueat. Ap-  
 puleius certe, si non ubique castus, si ignoras quas-  
 dam Tullio voculas usurpavit, unus ex multis est,  
 quibus tamen sine magno Rei litterariæ damno  
 non careamus. Salve, & nunc mecū senti. in Mu-  
 sæo meo, cujus jam leges scripsi. Veni & vide, ut e-  
 go te. iterum salve.*



EPIST. XXIX. *Mediolanum.*

LVDOVICO SEPTALIO V. C.

*Patricio & Medico Mediolanensi.*

**A** Vidè sorbui illud quod misisti *ὄν δίδυμον*. Sic  
n. appello geminā in eadem tabellā epistolā,  
argumento gratam, pretiosam ipso dolore, in quo  
scripta. Sed hisce malis obnoxij mortales sumus,  
postquā. *Post ignem Ætheriā domo*

*Subductum, macies, & noua februm;  
Terris incubuit cohors.*

Non ad vitam; sed ad morbum parē nascimur, &  
per omnes membrorum meatus diffusam à N. tu-  
rā habemus vitæ pariter & morbi curam. Cur in-  
dignemur? Nimis insolentia nimis lasciuia huma-  
num genus, nihil in vitiis illis & comp. edibus ha-  
beatur. Alium ad vinum & ad inproprietatem im-  
becillitas coercuit; alium quibz libidinis concitatum  
egritudo cohibuit; illum in fraudes & rapinas pro-  
num morbus sustinuit. ad summam, quisque cum  
decumbere cæpit, se mortalem cogitat; & in le-  
ctulo scelera, vota, & humana cuncta damnat. Er-  
gò utiles & necessarii morbi sunt; ille melior, qui  
magis subiectus. Ut iuniores & roari solent, qui  
nausæ gravem illam aulicam excruciant: ita & pro-  
cellis hujus vitæ, qui impuris languore animi fe-  
ces abluunt. Non ego tuos morbi festem quem  
quam dixerim; sed à morbo, si ad salutem conva-  
luit; imò à morte, si prorsus scelera, quā vitam de-  
seruit. Alàs benè valere, bonum bono viro: id est,  
qui mentem habet bonam. Menandri vox est:

*ἄχρηστος*



\* Ὑγίεια καὶ νῦς, ἐσθλὰ πρὸς βίῳ δῶο.

Bona duo sunt  
viventi Menti  
& Sanitati.

Rectè; sed mens quoque sana: quæ si laborat, ipsa vita morbus est. Itaque, ad felicitatem humanam,

*Orandum est, ut sit mens sana in corpore sano.*

Vt verò mentem habeamus sanam, & à vitijis omnibus liberâ, in nostra potestate est; ut in corpore sano, non est. Illam tu habes; ut in hoc habeas æternum numen rogo. Sed quid hoc? De Munere tu meo scribis, de morbo ego tuo respondeo. Dici solet:

\* Ἰατρὸς ἀδὸλερος, νοποῦν πάλιν νόσος.

\* Medicus garrulus, aegrotanti alter morbus.

Ego verò, multiloquus tibi Medico factus, vereor ne linguæ meæ morbum intenderim: aut potius, quia de morbo garrivi, ne garruli medici notam sustineam. Itaque breviter ad epistolam. Per illustri viri FREDERICI QVINCTI studiū exosculor: nec invitus suspēdo desiderium meum, donec RELATIO fiat. Ad LIPSIVM scripsi, & rem totam exposui: quæ si litteris ad SACENVJ juvat, rem factâ puto. De stipendio principio velim scire, non quasi id vulgi more spectem; sed ut dispungam, an ad optatum tempusque, sumptus suppetant.

\* Περὶ πλῆθους καὶ εὐπορίας σκοποῦ.

\* Optimum est, lucrum non spectare in omnibus.

Ego si ad lucrum item, in aliam secesso, rem viam, à studiij & Muls. Nunc. Certe potius de iudicio quam habere; unò vero de genere potius, quam de re.

\* Αὐτοὶ τοὶ ἐν γένει τοῦ νοῦ ἐν δὲ τῇ οὐσίᾳ, εὐπορίας οὐκ ἔχοντες.

\* Καὶ μὲν ἐμὴ γὰρ ζωὴ μὴ καὶ ἡμῶν,

\* Si opulentus est, dispendia animæ, tantumque pauperum quæritur, su-

Κ' εἰ σμικρὸν ἔχοιμι, πᾶν ἀνὰρ κοινόν.

Ecce hoc ipsum in divitijs pono, scire.

\* — ἐὰν πλῆθος ὦν κα-

per varare. scilicet. Quæ iustitiam tuam possidere, ac divites plus habere, par est rationi nimis inquitur.

ἢ ἡμῶν σκοτοῦς τὸ πλεον, εἰς ποσὸν τῆς

Πενυχτός, εἰς ὅσον εὐφροσύνης πόνος ἐστὶν

χεῖν, & πᾶσι τοῖς πλείον γ' ἔσθ' ἔστιν ἔχουσι

Αὐτῶν αἱ ψυχὰς τὸ μεμνηνῶν.

Ego verò quietem amo, quietem ambio, & fortunam velut vestem habeo, concinnam potius quàm laxam. An & orationem? Denuò excessi: tempero. Ad QVINCTIVM, & SACCVM hîc habes. FVLVIYS VRSINVS æternùm libros & oculos clausit. PINELLVS nescio quid minatur: ac verendum certè, ne sibi ipse fati calculum adjiciat, qui jam calculo magis magisque cruciatur. Scis quàm periculosum hoc in sene, ferro, seu pharmaco remedium pares. Nam ut ij qui in præcipitijs ambulant, levi aliquo impulsu ruunt: sic qui in limine, ut sic dicam, *ἀμφι*. Longè, longè ab sis? atque utinam semper! Frustrà. Hæc illa unda

— scilicet omnibus,

*Quicumq; terra munere vescimur,  
Enaviganda.*

Patavij, Kalendis Julij, .∞. .130. cùm amicus interveniret, qui mihi æquè ac hæres hæret. Vide factum Amoris vinculum: una Mediolanum vellet; sed locum aut conditionem aliquam reperire, ut posset. Medicus est, si peritiam, si doctrinam spectas, non è multis: & mihi amicus, sed non è multis. Si me amas, merentem promove, & inter tuos adscisce, qui operam suam Nosocomio navant. Ego certè merentem tibi commendo, ideoque paucis: sed *Testimonium* & *Preces* Liplianis adjungo, ut isto confirmem commendationem meam, his extendam. Nam etsi omnis prolixa commendatio, quæ de merente fit: nunquam satis prolixa, quæ ab amante fit. Testimonium igitur habes, justum, à IYSTO, & hoc sufficiebat; sed in preces facilè dilabitur, qui ex fide testatur.

~~~~~

QUICVMQVE HÆC LEGETIS,

**T**Estimoniū & preces meas hic habetē. Illud, quia serio & ex fide testari possum G V I L I E L M V M A T H E N I V M Belgam, olim Lovanij inter auditores meos fuisse, ingenio & moribus bonum, parentibus etiam & totā stirpe honestis. Preces igitur adjungo, ut quoniam apud exteros nunc agit, & in Medicinā (cui se dicavit) progressus ita fecit, ut publica iudicia & titulos meruerit: peto, inquam, carus gratusq; sit apud eos quibus Virtus, Doctrina, & Humanitas, & (addā modeste) quib. Lipsius etiam, cara sunt. Equidē hoc beneficiū interpretabor, & quanquā corpore abjunctus, animo jungar & adhærebo, qui se mihi sic ostenderit amicum. Lovanij, xv. Kal. x. bres. ∞. 10. XCIX.

EPIST. XXX.

Patavium.

I O A N N I C I V I L I

*Salutem nuncio,*

**Q**Vam ipse per hos dies aliquot vix habui. Scilicet ut cælum, sic homines sumus; & ut illud ex intervallo nubibus obducitur & obscuratur: si ipsi caligine aliquā morbi. Sed ego nunc discussi ægritudinem omnem, ac sereno animo corporeque sum. Librum habeo, & gratiam tibi, ac VERWILTIO, qui tam promptè transmisistis. PANEGRICVM meum legi isthïc, & laudari libens audiui: tum hoc quoque, te expetere. Expetis enim, ut ipse quoque legere, ac laudare possis. M'it-

tam, mi amice, ac permittam lectione industriam  
tuam, laudatione amorem foveas. Mediolani, ix.  
Kal. Mar. ∞. 1561.

## EPIST. XXXI.

HENRICO CRANENSTENIO,  
*Organario Arcis Mediolanensis S. D.*

**L**audent priscam alii, Musicam ego nostrā non  
condemno; præsertim si quis ritè & peritè eam  
tractet, ac ipse quoq; condat. Quā gloriā cum pau-  
ci admodū floreat, tu inter paucos mi CRANEN-  
STEINI,

*Sen voce \* mavis acutā,*

*Sen fidibus Citharæve Phibi.*

Canis enim, ut Sirenum concordant; psallis, ut  
Arionis laudem extinguas: utrumque, iaculare &  
origine, non dicam honestā, sed divinā.

\* A Musis e-  
nim, & Sagit-  
tario Apolline  
sunt Cantores  
in terra, & Ci-  
tharistæ.

\* Εἰς τὸ Μουσικὸν ἔχουσιν Ἀπολλωνίαν  
Ἀνδρῶν ἀντιπρόσωπον ὅτι Χρῆς, & κ. τ. λ. 1561.

Ita In Theogonia siā Heliodus. Nec Cicero stu-  
dium hoc divinitè et suā fraudavit, in Somnio Scipio-  
nis concentum cælorum enarrans. *Alti sunt oīes  
cursus, in quibus eadem viæ divinitè, Scipio effugit,  
distinctos intervalla sonos, qui numerum rectam ordine  
ferre videtur. Quod dicitur hinc: ut si vis amant,  
atq; cognoscere, speruere si vis eductum habere locum  
(cælum), prout alii per prætoribus ingenio in terrā  
hinc inde discurrunt, calceant. Proinde Musicos  
Deo non imitari, gratulare tuo gregi) & divinorū  
studiorum cultoribus faciat, ut ipsi Deo. Fuit olim  
hoc laus: & cur non sit, cum ad verum Dei cultum  
Musica trecta? D. Augustinus scribit, cantandi  
conue-*

consuetudinem approbati in Ecclesiâ; ut per oblecta-  
 menta aurium, infirmior animus in affectum pietatis  
 assurgat. Vos igitur meditatam carmen, ac media-  
 tum acroama Deo pangitis; hominesque, quorum  
 jam ferocitas pectus obsedit, ad Deum tollitis; aut  
 Deum ipsum inclinatis ad homines. Magna vis  
 quam nec in hortis (si me istuc ducas) nec in epu-  
 lis mortuam esse, dicit ille, cui modò in pectore a-  
 mœnioris animi scintilla vivit. Itaque, ut ad thema  
 regrediar, laudēt priscam alij, Musicam ego novam  
 nostram non condemno. Nostram? imò ne Græ-  
 cam quidem, quæ pariter à priscâ descendit, & novas  
 figuras induit, ac quamdam *χρονομίαν*. Specimen  
 aliquod vis? dabo; sed specimen, ut coràm exa-  
 müssim. Nudam vocem (hinc enim ordiar) non  
 litteris scribimus, sed signis quibusdam indicam<sup>9</sup>.  
 hæc quæ olim, alibi innotavi, quæ hodiè apud nos,  
 nosti. Græci *σηματα* quoddam, velut \* *σηματα πάντων τῶν*  
*σημάτων* statuunt, ut quo vox quiescat, & à quo in-  
 tei valis suata sit. Id æπὶ δὲ οὐκ ἔστιν; non quòd vo-  
 cis exports, sed quid emittit voce mensuretur. \* *Διὰ*  
*πάντων δὲ τῶν σημείων*. Notum hoc modo. Quo  
*χρονομῶμεν*. Inde v. c. pulchrum in circulum cœuntibus, cæ-  
 terisq; digitis etiam, præter prænam demittunt. Vo-  
 ces vel *Variationes* xij. dunt partim *Ascendentes*, par-  
 tem *Descendentes*, quæ à bottoma, notes, gentialatio-  
 nes jungo.

\* *positionem*  
*omnium signo-*  
*rum.*

\* *Per omnes*  
*et magni-*  
*tatem canitur*

## ASCENDENTES VIII.

Τὸ ὄμνον — Manum extensam & pronam dex-  
 trorsum librante.

Η Οὐκ — Impudico & pollice extremo in os-  
 culum junctis, reliquis rectis sinistrorsum manu depri-  
 munt.

Ἡ πῖπαις ὤ ) *Manum extensam resupinant.*

Τὸ Κῆφισμα x *Resupinate impudicum, indicem, & pollicem extremos, annulari in palmam fixo, copulant.*

Τὸ πῖλαδον ὤ ) *Copulâ dissolutâ manum rectam gerunt.*

Τὰ Δύο Κεντήματα II *Indicem, impudicum, annularem junctim pollicis allidunt.*

Τὸ Κέντημα I *Impudicum, & annularem similiter pollicis allidunt.*

Ἡ ὕψηλὴ L *Binis illis cum pollice junctis, indice & annulari in iotam erectis, manum sinistrorsim vertunt.*

## DESCENDENTES VI.

Ὁ Ἀ' πῖσροφος ὤ ) *Impudico mediani palmam fodiunt.*

Οἱ Δύο Ἀ' πῖσροφοι εἰ συνθεσμοὶ ὤ ) *Impudico & annulari pariter fodiunt.*

Ἡ Ἀ' πῖρρον s *Auriculari extenso, caterisq; digitis pollice strictis, deprimunt manum, ac simul vertunt.*

Τὸ Κεσπιγυῖπῖρον x, *Eodem, quo in priori, gestu utuntur.*

Τὸ ἐλαφρὸν ο *Manum pronam per pusillum spatium demittunt.*

Ἡ χαμηλὴ x *Demittunt per duplum.*

*Eandem aut illudium, aut casum; aut certe utrumque cogit admirari. Notæ enim istæ videntur à nominibus explicatæ, gesticulationes, notis expressæ. Scrutare, ut conferamus: de signis Magnis tum quoque adjiciam. Vtrasque illas voces, Ascen-*  
*dentis*

*dentes atque Descendentes etiam bifariam dividunt.* <sup>\* *Alia quidem*</sup>  
 \* Τὰ μὲν εἰς Σώματα, τὰ δὲ πνεύματα. *Ascendentium* Σώ- <sup>*sunt Corpora,*</sup>  
 ματα ἴστα: Τὸ Ολίγον, ἢ Οἷον, ἢ Πίπλον, Τὸ Κύψισμα, Τὸ <sup>*alia vero Spi-*</sup>  
 Πελαδόν, τὰ Δύο Κεντήματα. *Reliquæ* duæ voces πνεύ- <sup>*ritus.*</sup>  
 ματα sunt: Τὸ Κέντημα, & ἡ ὑψηλή. *Descendentium* Σώ-  
 ματα ἴστα: Ο' Ἀπόστροφος, & Οἱ Δύο Ἀπόστροφοι οἱ σιῶδεσμοι.  
 πνεύματα ἴστα: Τὸ Ελαφρόν, & ἡ Χαμηλή. Nam Ἀπόρροη,  
 & Κεατμιού πόρροον, nec Corpora, nec Spiritus sunt;  
 sed gutturis dumtaxat concisæ & amabiles flexio-  
 nes, sive minuritiones, Μείλη dicta. In his omnibus  
*Intervalla, & Regimina* considerât. Intervalla sunt,  
 quibus à Basi voces aut à se invicem distant. Ha-  
 bent autem Corpora omnia unum tantum inter-  
 vallum. E' reliquis, Κέντημα, Ἀπόρροη, Κεατμιού πόρροον,  
 Ελαφρόν, duo: Ὑψηλή, & Χαμηλή, quatuor. Si hæc  
 ita, unde tot vocum varietas & vicissitudo, quâ cō-  
 centus ille Græcus delectat? A *Regimine*, sive va-  
 riâ compositione signaturum, quam ἀκολουθίαν τῶν ση-  
 ματιῶν rectè dixeris. Nec enim singula tantum; sed  
 binaria, quaterna, aut etiam quina eunt. Co-  
 muni joco, liberes sibi quarunt alia alia scandunt.  
 Copiosa autem hæc variatio copiosam quoque vi-  
 cem, & vocem facit. Hæc ut ordo hic etiam sit, supe-  
 riora omnī ( quando structim sustinentur ) ab  
 inferioribus, & à basi reguntur. Superiora autem,  
 Ascendentia sunt: inferiora, Descendentia. Iteni  
 Corpora à Spiritibus, non quando imponuntur,  
 sed præponuntur. Specimen habes: & irritare de-  
 siderium tuum volui, non explere. Tuum? imò u-  
 xori, quam ut in reliquis bonam & morigeram:  
 si in Musico hæc studio æmulam habes, & ut diu  
 habeas opto. Mediolani, ubi litteræ pænè omnes  
 intermortuæ; sed



— *mores mali,**Quasi herba irrigua, succreverunt uberrimè.*

EPIST. XXXII. Lugdunum.

GERARDO CANTAVIO S. D.

*& felix iter precor:*

**M**Aluifflem mansionem, mi CANTAVI, quam nimis repentino confilio solvifti. Avulfum te hinc doleo; magis, fic avulfū. Non abieras, & abijfti. Vbi amplexus? ubi nictulum? ubi vale? An etiā fic tibi videre non abijffe? certe non ex hoc pectore, in quo æternūm eris; fed ex his oculis, qui nunc lacrymis amplexum, nictulum, vale flagrantem priftinam hilaritatem dandi, ſi in lueris, quam ſe poſſi mēte conſpiciam. Cuiusnam interni effectus vinculum æternūm tibi beneque dignum, ex quo me ginem lambant Ederæ ſequuntur. Et tamen auſus lima mea ſubjicere? Nūm ſi modelle, nūm ſi amatore regiminis, ſubjici ſi patior. Quid enim? anſi recedendo meas ipſius laudes videbor jactitare? Et tamen, quia ita vis, recenſebo. Me pium exus, te induam; tamquam in alienis laudibus affectus in proprio opere iudicium intonſurus; ſi ipſe ego diligentiam amoris tui in me, & ſimul illi offendo am. Itaque CANTAVI, ſi hic me pura, in Puteanum affectu, in cenſuram iudicio primum. Eſi quid hic cenſebo. Ejuſmodi Carmen tuum eſt; ut ſi manum egrediatur, benedicat cum Plulentiatio Plautina velle ebur atramento cāde facere, & lepidiſſimum opus nova



novapictura interpolare. Tu videris. Edidimus  
DE DISTINCTIONIBVS: si sarcinulæ tuæ patien-  
tur, adiiciam exemplar. EPISTOLARVM Centu-  
riam Francofurtum mitto, brevi, ut Typographus  
addixit, utinam auspiciatò! videndam. voveo, &,  
quod initio feci, felix tibi iter; ut firmam in Patriâ  
& quietam mansionem habeas. Lugdunum inscri-  
psi, quò sarcinulæ tuæ submittentur. Mediolani,  
Proprie Kal. Iun. 1601.

## EPIST. XXXIII.

MELCHIORI VELTWYCKIO,

*Abati meo.*

**N**EC Auguria nosti, nec Mathematicorum ca-  
lculum. Certe solent ex vultibus tamen hominū  
noua colligi. Egnantē cur me tibi celem? *Inlu-*  
*dosus est tibi sermo.* At hoc ipsum, inquires, scio: il-  
lus capio, quod petas scire.

— *quicquid habes, agè**Deponam tuis auribus.*

Deponam, mi VELTWYCK; quia, quæ me

— *domat Venus,**Non erubescendis adurit**Ignibus.*

Castus castè castā amo, nec minùs pulchrā q̃ castā:  
Margaritā feminae, siue Vnionē. *Principium* Plinio  
scribēte) *culmenq; omnium rerū pretij margarita te-*  
*netur.* Si ita: Margaritam habeo ipsius Amoris. Nam  
huic formæ nihil Ariadne habuit, aut Leda simile:

quam si Paris ipse, Dearum libidinantium iudex, in comparatione vidisset, & Helenen rejecisset, & Deas. Cur autem non *Vnio* in quo omnium virtutum & Gratiarum dotes uniuntur? Certè unionum (ex eodem Plinio) *Dos omnis in candore, magnitudine, orbe, levore, pondere, haud promptis rebus; in tantum ut nulli duo reperiantur indiscreti. unde nomen unionum Romana scilicet imposuere delitia.* Sed Margaritæ meæ dos omnis in nive corporis, modestiâ animi, cingulo Vencio, nitore morum, flore ætatis, *haud promptis rebus.* Atque ut uno verbo totam comprehendam, *Venerem* dixerim, hanc Margaritam,

\* *Spumâ ortâ  
venerem &  
splendenti ve-  
sto decoram.*

\* *Ἄ φροσύειαι τε θεῶν, & εὐσιφάρων Κυθέρειαι.*

Quidni? Venus è concha nata est. Plautus in Rudente:

*Te ex concha natam esse autumant, cævetu-  
rum conchas spernas.*

Et Margarita è concha, simili pæne origine atque genitura. Margarita igitur Venus Pliniū de Margaritis audi, & veras laudes sub argutiis his admitte. *Origo atq; genitura concha, est haud multū ostrea-  
rum cochis differens. Has ubi Genitæ anni stimula-  
verit hora, pendentes sese quadam ostentatione, imple-  
ri roscido conceptu tradunt, gravidæ postea enni par-  
tūq; concharū esse Margaritæ præmilitate rostris ac-  
cepit: si purus infuxerit, candorem conspiciet; si vero tur-  
bidus, & fætum sordescere: eundem pallere, ælo mi-  
nante conceptum. ex eo quippe constare; Cælog; eis  
maior, in societatem esse quam maris: inde nubilum  
trahit colorem, aut pro claritate matutina serenum.*  
Vides igitur amare me; & ne reprehendar dignam.  
Sed quoniam amem, excusandus sum; quòd dignam  
etiam

etiam laudandus. An indignum moribus & ætate  
quidquam facio? PVTEANVS sum: sed ipsas aquas  
urere

*Centum puer artium*

consuevit. Musarum candidatus sum: & istæ Amo-  
rem suum canunt. Paucis: à Naturâ hæc flamma  
est, quam magni & sapientes olim viri honestè a-  
luerunt: ac profectò algor, lapîs, gelu est, qui nullo  
unquam motu incaluit. Hæc verò mea felicitas  
est, quod volentem amem, an dicam jam amantē?  
& quam tu ipse cupjas, nisi amem. Salve, & tuos  
mihi ignes pariter explica.

EPIST. XXXIV. *Patavium.*

IO. VINC. PINELLO,

*Viro Perillustri.*

**O**Mnia scripsi, at quæ copiosè. Eas litteras nò  
reddidisti, dolens; p. ullò pòt reddendas tamē  
spero. Ab amico illo, cuius

*—quid e de pol omnes mores ad venustatē  
valent,*

cuncta impetravi, & ut tuas inspexerat, abjectis om-  
nib. negotiis, respondit, ac apparatus illum to-  
tum frementis Martis explicuit. Sed ut chiragrosâ  
scriptione est, podagroso autē gradu, seriùs tabel-  
las suas ad me detulit: quæ tamen sic videntur ne-  
gligentiâ cursoris effugisse, quòd remanserint. Sal-  
væ enim apud me fuere, & nunc mittuntur. utinâ  
& illæ meæ, neglectæ, an Neptunian in urbem fe-  
stinationis delicto translatae? Non frustra istic ma-

re est: ut flumina, sic litteras nostras haurit; bene tamen, quòd æstum quoque habet, & refundit. E mari igitur litterulæ meæ ad te venient, an venerunt? non salvæ modò, sed salvæ. Vale, aut convalesce. Mediolani, VII. Eid. Maij, ∞. 10 CI.

EPIST. XXXV.

Venerias.

IOANNI COTOVICO

*Salutem & Amorem nuncio.*

**E**Tiam hic in silentio est, mi COTOVICE; & sic siluisse me non nego, non amasse nego. Silendo etiam periculum amoris tui feci: quem, bonâ honestaque radice hixum & nexum, blandis litterarum delitiis altum & eductum nunc eo, ad habere & æternum fructum. Sed tu per te quidem amorem mereris, ob divites internisque dotes, Morum, Doctrinæ, Candoris. Quod elogium sic verbis velox ac repentinum esse, sed affectu firmum ac meditaturn dices. Sermo enim mihi, ut spiritus est, quem si pectore comprimo, vehementius fundo. Animus verò liberam perpetuamque amoris auram spirat. Inscriptiuncula Græca grata me hercle fuit, & fuisse ostendam. Vale & talve, cum LIVINO ac SEGITO ad quos scripsi, & PANEGYRICVM meum mihi. Mediolani, subito ut tuas accepi, ∞. 10 CI.

EPIST.

EPIST. XXXVI. *Ticinum.*

HENRICO FARNESIO, V. C.

*Artis Oratoria inibi Regio Interpreti.*

**M**Alæ fidei videri tibi possim Clarissime Vir, si promissum inspicis : sed, ut prisca excusatio valeat, *jurare morbum paratus sum*: qui sic ex transverso me invasit & afflixit, ut ne libera quidem hæc Liberi sacra. O' vani! quid Famam, quid breve nomen affectamus valetudinis negligentes?

\* Υγιανν μ' αειρον αυσπι συνταψ.

Et nunc tamen quia Hygia respexit, redire ausus sum ad animi illum morbum, &

\* Bene valetre  
prestantissimū  
est viro mor-  
tali.

— noctes vigilare serenas.

Tu ut plurimum valeas, minimum stude. Ego tuò demùm exemplo videor posse emendari. Mediolani, II. Nonas Martias, ∞. 1607.

EPIST. XXXVII. *Antuerpiam.*

GABRIELI STEYDLINO S. D.

**S**criptionis, non Amoris

*Nunc intervallum jam hos dies multos fuit; imò hos menses multos. Nunc, nunc rumpendum stilo, ne in suspicionem amor veniat. Quid igitur scribo? hoc ipsum, me amare: ac majori quidem flammâ, quàm à te amor. Omnino. Cùm enim æquilibriū esse in Amicitia debet, si e paritas; quod*

tu merito excedis, supplere amoris superpondio debeo, ne excedas. Etiam de me vis? Mediolanum sedem retuli, à Senatu ad Primam Eloquētię Professionem, honesto auctoramēto, vocatus: necrotulisse penitet, ut nunc Patria nostra laborat, in discrimine & lapsu. Deus saluam aliquando faciat: & me eidem reddat. Interim dum turbę hæc gliscunt etiam, & fervent, subsistam extra teli iactum, & latebo in his Suadæ, ut sic dicam, castris. Te per Genium tuum oro, ad me fusè scribas, & constanter me ames: amare autem te intelligā, si scribas. Vale. Mediolani, Pridie Kal. Novemb. ∞. 1661. Qui has tradet, destinare tuas ad me poterit.

---

EPIST. XXXVIII. Mediolani.

LVDOVICO SEPTALIO, V. C.

Patricio & Medico Mediolanensi.

**E**Cce litterarum mearum, quas mala fors perire voluit, exemplar: in quo tamen primas illas lineas non usque adeò religiose secutus, nec eodem penicillo. Verbis cur me adstringerem? rem tulam, & sententiam repræsentare, abunde mihi visum. Eos imitor, qui vellebus diēs distinguunt, & varietate delectantur. Animi mei imagines eodem sermonis ornatu bis non produco in epistolarē illam Scenam: nec per incipiam (licet dicere) prohibemur. Itaque eadem, nec eadem leges: hæc etiam quæ adnecto. Animum \* alienatum, sive etiam exasperatum esse, doleo magis quàm miror. Nam ita magni isti sunt,

*Siquid*

*Siquid benè facias, levior plumà est gratia:*

*Siquid peccatum 'st, plumbeas iras gerunt.*

O tempora! quibus nec quæ velis sentire, nec dicere quæ sentias licet. PORRO QVIRITES, libertatem perdidimus! Quod ad me, & Petitionē meā, scio in quo cursu sim, & quam omnes gratias nō modo retinendas, verū etiam acquirendas putem. Magno etiam Cancellario, sicuti vadaris, in litteris me sistam: ac jam quidem erat animus; differre tamen acerbis amici mei casus coëgit, quare Belgis, atq; nostris recēns huc venit, studiorum causā; & Patris Fratrisque repentino funere concussus, nūc doloris participem me habet. Quò videndi & discendi desiderio imus? Circumvehimur & peregrinamur, p. enē dixim, ne extremum pietatis officium propinquis exhibeamus. Sed quid hoc ominis? etumpentem ē naribus cruorem sentio: & ecce jam istis ill quot epistola bibit. Desino, abbas. V. le. Patavij, Ipsis Kalendis Anni ∞. 150. quem felicem opto.

## EPIST. XXXIX.

FRANCISCO TEVTONIO suo.

Nescio profeſſo quis fundum tetigerit: ita turbidam aquam repperi, imò lutulentam. Tu mihi operam nunc amicabilem da, ut \* ἐκ τῆς πηδῆς \* *extra lutum pedes.* Ebullit echinus ille, superbia quodam vento tumidus: mihi nausea fit. Ac jam quidem ineptissimo convicio me adortus, exactione percussit. Non sum ex illis,

*Tellemrodere qui velint caninam.*

Sed argētum ob os objiciam homini, ut vomitum hunc absolvam. Quæso adsis, & unà mecum Ærarios adorire. Salve.

EPIST. XL.

Patavinum.

*Reverendis Viris,*

MARCELLINO GENVENSI, &  
DOMINICO RVDOLFO S.D.

**I**N eadem epistolâ vos jungo & alloquor, Reverendi Patres, sicuti ab eadem causâ amo eruditionis, ab eadem colo pieratis. Utinam utroque imiter! sed imitor, & exemplum vos statim ad utramque illam metam. Vti pollicite estis sudantem aliquam auram piis precationibus suffundite; ac juvate, sic non tam facile transversum abripendum, si remigium industriæ meæ accesserit. In ipso Professionis meæ nunc cursu sum. Apud Senatum publicè dixi, & placui: apud juventutem deinde, & iterum placui. Vtrumque non minus gloriosum, quàm difficile: gloriosum apud Senatum, difficile apud juventutem. gloriosum tamen apud juventutem, quia difficile; difficile etiam apud Senatû, quia gloriosum. Valete Reverendi & Eruditi viri, quos rerum studiorumque meorum arbitros & censores statuo. Mediolani, VIII. Eid Decemb.

∞.100.

EPIST.



EPIST. XLI.

Pisæ.

HIERONYMO MERCVRIALI,

*Medico Principi S. D.*

**D**enuò scribo mero amore impulsus, qui, dum alia officia cessant, exerceri scriptione vult, & calami hac alâ evolare. Suscipe, amplectere, & in sinum admittes; ut mox me ipsum, qui sequor. Decevi enim proximo hoc Autumno Romam, Neapolim, & inde fortassis in Siciliam, horreum quondâ P. R. mentis videam, discam, colligam. Quid videâ? urbes, homines sed amicos, doctosque, nam ad fecem illam & sentinam vulgi, certum mihi oculos claudere, firmo & obstinato planè sensu. Quid discam? Prudentiam, mores, ritus: non ineptos illos, vanos & tibiosos, quibus pulchrè sibi πολλοῖς ποῖ nonnulli vidètur, & multa in communi vitâ scire: sed probos, sinceros, priscos, quorum Palatini illi nostri & delicati admodum steriles sunt. Ecce, delicias faciunt, ut accipiant: niçant, nutant, oscula ferunt, manibus ludunt: & hæc omnia ut illudant, ore gestuq; benigni, & homines animo vix humani. Quid colligam?

— non opimas

*Sardinie segetes feracis;**Non æstuosa grata Calabria**Armenta; non aurum, aut ebur Indicum:*

sed Eruditionem, monumenta, & libros antiquos.  
Simul verò & junctim videbo, discam, colligam

Pietatem. De PINELLI morbo an audisti? Sonticus planè est, & protolli paullulùm posse nostri h. Medici mussant, non tolli. Ergò tantus vir in fatali jam lectulo cubat, & à nobis abit? Duram legem, legem tamen, & à Deo ipso latam, quam antiquare non possumus, culpæ non debemus. Hæc metra omnium est, MORI: non omnium, BEATI MORI. Ad illam cum Natura quemque ducat, nostrum est Virtutum & Pietatis studio ad hanc graviter properare. Facio Clarissime Vir, & exemplum tuum sequor. Tu vive, vale; nec vitam modò proterminare multis perge, sed bonam vitam. Patavii, III. Kal. Octobr. ∞. 156.

EPIST. XLII. *Mediolanum.*

IOH. BAPT. SACCO,

*Senatui Mediolanensi à Secretis.*

**T**Vne in animum id inducas? aut fallor, aut nimium à te amor, obnoxius etiam levissimis quibusque non culpis tantum, sed suspicionibus ipsis. Sub ipsum tandem profectiois punctum hoc egi, ut supremum à SACCO meo gratulum tollerem, & ultimum à Deo Vale audirem, cui dixerim primum Salve. Frustrà: prodixas & in negotiis erras. Quid igitur est? quod certum non licuit, aliter & per epistolam ego te que salvere jubeo, & valero.

*Ego mihi alios Deos Penates persequor, alium LAREM,  
Aliam urbem, aliam civitatem.*

Non

Non quòd ab illa vestrà abhorream ( qui possim?  
 in quâ & viros amicos habeam, & doctos colam, &  
 propitiū boni Principis Geniū venerer; ) sed q̄ aliò,  
 præter valetudinem, aliæ causæ trahant. Vos ami-  
 ci hoc credite; vos docti expendite; tu ò Princeps  
 concede. Quid animi pendeo? credidistis, expen-  
 distis, cōcessisti: & tu cum amicis, cum doctis, cum  
 Principe mi SACCE. Quid superest, nisi ut intelli-  
 gas consilium benè cessisse? Patavii, & apud Perila-  
 iustem Io. VINC. PINELLVM dego, quem ab  
 humanitate, à doctrinâ, & à bibliothecâ quoque  
 Fama tibi laudet. Pergami reges hic unus superat  
 librorum & copiâ & selectu. Nusquam est, quod  
 hic non est; atque adeò, hic est, quod nusquam: ut  
 sperem, ac cōiudam me posse animi quasdam di-  
 vizias constipare; in hac præsertim valetudine quâ  
 utor, firmâ & letâ. Hic cæc, hic caupi, hæc amoeni-  
 tas veterem illius languorem evicerunt. Audiam  
 etiam hoc nunc? Qui p̄mi, è quo velut piscis veni,  
 postquam Atropham omnem elavi. De IUSTO  
 LIPPIO conijciuntur rumores, quem sp̄gunt & lic-  
 ite & amici, non cedere. Modum juare juat,  
 & opponere p̄mi necesse est tota senectam. *Præ-  
 tas mala, mala mea, & mea.* Quod si Senectus ipsa  
 morous, si non hic est r̄ho, murmur recte jurat, &  
 excusationem meretur. Demus mi SACCE, qui sci-  
 mus arborem vetulam, cum p̄ riculo transportari;  
 ac desiderium nostrum in absentis nomine atque et-  
 iam imagine cōsecrans, nunc corporisq̄. Præsen-  
 tem putabimus, ū quod in libris ejus legimus exi-  
 stimemus, obesse dici. Sed tu obsecro exemplar  
 aliquod ad *ægoniæ* nostrum expressum communi-  
 ca, non modo in meum, sed PINELLI quoq; usum,

sive voluptatem: quem scire debes alterum Iovivum esse in Clarorum virorum imaginibus colligendis. Occasionem habes novæ sed magnæ Amicitiae, teque & PINELLO pariter dignæ. Desino; sed (quod facere constitueram, & feci) denuò salvere jubeo, & valere. Patavii, xvi. Kal. Novembr.  
 ∞. 156.

EPIST. XLIII. Venetias.

ANTONIO CLERICO S. Dico:

ET PINELLO tuo nomine dixeram mi ANTONI; casto, ut expeior, voto. In eodem malo durat: hoc eriam periculosis, quæ consiliteri malum non vult. Decubitus infirmitatis hoc onus sustinet, & morbum trahit, & bandus ple mox non immaturo feto. Et post illorum librorum per tot annos conquista undique in cellis.

\* Quædam  
 lapia quibus  
 quatur.

\* Διὰ τὴν πρὸς τοὺς πατρὶς ἀσθενείαν.

Distrahetur inquam hinculensissima bibliotheca, nili in accessum Dominus ipse morbum fateatur, ac testamentum condit. Sed difficile, ut qui mortis omnia sibi, sive infirmus admittat; cum invitat Iygia nunc in ipso nichilo velle videri sanus. Ecce aquis elatus est, phar macis succus, deloribus consumptus, solo animo PINELLVS. Et sic nunc quoq; electulo suo audit, respondet, dictat; eaque omnia quæ ante morbum. Tu si salutem litteris precari vis, virum compeila, sed paucis. & sic quoque negotium tuum breviter commenda. Eos imitare, qui Prologos in scena recitant; & scrip-  
 tionis

ptionis tuæ causam in compendium refer. Brevitate placebis : facile autem impetrat, qui placet. Deum rogo tam magnum virum nobis & litteris servet: teque voti aut petitionis compotem faciat. Patavij, xv. Kal. Octobr. ∞. 150.

EPIST. XLIV. *Antuerpiam.*

IOANNI MORETO,  
*Typographo.*

**D**u est quòd ad te scripturio, vir Celeberrime, quem diu est quòd amo, æstimo celebri: & exemplum habeo quod sequar; amandi, omnium; æstimandi, multorum; celebrandi, magnorum. Sic igitur inter omnes, & multos, & magnos quoque unus ego: etsi minimè magnus. Sed tu esse patieris qui unus triplici hoc affectu sive munere dignus. FLAVIINI immortalis viri Typographiæ illud regnum penes te est; cujus nunc etiam nomen famamque sustines, imò & attollis: quibus fulcris? ipsa *ILLI*, LABORE, & CONSTANTIA. Quid tibi vis? videris correctus, nitidius, gratus? Recreor, quoniam cerno; capior, quoties lego, & quæ ad nolum illustriam pictorum imaginib. artium: fictulis libris Bibliothecam meam orno. Sed laudibus abstineo: te amo, & amari à te cupio, te æstimò, quia amo; te celebriò, quia æstimo; omnia, quia mereris. Mihi ad te, nuper PANEGYRICI, quem edidi, exemplaria aliquot: quæ ego te accepta, æstima, divulga. ipsum pretium in libros muta, quorum indicem subjungo. Vale. Mediolani, A. D. Kal. Februar. ∞. 1501.

EPIST. XLV. *Patavinum.*

ARNOLDO CATHIO S. D.

**V**ide quàm infaustum iter, quod sine te suscepi. Venetiis, in ædibus SCARAMELLI, asservari Inscriptiones Antiquas intellexeram, quarum cupiditas inquierum animum meū habebat. Scis impetū meū: excurro, investigo, & vix tandē ædes invenio. an & Inscriptiones? expecta dum. Sciscitor de Domino; ab ancillis negatur adesse: de Inscriptionibus; Musæo dicuntur inclusæ. Lepidè, inquam, nam alibi sub Dio haberi solent. Quomodo ergo non licuit, illinc me proprio in phæclum, & in hospitium deferor. Sed illud *Homericum* mentis revolvens,

\* Turne est &  
magis diu,  
vacuum, re-  
disse.

\* Αἰγῶτος διπρὸς τὸ πῦρ, κενέον τε τὸ ἐκείναι,

Deliberare occipio, quib. potissimum artibus clausum Gynæceum expugnarem. Atque ò, inquam, mihi Vlysses aliquis, qui in odias fugerat non Trojam, nec Helenen redactam in potestatem meam, sed solum Pailadium veni. Quid agitur? istum capio; non dolum, sed epistolam fabricam, cuius petitio posset ad dominum penetrare. Atro, sublequor, & oppeffulatam januā voco alter pulso. Tandem per fenestram clausam ab ista emicillam in crepor: quid molestem foribus sum, non licet exiitantes. Nec postulo inquit, responsum dumtaxat ad epistolam, quam misi. Illas tunc misi? recipe, ac cursori trade qui Neapolim deferat. Quid, Neapolim? inquit. Quia isthic noster nunc, cum toto Andronice, herus. Tu, etsi Achilles, à Gynæceo abstine.

abstine. At enim non vestrâ, inquam, sed lapidum  
causâ intromitti cupio. At enim nos, inquit, la-  
pides sumus, exorari nequimus. Ego subjiciens,  
Timetis, inquam, an ridetis? Timemus, inquit,  
ab homine ignoto, & armato. Nequicquam ajo,  
æquè TRANQVILLVS ac placidus sum, ac vestrum  
istud mare, cùm malacia est. At sic magis, respon-  
dent illæ, nunctimemus. Tum ego, Ut vos libe-  
rem, inquit, virum amicum vobis aut notum adire  
paratus sum, & cum illo reverti: aliquem nomi-  
nate, indicate. Indicant, consilio prius inito; sed  
quem ego per plures horas frustra quæsiui, in foro  
Marciano, in Ponte, in tota urbe. O callidas, cali-  
dasque caniculas, quæ non sine causâ verba sic mi-  
hi dederunt! Suspecta nimia illa sollicitudo est:  
tu conjecta cæterum, & salve.

EPIST. XLVII. *Louanium.*

IUSTO LIPSIO, V. C.

*Historiographo Regio.*

Ecce tibi à SEPTALIO litteræ, quas & ipse scri-  
ptione comitor, ut simul audiar à te, & te quo-  
que audiam, calamo loquentem. Mellis nectariq;  
profusi liquores illinc fluunt, qui ipso cursu ac mur-  
mure involvunt legentis animum, & à terra abri-  
piunt, rerumque humanarum, ut sic dicam, ripâ.  
Abripiunt; ut in vado sistant beata tranquillitatis.  
Cogor dicere: aurea tua dogmata sunt, quibus e-  
rudior; mira Suada, qua recreor: ut planè verbo-  
rum quibusdam blandimentis commendare salu-



tarium præceptorum acrimoniam videre. Ego  
 verò, etsi non tam averso stomacho sum, ut severa  
 consiliare spūam; lubens tamen mellitis illis ver-  
 borum globulis fruor, ut securior sim. Ad vitæ ge-  
 nus, quò me non ducis tantùm, sed impellis, gra-  
 dum capeſſam, nisi aliter Deus: ac interim magna  
 ducenti tibi gratia, major impellenti. Nam ei si ma-  
 jus beneficium videtur volentē ducere, quàm no-  
 lentem impellere (cū volens ductus, & propriæ  
 deliberationis aliquem fructum, & alieni consilii  
 percipiat: nolens impulsus, coactam utilitatē dissi-  
 mulare studeat:) ego tamen malim te invitus tra-  
 hentem sequi, ne mea voluntas sive consensus fe-  
 licem consilii tui successum ipsa participatione in-  
 fringat. Romanum in eum iter uescio quā fāci im-  
 pediant. Iam sarcinas componebam, iter dispūge-  
 bam, & ecce, *ex transverso* Febilis me invaluit, ac bi-  
 duo panē confecit. Ignis ipse fuit, quem sustinui,  
 eò vehementior, quia repentibus. Sed opem SE-  
 PTALIUS, Deo respiciente, salutarem tulit, & (su-  
 perbius fortasse dicam) vivere me voluit. O Æ-  
 sculapium! cui non gallum, sed totam debeo He-  
 catomben. Nunc languenti Autumnalem quoq;  
 professionem amici defuerunt: Obsequor? pec-  
 co: non obsequor? etiam pecco. Si enim profi-  
 ciscor prodigum me salutis in eæ amicis, si munus,  
 ubi fidei ostendam, cui, & cuius causa iterum me  
 recepi. Sed ne difficilius cū multis mihi, imò  
 presentibus negotium sit, manere satius, & ab uno  
 repetendi; quam proficisci, & à multis. De morte  
 TULLI nuperrimè scripsi, ad cuius vitam con-  
 tendum animum adjeci. Faciam, te auctore, \* *en*  
*ὅτι ὁ δὲ ἄλλος τὸν νεκρὸν*: ac jam quidem totius vitæ  
 quadam



quasi capita ac lineamenta duxi, ac heredibus misi; uti plenam materiam subministrarent. Putavi nō in-venustum esse Plutarchi exemplo *ὑπερβαλλόντως* scribere, & Pinellum cum Attico comparare: sic Cornelii Nepotis vestigia pressur<sup>2</sup>, cui laborem meum subjungam. PROMVLsis jam tandem prodiit: tu eam expecta, & tuam tibi dicatam habe. Parvum munus est, quod defero; sed à propenso hoc animo commendandum. Vale, & me (quæ votorum summa est) amare perge. Mediolani, XIII. Kalen. Octob. 88. 1561.

Priusquàm epistolam obfigno, prodigium ad-jungo. Hesternâ nocte, ipso quasi concubio, uni-versa hac urbs, ipsūque territorium terrâ motu cum fragore concussum est. Pauca ruinæ: ingens metus & trepidatio, ob novitatem rei ac vehemētiam. Ipsæ noctis induciæ violatæ repentè, & jurâ Sami rupta. Deus faxit ne quies ac tranquillitas pacatæ hujus & velut dormientis Provinciæ perturbetur.

EPIST. XLVII. *Mediolanum.*

GVLIELMO HVYSMANNO S.D.

**I**N languore sum, aut potiùs ægritudine, mi HVYSMANNE, quam exitinere contraxi, estuoso nimis, nimisque pulverulento. Atque utinam ne altiores causæ! & jam pridem morbū collegerim, demùm erumpenteta. Nam & cū n apud vos essem, nescio quod fastidium ciborum stomachum invaserat, quæ imbecillitas universum corpus, sed



## EPIST. XLVIII.

COENIPETÆ MED.

Nescio quas tu Cereales cœnas adeptus sis. ultrò adesse mihi soles; nunc promittis, nec venis? Sacrum vadimonium est, cave deferas, ullius negotii causâ: ne somni quidem, si tamen somnus negotium est. Tu esse dices, qui in hoc æstu somno labores, aut hac nocte laboriosum somnū habueris, ob stoniaci cruditatem. Ego verò excusationē nullam capio: ni venis, oborto collo rapiam, non ad iudicē, sed ad Regem; quem exigua mora crudeliorem faciet. Ergò veni; sed si villum te occupavit, ne veni: nolo turbas in aedibus nostris. Salve.

EPIST. XLIX. *Mediolanum.*

FRANCISCO LANDRIANO,

*Senatus Mediolanensis a Secretis.*

IGNIGNUS munere & cathedrâ sim, si tam propensum in me animum tuum, quo erigor; tam promptum studium, quo promoveor, silentio admittam: dignus notâ, ni iisdem in petitione meâ utar. Nam, si admittere me dissimulo, laborare iniquâ præsumptione videar, tamquam meruissem: si uti negligo, præpostera suspitione torqueri, tamquam sincerè tu nihil obtulisses. Quid igitur? agnosco beneficiū, imò gratias ago: ut quod



mensibus perpetuam inæqualis numeri legem primum casus addixit: aliique xxxi. alii xxx. dies sortiti. Distinctè Macrobi. lib. i. Saturn. c. xii. *Annus à Martio incipit, & conficiebatur diebus ccciv. ut sex quidem menses, Aprilis, Junius, Sextilis, Septem-ber, November, December tricenum essent dierum: quattuor verò, Martius, Maius, Quintilis, October tricenis & singulis expedirentur. Qui hodieque septimanas habent Nonas: ceteri Quinctanas.* Censorinus Aldi in hanc sententiam emaculandus, cui in hisce numeris non computationis gestu injuria facta, sed expressis notis inusta. De anno Verrente. Sed magis fuit Graccho, & Fulvio, & Varroni, & Suetonio, alijque credendum. Quia x. mensium putaverunt annum fuisse: ut tunc Albanus erat, prius unde Romani. *41x menses, dies 424. hoc modo habebant.* Et paulò post: *November & December xxxi.* Corrigo: *Ut tunc Albanus erat, prius unde Romani. 71x menses, dies 724. hoc modo habebant.* In veteri Codice erat: *Quintilis Albanus erat, prius unde Romani, in x. mensibus, &c.* Pergit Censorinus: *Martius xxxi. Aprilis xxx. Maius xxxi. Junius xxx. Quintilis xxxi. Sextilis & September xxx. October xxxi. November & December xxx.* Male enim Aldus, xxxi. Numa deinde ex ætate Luna cursum dispungens, annum ccciv. dierum constituit, prioribus trecentis quattuor diebus quinquaginta adiciendis: quibus ut duos novos menses constitueret, numeri paucitas recusavit. Itaque ut suppleretur hic defectus, cavis, sive tricenariis Romuli mensibus, Aprili, Junio, Sextili, Septembri, Novembri, Decembri dies singulos dempsit, & hoc augmentatio L. illos dies ad parem aptamque Januarii & Februa-

rii constitutionem auxit : ita ut uterque mensis  
 xxviii. dierum esset. Sed hoc infaustum prisca su-  
 perstitutione iudicâte, *Numa* (verba Macrobij sunt)  
 in honorem imparis numeri, secretum hoc & ante *Py-  
 thagoram* parturiente naturâ, unum adiecit diem,  
 quem *Januario* dedit, ut tam in anno quam in mensi-  
 bus singulis, præter unum *Februarium*, impar nume-  
 rus servaretur. Nam, quia duodecim menses, si singu-  
 li aut pari aut impari numero putarentur, consumma-  
 tionem parem facerent ; unus pari numero institutus  
 universam putationem imparem fecit. Itaq; *Martius*,  
*Pompilianâ* institutione, dies habebat xxxi. *Apri-  
 lis* xxix. *Majus* xxxi. *Junius* xxix. *Quinctilis*  
 xxxi. *Sextilis* & *September* xxix. *October* xxxi.  
*November* & *December* xxix. *Januarius* xxix.  
*Februarius* xxi. x. Sed vixit & in cetera hæc men-  
 sium ratio, ad *Jalium Cæcilium* mandit, qui *Egy-  
 ptios* secutus, ad cursum solis annum aptavit, &  
 cccclv. diebus absolvit. *Suetonius* tangit : An-  
 num, ad cursum solis accommodavit, ut trecento-  
 rum sex triginta quatuor diebus cursum esset. & intercalario  
 mense sublato, unum dies quatuor quoq; anno intercala-  
 retur. Dies igitur decem adiecit, quos, *Longævo*  
 illo scribente, hæc ordinatione distribuit. In *Janua-  
 rium*, & *Sextilem*, & *Decembrem* binos dies inseruit.  
 In *Aprilem* autem, *Junium*, *Septembrem* singulos. Sed  
 neq; mensi *Februario* addidit diem, ne Deo *Infero* re-  
 ligio immutaretur, & *Martio*, *Aprili*, *Quinctili*, *Oc-  
 toberi* tria dies præstaretur ; qui dñi pleno erant  
 numero, id est diuini singulorum tricenorumq;. Quàm  
 distributione posteritas amplexa, inter tot rerum  
 omnium mutationes constantissimè tenuit & ex-  
 tendit : numeratque, usu etiam nostro, *Januarius*  
 dies

dies xxxi Febr. xxviii. Martius xxxi. Apr. xxx.  
 Majus xxxi. Junius xxx. Julius xxxi. Augustus  
 xxxi. Septem̄ber xxx. Oct̄ober xxxi. No-  
 vember xxx. Decem̄ber xxxi. Memoria ju-  
 vandæ in digitos tibi hos numeros mitto, ut inde  
 quàm facillimè promas. Indicem & Medium (re-  
 liquis in iotam erectis) ad palmam incurva; men-  
 sesque ordine per digitos ita disparatos distribue,  
 initio à Martio & Pollice sumpto. Menses eni-  
 qui in erectos digitos cadent, tricenos & singulos  
 dies; qui in flexos, tricenos; ultimus, Februarius,  
 duodecim dies capiet. Respondi ad quæ situm ve-  
 strum, Philologum, & dignum etiam altiore æta-  
 re. *Εὐχεται περὶ τὴν ἡλικίαν ὡς καὶ ἐντεπέλλετε*, qui in-  
 diu ita &c. *καὶ τὰς ἀνιένους ὑλὴς ἐστὶν ὁ φάειος*; au-  
 ctum est tunc, *ἐπιπύρεται ἡ γυνὴ ὡς ἡλικία* incipias:  
 \* *Δια τὴν ἀνιένους ἡλικίαν*. Salvete, & studete.

\* *Per viam  
 publicam non  
 incedere.*

EPIST. LI. *Philologum.*

IO. VINO. PIRILLO.

*Firo Pirillusti*

**P**Arce: non desito scribendi hoc officium meū,  
 sed remitto. Cui autem remitto? quia silen-  
 tium tuum sterilem me facit. Ut ignis uberiores  
 lacilius stridulas reddit: sic mihi stilus episto-  
 las. Nunc autem, quia mandum à me abstines, ver-  
 bis contractior sum: calorem ac voluntatem non  
 minuo. Illam *PICHORII* nostri modestissimi &  
 eruditissimi viri Commentatiunculam videbo &

\* — φίλους τ' ἰδεῖν, Εἰκέτι

Οἶκον εὐχήμενον, Ε. σὺν ἐς πατρίδα γαῖαν.

\* & amicos  
videre, & do-  
mum beneficu-  
lam, patriam  
in terram ve-  
nire.

Hem! in hoc rerum omnium metu & motu? Re-  
pente desiderium, & consistite extra teli jactum, u-  
bi nec videas, imò nec audias cruentū, & βροτολογὸν  
illum Deum. Ego in rem tuā seridò excubabam, ut ex  
animi tui sententiā sit. De WOVVERO cur non  
monuisti prius? peccasti. Nunc VANDERMYLIVS  
mibi adest, hinc in Galliam profecturus, qui sua-  
viter de te fabulatus. IULI CASSERI ANATOMO,  
& in eā profusum de me elogium vidi. Quia sic a-  
mico placuit, patior, & nomen meum legi, & scri-  
pti quoque citari, tamquam ab alio evo. Episto-  
larum mearū PROMPTISS proflit, & ius tu quoq;  
patescit ATHENIS & nunc stilum promoveo ad  
materiam aliquam magis vram. Vale. Mediola-  
nī, ix. Kal. Novemb. ∞. cci.

EPIST. LIII. Mediolanum.

LYDOLICO SEPTALIO V. C.

Patricio &amp; Medico Mediolanensi.

CONSILII MEI LITEM ILLUCIATĀ, quæ mihi cum  
viro docto transmissa tere. Sed quia longiuscu-  
la, tam subito coactib; non potuit: ac necio quo-  
modo animus simul ac stilus per hunc æstum lan-  
guent. Non praestitū & simul, si habere scri-  
ptum habes, desiderium lectionis intendo; si re-  
sponsis molestiam diffiro. Tu vero sic litteras amas,  
ut habere te velle scia; si lites averis, ut respice-  
re credam. Scribam igitur mittamque, qualis expe-  
ctas: discedam, quasi non expectes. Vale. Patavii,  
xiv. Kal. Septemb. ∞. dcc.



EPIST. LIV. *Venetias.*

ALOYSIO GEORGIO V.C.

**B**onorum damno, ac gentis totius probro peregrinantur, qui bonorum specie subrepunt apud bonos. Sicut ille effrons, ille fugitivus, ille: sed abstineo. Tu quod benè fecisti, non periit; quia Patriæ causâ fecisti: sic autem & nos Patria tibi obstrinxit. Ille, quod accepit, sibi rapuit; quia indignus. Itaque, cùm tot beneficia in unum collata, communia interpretemur, communi quoque desiderio ac studio unius ἀχαιῶν emendare parati sumus. Nunc verò si quem è nostratibus tibi animus in familiâ adsciscere, qui a studiis sit, non subrepentem aliquem, sed è luce publica: hominem doctum propono, hominem clarum, hominem πολυγῶνον. Hispaniam, Italiam, Galliam, Germaniâ, Angliam intravit: & tot linguas tanquam vernacula sua vivit. Musicam non amat tantùm, sed & tractat: sic arma, ubi opus. Sed tam egregias doctes leve quoddam auditus vitium aliquantulum retardavit, longæ peregrinationis incommodo contractum. Ita plerique sunt, ut nisi mussando intelligantur, laborem putent loqui. Hinc tot virtutes negligunt, & suavissimæ ingenii usum. Tu verò, qui cum Æschilo μεγαλοφρονὲς esse studeas, optima eloquentiæ laude, delectationem tuæ vocis & fructum quoque capies, si cum surdulo loqueris. Itaque negligimus hunc defectum, non defectum ipsumque virum attimemus, non faciliè istis numeris inventiendum.

*Rari quippe boni: numero vix sunt totidem, quos*

*Thebarum*

*Thebarum porta, vel divitis ostia Nili.*

Tu ipsum vide, imò audi, ut cum Socrate videas: hominem inquam, non Fortunam; imò & Fortunam, quàm non conveniat tam benè nato, tam insigniter docto: quem si Lare tuo dignum judicaveris, & susceperis, denuò beneficium dabis, atque etiam accipies; uni & multis, ab vno & multis. Vale Clarissime Vir, &, quod facis, ÆTERNITATEM COGITA. Patavii, III. Kal. Septemb. ∞. 100.

EPIST. LV.

Lozanium.



PHILIPPO RUVENIO, &

HUBERTO ADELIANTIO S. D.

**D**OMO vos & contubernio junctos, jungere epistolâ quæ loque aulicæ, non amoris compendio, sed ætatis: quam vel sit tamen ad lancem a demetrio sum, sed tu scilicet non quid feceris singulis, & non ego feceris, uti, & in his singulis, imò vero unusquisque accepit, & quæ unus respondeo. Nec se onere tui tibi ducis, non vero tibi solidem. Epistola si contineat, non tabula distinguitur. Eadem enim epistola si veteris, bene consignata, eadem esse non de sinu, etiam si prius mille eadem; tabula plurium epistolatum capax, si scriptor contraxerit. Eiusdem autem uiginti duas à vobis tabulis accepit, unam e quibus epistolam, quæ si ve cali factum, exultationem habet, si studio, exemplum. Sed hoc lepide: domi disperso, qui ratione consilium confectus sum, epistolam confecti. Vale. Mediolani, III. Kal. Octobr. ∞. 170.

tute. Sic igitur triumphum hunc agamus, ego Amoris, tu Virtutis. Vale. Mediolani, Eidibus Febr.  
 60. 10CH.

EPIST. LVII. Patavinum.

NICOLAO FABRICIO CALASSIO.

**I**N Somno, imò vero SOMNIO eram. cuiusmodi? SCIPIONIS, nescio quibus umbris circumfusus: sed tu me repentino verborum verberare inter *avunculus* remisisti; quia GENVS DEORVM nominare ausus. St, mi FABRICI, ne me excita. jam relabentem in Somnum. Vt quique dormitante ego profecto hominem me polliceor.

\* Α Μ ὁ δὲ πρὸς τὸν ἀνὸν ἐκείνῳ ἀνέειπε

Αὐτὸς αὖτις.

\* Sed fieri nequaqua potest, ut infames semper sint homines.

Itaque in granulationem peror: non me temerè in cubilibus compicio, quæ sit ante ligata. malo te credendo, quam me precipitem credendo. Post PROUTATON. PERATA SECVNDA pars: & nunc incertum patet, melius perueniat, de argumento eternum, si periret. Quid autem promissum, aut promittam? Navi me is vires, & incipiam hunc, ut omnem letum, B. R. A. N. T. V. M. noster, proli dulce, quæ non cogitantem, imò consulens! ecce: non cogitantem Deus evocavit. O virum, quem amavi, quem non vidi; sed quem novi, quasi vidissem. quid nili minnet, crepera & vana luxuria esse, quæ filo & ingenti stentibus, dudic, & Labore cōguntur ad famam sine peritiam?

*Ita summa brevissimè res veterat inchoare longam.*  
 Itaque securus vivo, & durat licet animum occupo

scribendo & docendo, quæ ad aliorum potius utilitatem, quàm ad meum nomen. Occupo autem, non consumo; & sicuti, qui natando flumen trajiciunt, rectius caput non immergunt: ita ego, qui præcipitis ævi particulam, moveor, non obruor elisâ cogitationum undâ. Semper enim aliquid melior, ut si quando fatalis me urna citaverit, non è vivis mortuum, id est otiosum, sed ad mortuos vivum, id est negotiosum recipiat. Hanc beatam vitam puto; imò hunc finem beatum in omni genere vitæ, agere, ut rectè agamus. Nam qui nihil agit, in via est ut malè agat: & ex Ennii sententia

*Otioso in otio animus nescit quid velit.*

Sed profectò ego in otio fuisse videar, qui tam longum scribo. Vale, & aureum illud pericula re. RICHARDOTVM & RVBENIVM æd. Valend. Febr. ∞. 1602.

EPIST. LVIII. Ticinum.

HENRICO FARNESIO, V. C.

*Artis Oratoriae Regio Interpreti.*

**E**Tiam nunc in auribus, imò in pectore mihi totus sermo, ille lepidus, ille eruditus: quo, velut gratissimo odore, commendatum verborum meorum halitum fundo per infecta istam auram. Infecta interior hominum, quæ alienum sanguinè & laniam sugunt, sanguine ipsa casta. Quid indignetur? Ut calorem culles & muscæ: sic eruditionis gloriam livor & invidia sequuntur. Ergo, si qui sunt qui scripta & lucubrationes tuas cum susurro circum-

circumvolant, cicindelæ sunt, & risum nobis debent, quia circumvolant. Si enim tetigerint ipsam nominis tui flammam, mutescunt siro malo, & adustis verborum alis, cadent. Sed te quidem jam ætas & doctrina videantur majorem omni invidia fecisse: ego in discrimine, quia expositus circumspirantibus calumniantium flabris; quia radices nondû egi in alieno hoc solo. Consulto tamen, & Modestiz velut sudi innitēs, excipio & frāgo stultissimum impetum livoris. Tu lepidè, qui non Famæ tantum, sed familiæ quoque firmamentum vxoris melioras. Deliberandum censeo, & in consilio autus quoque vocandos, ne infausti Hymenæi sint. Curipides nimis, ut te:

Ἄλλοι δὲ τῶν μὲν καὶ καὶ τῶν, ἐπεὶ τῶν

Μακάριον αὖτις οἱ, ὅτε μὴ πῦρ αὖτις ἴσῃ,

τὸ ἐνδὸν αὖτις, τὰν πρὸς τὸν ἑσπέρην.

Val. Clarus. Vir, & me amica Mediolani, Postridie Kal. Octobris salutem.

De Scipiano omnino tibi precumur, viro vere & laetitia & humore.

⁂ Nuptia quibus mortalium bene cadunt, beata vita est: quibus autem non bene, illi domitorum miserisunt.

EPIST. LIX. Mediolanum.

FREDERICO QVINCTIO,

Regii Fiscus Advocato.

**P**er illius Vir, Ita Musas amem, ut majoris calculum tuum facio, quàm munus ipsum quod amittimus. Illo enim metem munus videar, quod (ita me Deus) respuam, ni videat. Quid enim hic spe-

cto nisi candidum Honorem? at perit ille, nisi merenti conferatur. Itaque present, ambiant, emant etiam, quibus hoc unum in votis, obtinere: mihi hoc unum, promereri. sic enim obtinere, non tantum gloriosum, sed facile: utrūque tuā operā, qui & judicare potes, an merear; & promovere, si merear. Vale. Patavii, subitò cū tabellarius abiret, Kalendis ipfis Quinctilibus, ∞. 106.

EPIST. LX. Patavium.

GUILIELMO RICHARDOTO,  
*Presidis filio.*

**T**Vne mihi molestus? Et in certum, quod amari meo illi non pedelias. Sermonem tuum, & illius Wynaret Babro, id est teipsum presentē, abientemque. O se monito enim (o nectareum & amicum.) presentem te magis amavi: ob litteras (o suaves doctores) nunc magis abientem. Utrobique certē tui similes es, & Modestia quā iudone decorus: quā, tamquam abesse, ut operas pulcherimas animi tuas dotes, ut exarsis. Transfunditur enim heri in illū doles, & hūc in illū lumen colorem trahit: sic a Modestia Virtus. Quid ego autem te laudo, & ostendo? Horror pueri, ut quis esse velis, meque amans. Litteras porro ad perillustrem parentem tuum die traham curabo, tamquam meas, imò quia meas. Magnus ille vir, & salientis Patriæ unicum panē fulcrum, consilio, prudentiā auctoritate. quem Patriæ Patrem nominare fas, & venerari. PIGNORIVM, priscis moribus &

bus & doctrinâ virum, familiarē tibi habe, & ha-  
ve. Mediolani, Prid. Eid. Decemb. ∞. 1561.

EPIST. LXI. *Aronam ad Lacum Verbanum*  
FREDERICO BORROMÆO, S. R. E.  
*Cardinali, & Archiepiscopo Mediolanenſi.*

**I**lluſtriſſ. & Reverendiſſ. Cardinalis, Raro exē-  
plo te orbis Chriſtianus habet, Natalibus & Vir-  
tutibus Principem; Litterarum famâ & uſu do-  
ctum. Principem inter doctos, & inter Principes  
doctum. Inque ſcribere ad te, & mittere GENIA-  
LES hos SERMONES meos, velle ad Doctum au-  
ſus ſum, ut tamquā Principem Reverere, quē d tam-  
quam ad Principem, ut videretur Doctum nullo deme-  
reretur. Ego tamen acceptis beneficiis videbor, ſi  
manuſcriptum admiſſeris: recognovi, ſi tamquā Do-  
ctus: ita enim legere iſſe volo: magis ſi tamquam  
Princeps: quia ex ſignis legere ſui habere omnes  
volent. Ego tamen ſi opus, ut legeretur. Vale Illu-  
ſtriſſ. & Reverendiſſ. Cardinali. Mediolani, III.  
Eid. Febr. ∞. 1561.

EPIST. LXII. *Franciſc.*

THOMÆ SEGETO, S. D.

**D**Elige ut rogas in Stoicis: denis ſilentū ver-  
ſib. puniat. Si quis augur obnūciatur eſt, aut  
Jovē in ante dicturus, exploditur. Scribemus igitur,  
atq; amabimus illud ſtudioſis dignū, hoc nobiliſ-  
ſis. Mihi deinceps certum decretū; extra mentis  
ordinem amorē non mittere, & ſemel contrahere

omnes pectoris mei sparfos variè rivos, ut in te & paucos de meliore luto, copiosius derivem. In te inquam, qui eo ingenio & eruditione es, ut Princeps clueas nostri chori. Rescinde modò nodum dampnosæ moræ, & ad nos transvola: nactus fueris fortassis urbem, certè amicum ex animo tibi faventem.

—*unum & commune periculum,*

*Vna salus ambobus erit.*

Ecce, domum & amœnam & capacem satis cōduxi, in qua quierè hilariterque sumus, & ab arbitris remoti. Si non negas, utr. que prospectum est. In confinio feriarum sumus, quibus excurrere Romã constitui; sed inclinante æstu, ut A D. Kal. Novembr. Mediolanensibus me sisti. Interea tu te ipsum & impedunt: ta vixce, & vixi. Postquam DESIDERIVM elici, Orationem quoque fugitæ incanto, veniunt, ut vixi, & quasi à seculo prius. Quædã, quæ! quæ sic scribis, & sic dicis: durum quæ in insigni scripti in tam pertinaciter supprimis: nec jam amplius tuum, postquam dixisti. Patitur quæ audiuntur ac leguntur publica fuit: hæc à scribente, illa à cœnte. tu si legi publicè recusās, quæ publicè audiri passus: quid nisi pænitere videaris te dixisse, quæ scripseris. Ergò manumitte, quæ ore semel in illa; nec renuram iniecturæ tibi famæ. Benignum de PANEATRICO meo iudicium magnopere me excitavit. Egregia verò illa ad te LIPSI Epistola est, & nunc velut publicè nulla quia privatim non pervenit. Sic illa ad me cum *Testimonio*: sed nunc facile tabellam ignosco aut remitto, postquam debere Typografo hæcœpi. E a mi SEGETE, æterni sumus. Habeant



beant sibi suas divitias divites, suas voluptates juven-  
ventus; non invidemus. Erimus, quando illi non e-  
runt: erimus, quamdiu litteræ erunt, non nomine  
tantum, sed luculentâ commendatione Doctrinæ  
ac Virtutis. quam utramque magis magisque ame-  
mus ac sectemur. Sed heus tu, fidei sacramentum  
jura: animi mei secreta succutio sub aspectum tuû.  
Satyram scripsi in umbraticum quemdam, cui faci-  
lius malè loqui, quàm benè facere. Nomen & titu-  
lum finxi: TRANQVILLI PHILOLOGI DE MON-  
STRO LITTERARIO SPOÏA. Si alibi umquam,  
hic certè ingenium intendi, ut tam insulsum ad-  
spergerem aliquo sale. Tu salve. Mediolani, iv. No-  
nas Quintileis, ∞. 1661.

## EPIST. LXIII.

CAROLO LAVRINO,

*Suavissimo amico amicam S.D.*

**V**Bi es, aut lates? Cur non te habeo, saltem in  
litteris, garrientem, & ridentem? Nolim in  
Tragœdiâ illâ rerum publicus te dolor nimis in-  
volvat, mihi quæ subtrahat. quin averte paullisper  
animû, & privata tange: quid Lovanii egeris, quid  
apud LIPSIVM; quo loco Schola, & veteres illi a-  
mici. Hoc quoque: quo vitæ cursum deinceps di-  
recturus sis. In ætate agundâ plurima quæ consi-  
deres cottidiè, quæ caveas, quæ secteris. Monet  
titulus, quo publicè donat⁹ es, ut altum, id est pro-  
prium speres; monet ingenium, monet genus. Et  
jam quoque liceat de vxorculâ cogitare (scilicet ut

minus habeas malum) quæ & ipsa juvet, & pariter  
sternat aut inveniatur gressum. Si non abhorres, et-  
iam absens aliquam suggeram: sed si non abhor-  
res. Nam de ducendâ, aut non ducendâ tu tibi au-  
ctor esse debes: de hac aut illâ, amici consilium ad-  
mittes; nisi tamen jam Virtus & bona Juno dignâ  
aliquam tibi conciliarint, cui ânimum despondisti:  
tuo remigio rem gere. Hasce quas vides, à fratre  
sunt, quem sub primum Autumnum visurus ego, si  
victurus. reliqua enim impedimenta omnia vici.  
Sed cur non & Romæ nunc tu, ut cum fratre unâ  
te complectar? animo certè faciam, cui insculpta  
imago tua, & ut ita dicam, iniusta, amoris honestis-  
simâ face. Sic in pectore, & in ore te continuo ge-  
ro: & nonne à te geror? Hoc officium Amicitie  
est, amare & amari: imò hoc præmium, amari, quia  
amas. PANEGYRICVM meum vidisse te opinor.  
Nunc DE DISTINCTIONIBVS edimus: quod uti-  
nam cum bono aliquo publico sit! voveo: & o-  
mnia tibi fausta. Mediolani, XVI. Kal. Jun. ∞. 1561.

EPIST. LXIV. *Augustam.*

MARCO VELSERO, V. A.

*Reip. Augustana II. viro Præfecto.*

**A**mplissime Vir, Utinam verò in imagine vi-  
verem, quam mihi; & tuum ipsius vultum co-  
ràm intuerer! Sed & hoc fiet, si annare modò li-  
cuerit, proximo isto anno. Interea umbram aliquâ  
mei, in pignus habe, quo dictus & addictus tibi ad-

ventus

ventus meus sit, & ipse sim. Videre equidem te cupio, ut videar: videri autem, ut ex ipso vultu & oculis devotissimum tibi hunc animum producam. Multum profectò humanitati tuæ debeo, quam experior: & plus debebo, quam exsolvam: cum tamen videre te, & à te videri gestiā, ut exsolvam. Sed ò frustra! Novum enim beneficium te videndo capiam, quem vidisse honor est: ego quoque me ipsum sistendo minuam, qui jam absens eruditionis aliquam opinionem sparsi, extra meriti mei fines. Sparsi: sed tu aliique benignā favoris aurā produxistis. Nam profectò non sum tantus, quantus tibi videor. Vt nocturnæ faculæ è longinquo diffusam habent flammam, coram angustam: sic ego nōminis illud lumen. Ero tamen animo & affectu largus, si non potero effectū eruditionis. quā tanto religiosius in te venerabor, quanto ipse à plenā laude remotior sum. Profectionem Romanam, æstus & Caniculæ causā, paullulū suspendo; sub præcipitem hanc Horam in viam me daturus. Bonis avibus sit: & bono etiam Musarum! Si destinationi meæ aliorum humanitas responderit, faxo steriles manus non referam. Censorinum inprimis elabi non patiar, quem promissor ille addixit nescio, an subduxit. Moram mihi *moribus* planè *maritimis* iniecit; ac laborantem scriptorem in morbo detinuit, velut medicus fraudulentus. Ipse viderit: mihi certè viam ad honestā Famam non obstruet. Inscriptionum autem opus quā spe expectamus? Denuò lapides aliquot enotavi; & mittam, simul febriculam hanc, quā impediō, excussero. Tu vale. Amplissime VIR. Mediolani, Kalendis Sexilibus,

---

EPIST. LXV. *Bruxellam.*

IOANNI SEROVLISIO S.D.

**D**enuò molestus sum, & litteras curandas mitto. ad quem? virum mihi, & tibi quoq; amatū, I. LIPSIVM. Itaque mitto, quia non molestus sum. Tu amoris meo, & simul tuo morem gere, ut meū tuumq; ille simul percipiat & componat: imò meo tuoq; morem gere, ut per te responsum quāprimū nanciscar. Vale. Mediolani, Nonis Decembr. ∞. 1661.

---

EPIST. LXVI. *Lovanium.*

IUSTO LIPSIO, V. C.

*Historiographo Regio.*

**O** Insperatum RICHARDOTI, & RVBENI adventum! salvi sunt, & ante octiduum hinc Patavium profecti. Me dicentem, & docentē publicè audiverunt: & publicè gratias illis dixi. Annon debui? Audiri ab amicis, beneficium; ab eruditis honorem puto. audiunt enim, quos vel ipse possim cupiamque audire. Talis uterque ille, nescio morib<sup>9</sup> modestiores, an litteris cultiores. Bone Deus! hoc cine, in contubernio tuo esse! Jam à te habent, quidquid in Italia sperent: imò habēt, quod non sperent.

*Totum muneris hoc tui est,*

quod

quòd amentur, quòd laudentur, quòd colantur.  
Tui, quòd monstrentur

— *digitò pratercuntium.*

## CONTYBERNALES LIPSIANI.

Hic SEPTALIVM, SACCVM, alios viderunt, & quid-  
quid in urbe rarum, in moribus honestū. Sed hæc  
copiosius ipsi scribent. De me scire vis?

— *hoc agimus, tenuiq; in pulvere sulcos*

*Ducimus, & litus sterili versamus aratro.*

Laudem tamen aliquam orando nuper adeptus,  
in Scholis Palatinis; multorumque ingenia vide-  
bar ad Eloquentiæ studia excitasse, ab imagine tuâ  
in adverso pariete positâ: quæ, velut divinam illam  
tuæ Suadæ auram adspirans, dicendi audaciam da-  
bat. Incalescebam scilicet ab igneo illo vultu, &  
prosilientibus stricturis, quas coloribus pictor mi-  
scuerat. Tum stimulantem quædam voces adjuva-  
re impetum meum videbantur, quasi ab eadem i-  
magine profectæ: EIA AGE, NVNC ANI-  
MIS OPVS EST, NVNC PECTORE FIRMO. Itaq;  
dixi feliciter: & jam explicare SOMNIVM SCIPIO-  
NIS cœpi, quod tamquam κέρας ἀμάλθειας omnium  
elegantiarum copiam docenti suppeditat. PRO-  
MVLISIS verò utinam placeat! Tuo nomini liba-  
re eam volui, ut publico legentium stomacho cõ-  
ciliarem. Ac nunc quidē, quasi conciliaissem, FER-  
CVLA SECUNDA paro: quæ tamen, nisi te volen-  
te, non ponam. Cardinalis BORROMÆVS, post  
longum iter appulit salvus. eumdem vidi, & adfa-  
tus sum, Principem planè & humanum & doctū:  
quo magis in familiam ejus haveo adscisci. Hic lo-  
cus ingenii: hic vocis premium, ut cum Juvenali

dicam: quia, qui alit bonas artes, easdem intelli-  
git. Alibi magni illi plerique

*Tantum admirari, tantum laudare disertos,  
Ut pueri Junonis avem:*

honorare, promovere, longè est; nisi ad exemplū  
hujus unius excitentur. In primo autem illo con-  
gressu verba paucula profudi, quæ ipsissima colle-  
gi, & adjungo, ut post epistolam etiā supersit, quod  
legas. Vale Clarissime Vir: sed PVTEANVM tuum  
ama. Mediolani, Nonis Decemb. ∞ .1001.

## ADLOCVTIO

*Ad Illustrissimum & Reverendissimum  
Cardinalem BORROMÆVM*

**H**omo, hominum more, audeo quod cupio, Illustriss.  
CARDINALIS, & verecundia tarditatem desi-  
derii impetu expugnans, in amœnum & amabilem cō-  
spectum tuum (ô diu optatum!) penetrare ausus sum:  
sed LIPSI litteris, ac SEPTALII manibus introductus.  
Introducitur verò, ut te unicū Musarū decus viderē, atq;  
etiam, ut à te, velut à Socrate, viderer: id est audirer. So-  
crates enim (ut Appuleji verbis utar) cū decorum  
adolefcentem, & diutulè tacentem conspiciatus fo-  
ret, Ut te videam, inquit, aliquid loquere. Ego verò  
nunc te video, venerorq;

—\* πάλιν ἀπιδείξειν ἀνδρῶν.

gratia LIPSIO, & SEPTALIO sit. Videor etiam grati-  
a tibi sit: sed nescio quo radio perstringor, ac constrin-  
gor, ut silentiis quodam velo loquendi libertatem invol-  
vam atq; nubam. Sic igitur, intra murum candentiū  
dextium voce repressā, tacentem PVTEANVM habes;

ut lo-

ut loquentes LIPSIVM, SEPTALIVM Q. habeas. Tacerere autem non videbor, si meum silentium aliena vocis suffragia suppleant.

## EPIST. LXVII.

Commun.

PAVLLO FRANCISCO CICALINO  
Doctori Medico.

QVoties te, urbem, lacum cogito, mēis igneis quadrigis ad te, urbem, lacum excurro. Ad te, in quo SEPTALIVM, id est Humanitatem ipsam videor repperisse. Ad urbem, & lacum, quæ cum Plinio *meas tuasq; delicias* ausim appellare. Quæ loci amœnitas, tranquillitas, commoditas! ut nec languere, nec distrahi, nec otari animus possit. Hinc populus ille semper latus, semper compositus, semper occupatus: ut planissimè innocentem ac beatam instituere vitam videatur. Quàm cupiā, relicta hac hominum motumque colluvie, in illā quandoque quiete,

— integrā

*Cum mente, nec turpem senectam.*

*Degere, nec Citharā carentem!*

Nunc florem hunc ætatis in studiis quidem, sed in turbā tamen ac tumultu consumo. Deus faxit, ut illibatum à vitiis & ineptiis habeam, quæ vitium Famæ & annis addunt. Quorsum autem hæc scribo? ut intelligas, te, urbem, lacum singulariter à me amari. causas enim dedi. cur amem. Vale. Mediolani, VI. Kal. Novemb. ∞. 1561.



EPIST. LXVIII. *Francofurtum,*

CLAVDIO MARNIO,

*Typographo celeberrimo.*

**N**ata Amicitia hæc est: inter absentes, fateor; sed eo magis certa magisque diuturna, quia tam difficili modo tam facile nata. Nata autem, siue nomen siue rem ipsam spectes, HONESTA: quæ est (ut Philosophus expressit) \* *ἡ ἀγαθὴ, καὶ ἀπερὶ ὁμοίαν*. Talem enim te esse scio, ipse laboro: cum ad honestam copulam tu Virtutem ipsam, ego conatum conferam; qui ipse pro Virtute est, certè pro laude. Quid ni ita dicam? & laudatissimū desiderium liberè profitear, ut Amicitiam mereat? Ego certè quodcumq; ab amico expectare amico licet, univèrsū tibi sincero animo polliceor: ac jam lucubrationes meas omnes elegatissimis tuis Typis lubens meritò addico; non tamquam beneficium dem, sed tamquam accipiam. Magna pars libri, atque adèd Fama, Typographus. & ut hominem de veste vulgus censeret: ita litteraria illa monumenta, de Typis. nec immeritò, si naturam dignitatemque novè hujus artis consideremus. Quo magis beneficium hoc ambio, ut excudere mea, quæ dixi, & quæ scripsi, incipias; sic fortassis ab interitu vindicanda. Vale vir amice. Mediolani, Prid. Kal. Jun. ∞. 1561.

EPIST.



EPIST. LXIX. *Luſetiam.*

GVLIELMO MONTHOLONIO,  
*Senatori Regio.*

**V**irtutibus magnus, & ſic Magnes, Perilluſtris  
Vir, ſtili mei ferrum ad te trahis, & animi fre-  
num; ut ſcribam, ut amem. Vtrumque cum SE-  
PTALIO doctiſſimo & humaniſſimo viro, cujus  
felici umbrâ circumſcriptus, ſecuram verecūdiam  
meam facio, ut ſcribendo amorem, & amando ſcri-  
ptionem promam: illum à calamo, hunc ab animo;  
quem *ſine ſuoco ac fallaciis, more majorum*, devotum  
tibi nuncio. Sed tu, ſi beare me viſ, & inſigni luce  
perfundere, geminum ad me radium reflecte, ſcri-  
ptionis & amoris. Vale. Mediolani, Prid. Kal. Febr.  
90. 10CII.

EPIST. LXX. *Romam.*

FLORENTIO LAVRINO *meo.*

**A**Egrè tibi reſponſum hoc ſolvo, mi LAVRI-  
NE, animo, manuque æger. Febricula corre-  
ptum me tenet, ipſamque

— *aſſignū humo divina particulam auræ.*

Ab aurâ hoc malum, quæ inimica mihi, & planè i-  
niqua craſſâ iſtâ fuligine & vapore. Purius purga-  
tiuſque cœlum Patavinum expertus ſum: quod fa-  
ta mihi videntur invidiſſe, an dicam, ipſe mihi? Ho-

nor & publicus hic titulus me traxit, cui otium, ærem, valetudinem ipsam postposui. scilicet, ut gloriari aliquando liceret: In literis

— & nos aliquod nomenq; decusq;  
Gessimus.

Honestæ quidem & per antiqua hæc Eloquentiæ apud Mediolanenses Professio, & D. AUGUSTINI nomine æterna. Is enim promotum se ad id muneris scribit, postquam ambiverat; & renūciasse postquam aliquamdiu administrarat. Promotum, lib. v. Confessionum. Itaq; posteaquam missum est à Mediolano Romam, ad Præfectum urbis ut illi civitati Rhetoricæ Magister provideretur, impertitâ etiâ electione publicâ; ego ipse ambivi, per eos ipsos Manicheis vanitatibus ebrios (quibus ut carerem ibam, sed utrique nesciebamus;) ut dictione propositâ me probatum, Præfectus tunc Symmachus mitteret. Ego veni Mediolanum, ad Ambrosium Episcopum in optimis notum orbi terra. Renunciasse verò, lib. ix. Renunciavi, peractis Vindemialibus, ut Scholasticis suis Mediolanenses venditorem verborum alium provideret, quod & tibi ego servire delegissem, & illi Professioni, præ difficultate spirandi, ac dolore pectoris, non sufficerem. Ego verò vereor, ne, si languor meus incrementum ab hoc morbo capiat, & ipse renunciare Senatui cogar, alium constituat, aut substituat Professore. Quinquennale spatium acceperam: sed si major vis cursum meum sistit, extra culpam omnem sum. Utinam sistat modò, ut respirem, & vires recolligam à fonticâ quiete! Itineris votum, quod urges, irritum esse vides. Aliàs te videbo, si valebo: tu interim EPISTOLARVM PROMVLSIDEM meâ, quæ Francofurti apud Wechelianos

chelianos imprimitur. In Censorino conferendo Argus & oculus totus esto, nequid subterfugiat : quia etiam minuta quædam ad insignes correctiones viam aperiunt. Vale, & minùs valentem magis ama. Mediolani, VIII. Kal. Sext. ∞. 1001.

EPIST. LXXI. Patavium.

PAVLO BENIO, V. C.

& Theologo, Bonarum Litterarum  
Professori.

Mitto ad te DE DISTINCTIONIBVS Σύνταγμα, Clarissime Vir, & iudicio tuo submitto; imò verò limæ: ut non examines tantum, sed atterras. Mitto autem per adolescentem hunc, quem vides, honestissimæ frontis, ad discendum inter tuos quoque Auditores. Medicinæ potissimum causâ in Italiâ venit; sed qui cum Medicinâ bonas quoque litteras jungit & discit. Sic in litteris versatur, ne principalia studia impediat; sic in Medicinâ, ne litteras negligat. O plerique è Iuventute istâ facerent! minus cruda aut crudelis ταπεινὰ nobis esset, quàm est. nunc autem ante florem fructum quærimus, & compendio laborum Æsculapium facimus Βροπλοιστον. Sed hæc frustrâ ego deploro: illum etiam frustrâ commendo, cujus indolem patefeci. Vale, & *Distinctiones* examina. Mediolani, XVII. Kal. Quint. ∞. 1001.

EPIST. LXXII. *Mediolanum.*

LVDOVICO SEPTALIO, V. C.

*Patricio & Medico Mediolanensi.*

**S**cribendi officium postquàm spiffare ego cœpi, tu remittere: aut certè fidelior ego tabellario, quàm tu utor. Meus enim jurat se meas bonâ fide tradidisse. Tuus, si pariter tibi jurat, mihi perjurus est. Scis vitare, ac vegetari me delitiis tuæ scriptionis: tabescere silentii pœna, ac consumi: ideoq; scribendum tibi continuo, & velut diebus statis, ut ratio mutui constet. Sicuti comestiones rata sua intervalla habent, è Medicorum præscripto: ita Epistolæ, ex Amoris lege; ne silentium, velut abstinentiam aliquam, extra terminum extendamus. Septem horæ prandium mihi tuum, aut cœnam digerant: sic septem dies, unam aliquam scriptionem. Itaq; si vivere ac vigere Amicitiam nostram vis, mutuo ac septemdiali litterarum officio eâ sustentemus. Negotiû petitionis nostræ quæso te sinas sua sponte fluere, ne ambivisse videamur: ita quoq; si quid præter opinionem statuetur, levius laturi. Qui meretur, modestè ambit: facilè autè obtinet, qui meretur: & qui non ambit, si non obtinet, nihil amittit, quantumvis mereatur. Sed nequid ego præscribere videar, tu ad omnia te, Plautino joco, *partisculum habe*, velut in tua navi. Nam si remum reposueris, & in castris quiescas, omnis mihi cōsistit petitionis causa. Sed nunc ride obsecro, & licet rideas: Criticen nostram, quasi otiosam, ad tuos quoq; libros, id est Medicos, extendere ausus sum; & ingentia

gentia illa Galeni volumina observare. In manib<sup>9</sup> erat, πρὸς τὰς πρὸ τῶν γεγραμμένων : & mox sub oculis Historicus iste planè locus : Μεδίστηκει μὲ ἐξ αἰθρώπων ἑταρχος Ἀντωνίνος, ὁ μετ' Ἀδριανὸν ἡγεμόνος αὐτοκράτωρ. Ἦρχεν δ' ὅτε Σεβήρος, εἰαυτὸν μὲ Ἀντωνίνον μετονομάσας. εἰς δὲ πλὴν δ' ἀρχῆς κοινωνίαν πρὸς λαβὼν Λέκιον, ἐμετονομάσας Σεβήρον. *Excefferat quidem è vivis nuper Antoninus, qui post Hadrianum Imperator factus. Imperabat autem tunc Severus, qui seipsum Antoninum vocavit. Lucium verò in Imperii communionem adsciscens, appellavit Severum.* Cæpi considerare, & in uno nomine duplicem errorè notavi. Neque enim Marcus Antoninus Philosoph<sup>9</sup>, SEVERVS appellatus; neque Lucium fratrem suum SEVERVM appellavit. Quid igitur? rescribendum : Ἦρχεν δ' ὅτε Οὐήρος : *Imperabat autem tunc Verus.* item : καὶ μετονομάσας Οὐήρον : *Ἐδ' appellavit Verum.* Hadrianus, cùm post obitū Ælii Veri successorè Imperii quæreret, nec ob ætatem idoneus Marcus haberetur; Arrium Antoninum, qui postea Pius dictus, in adoptione legit, eâ lege, ut is sibi Matcum, Marcus verò Luciū fratrem adoptaret. Adoptionis hujus legem in Antonino Pio Capitolinus refert: *ut quemadmodum Antoninus ab Hadriano adoptabatur: ita sibi ille adoptaret M. Antoninum fratris uxoris suæ filium, Ἐδ' L. Verum, Ælii Veri, qui ab Hadriano adoptatus fuerat, filium; qui postea Verus Antoninus est dictus.* Successit igitur Hadriano Antoninus Pius; huic VERVS, qui M. Aurelius Antoninus dictus, vitâ moribusque Philosophus; Vero, Lucius frater, cui inditum nomen VERI. Capitolinus in vita L. Veri: *Defuncto Pio, Marcus in eum (Luciū) omnia contulit, principatu etiam Imperatoria potestatis in-*

*multo, sibiq; consortem fecit, cum illi soli Senatus detu-*  
*lisset Imperium. Dato igitur Imperio, & indultâ tri-*  
*bunitiâ potestate, proconsulatus etiam honore delato,*  
 VERVM vocari praecepit, suum in eum transferens  
 nomen, cum antea Commodus vocaretur. Item in vi-  
 tâ Marci. Post excessum divi Pij a Senatu coactus re-  
 gimen publicum capere, fratrem sibi participem in Im-  
 perio designavit: quem Lucium Aurelium VERVM  
 Commodum appellavit, Caesaremq; atq; Augustum  
 dixit. Paullò post: Antonini mox ipse nomen re-  
 cepit; & quasi pater Lucij Commodi esset, & VERVM  
 eum appellavit, addito Antonini nomine, filiamq; suâ  
 Lucillam fratri despondit. Sed in nummis quoque  
 lapidibusque veteribus utrique Veri nomen sæpè  
 tribuitur, numquam Severi. Manifesto igitur mē-  
 do Galenus; sed & Chronicon Cassiodori premi-  
 tur, in quo Antonino Pio apud Loriū villam mor-  
 tuo successisse filii dicuntur, *Marcus Antoninus*  
*Verus, & Lucius Annius Antoninus Severus.* Item,  
 Consules fuisse, *M. Antoninus Verus* XIV. & *L.*  
*Annius Antoninus Severus,* anno regni undecimo,  
 inter Concordiâ & Altinum apoplexia extinctus scri-  
 bitur, *sedens cum fratre in vehiculo.* Sanè pertinax  
 hic Severus, quem nisi suo sibi ære in Veri confes-  
 sionem emam, operam ludo. Nummus exstat à  
 Nysæis cusus, in quo duæ figuræ togatæ, jungen-  
 tes dexteras, cum inscriptione: ΑΥΤΟΚΡΑΤΟΡΩΣ.  
 ΚΑΙΣΑΡ. ΑΝΤΩΝΕΙΝΟΥ. ΚΑΙ. ΟΥΗΡΟΥ: *Impe-*  
*ratoris Caesaris Antonini, & Veri.* Alius ex SC. in quo  
 utriusque effigies, & ambiens inscriptio: IMP.  
 ANTONINVS AVG. COS. III. IMP. VERVS AVG.  
 COS. II. Alius cum imagine Veri & nomine: L.  
 AVREL. VERVS AVG. ARMENIACVS. Et plures.  
 Non

Non tamē negarim M. Antoninum dictum etiam *Severum* fuisse, sed non nisi ante obitum patris: deinde *Verissimum*, ab Hadriano. Capitolinus in ejus vitâ: *M. Antoninus principio avi sui (Annii Veri) nomen habuit, & Catilii Severi materni proavi. Post excessum verò patris ab Hadriano Annii Verissimus vocatus est*: odio scilicet Catilii, ne qua similitudo nominis superesset; sed intentione Veri, Severi appellatio oblitteraretur. Quippe Catiliū illum Severum, ob Imperii affectationem, Hadrianus graviter insecutus est. Marcus igitur Antoninus, dictus *Verissimus*, quasi maximè Verus; nequaquàm *Severus*: & sic *Veri* nomen, id est *suum*, ut Capitolinus ait, in Lucium transtulit. Fieri etiam potest in Galeno scriptum fuisse: *Ἦν δὲ ὁ ἄνθρωπος, ὡς ἔλεγετο ὁ ἄνθρωπος: Verus Augustus*. Sed coaluisse binas illas dictiones, ac remansisse *Σεῖρος*: & mox item *Σεῖρον*, sive, quia & hic Augustus dictus, uti è Capitolino scripsi; sive, ut ipsum Marci nomen translatum in Lucium videretur. Tu SEPTALI judica, qui Veterem Novamque Historiam omnē perlustrasti. Ego quidem mihi videor medicinam, tametsi levem, Medico Principi fecisse: ut per hunc quidem morbum valere deinceps possit. Patavii, xi. Kalen. Decemb. ∞.

10. XCIX.



EPIST. LXXIII. *Venetim.*

THOMÆ SEGETO S.D.

**L**itteris, Versibus, & Promissione largus es, mi SEGETE. Litteris, quas geminas ad me mittis suaviter & eruditè scriptas. Versibus, queis æquè te amicum, ac Poëtam exhibes. Amicus enim es, quia tuâ sponte, & ad amicum Epigrammata ista das: Poëta, quia tam venusta. Promissione deniq; quâ te Orationemque addicis. O te lepidum! ò me beatum! Litteris enim tuis consequor, ut panè complecti absentem videar,

— ac veras audire, & reddere voces.

Versibus, ut tandem aliquândo languescentē meam Musam excitari sentiam. Promissione, ut te ipsum delitium Elegantiarum recipiam: Itaque gratias scribo & habeo, Litteris, sed minutis. Versibus, sed illepidis: nec enim vinci ab amico pudor. Deniq; Stipulatione, uti venias. Vale: Mediolani, iv. Kal. Septemb. ∞. 1561.

EPIST. LXXIV. *Lovanium.*

HVBERTO AVDEIANTIO. S.D.

**A**lteram epistolam tuam accepi: cur non & alteram Lipsianam? Irascerer PANTINO, id est amicissimo amico, si ab eo mora; imò verò longius



gius affectum ducerem, si etiam jactura. Sed potest tamen sine ullâ ejus culpâ non tantum morae esse, verum etiam jactura; si negligens tabellari<sup>9</sup>, si infidus. ego negligentiam condono, ne infidum habeam: & sic nunc PANTIVM amo, etiam si litterae pereant. Placuisse Inscriptiunculam Dedicatorem tam gaudeo, quàm affectum probari. Mihi sic placet breviter, & pænè ipso pectore loqui. Mentionem tui, pabulum puta amoris jam ardenti: nec ab illo viro vinculum nobis, nisi æviternum. Sed in antecessum tu ipse validè me tibi stringis Carminis tui vinclo. O lepidum! ò gratum! hoc etiam magis, quòd *vidit*, ut scribis, *ipse*; *legit* & *probavit ipse*; *in viam adeò ad me dedit ipse*. quòd *omni salute, quam adscriptam voluit utraq, manu*. Itaq; Phaleucis tuis LOCVS DATVS EST DECRETO PVRI AMORIS. Vale. Mediolani, ix. Kal. Febr. ∞. 1001.

EPIST. LXXV. . Mediolanum.

PETRO CANTONIO I. C.

**E**ldem meam culpari non sinam. Scripsi, & tot jam epistolas meas numero, quot Gratias. Numero, & nunc denuò easdem mitto, quasi non acceperis: id autem interpretor, non respondisse. Tu quidem utrobiq; excusationem silentii habes, siue acceperis, siue non acceperis. isthic negotia, hic ipsum jus silendi. Ego, tametsi sciam temerarium esse in litem tecum descendere: de hoc tamen jure contendere ausim, judice Amore: si tamen judicare Amor potest. Vale. Patavij, vi. Mart. ∞. 100.

EPIST. LXXVI. Pragami.

IOANNI WOVVERO

*Suavissimo Amico. S. D.*

**I**VRO Amicitia Genium, mi WOVVERE, vehementem affectum meum in te fuisse; & nunc tamen ad igniculum tuarum litterarum magis accensum. Flamma mera sum; sed in aërem sparsus quocumque moveris, sequor: ubicumque quiescis, circumfundor.

*Me nec Chimera spiritus ignea  
Nec, si resurgat centimanus Gigas,  
Divellet unquam.*

Nam & tu jucundâ & amicâ me memoriâ (ira scribis) tecum circumfers. Sed mihi volupe profectû à me ipso sic abire amœno mentis itinere, ut me ipse apud te inveniam: nisi tu tamen Mediolanum ad me, ut ad SEPTALIUM simul, & Illustriss. Cardinalem BORROMÆVM cogitationes reflectas. Varias lectiones illas jam tibi debeo, quia promisi: exsolvam, quia debeo: nec morosè, ut gratiam celeritatis merear. Sic decet, invicem juvare; & conferre in commune, quod in cōmune prodest. Vale, & lucubratiunculas tuas omnes (hæc aviditas mea est) fac habeam. Mediolani, ipsa horâ, qua apud Cardinalem nostrum de te & copiosè & amicè, ut tuas accepi. Iplis Nonis Junii, ∞. 1611.

EPIST.

EPIST. LXXVII. *Patavium.*PHILIPPO RVBENIO *meo.* S.D.

QVòd litteras meas laudas, gratum mi RVBENI. gratas enim video, quia laudas. De Carmine autem, cave seorsim sentias: ego seriò patrocinii jus sumpsi, acturus contra patrem, si patrem exuas. Ergò cave: & si admittere me laudem postulas, tu Versus æstima queis laudas. Tua quidem cûriosa quædã felicitas est; quæ nescio magis provocet audaciam meam, an retardet. Nam & ipse ad scribendum carmen excitòr, cûm sic te scribentem video, sed cohibeor cûm æquare despero. Maçte ò amice, inter paucissimos es habendus etiam, ni te Famæ tu ipse subtraxeris. Tanti homines sumus, quanti volumus, si aura ingenii faver. Expediendus modò à plebeia humilitate animus, ut per alta & immentia se dilatet. *Benè latuit, qui benè vixit*, inquires: sed profectò conspici publicè, cognosci, censeri, ingens ad Virtutem stimulus. Itaq; bona indoles Famam mihi ambiat, & ipsum cultum boni. PEPLVM jam velut majori pruritu vexatû, postquam ungues meos sensit, ad acus tuæ puncturas festinat. Fer opem obsecro laborantibus alibi numeris, measque laudes, & laudantis impetum restringe. Plenam urendi secandi potestatem ab auctore acceperam, quam totam in te resigno ac transfero; velut in meum, & velut in non meum. In meum, ut laboris molestiam libenter admittas: in non meum, ut judicii severitatem intendas. Sic te complector & osculor mi RVBENI;

sed animo, quem hinc tecum Patavium migrasse  
scito, quasi individuum umbram. Abinan miigi-  
tur, & ex animo tamen (mirum dictu!) salve. Me-  
diolani, Prid. Eid. Decembr. ∞. 1661.

APOBATERION tuum ad I. LIPSIVM, tale est,  
ut jam meo ruborem incusserit: cujus in locum e-  
legantissimos (excipio meas laudes) GVILIELM  
BARCLAYI ad me Phaleucos produco: qui & ip-  
si tamen inviti comparationem cum tuâ Musâ pa-  
tiuntur.

ERYCIO PVTEANO  
LYTÆ HONOREM GRATVLATVR  
GVILIELMVS BARCLAYVS.

**V**irtutes, PVTEANE, si latentes,  
Quas nulli nisi noverint amici,  
Tuas dixero; dicar esse mendax  
A vulgo, vario, invidioq; vulgo.  
An si dixero quidquid universi  
Mereri, PVTEANE, te fatentur,  
Carebit tamen ista dente charta?  
Non carebit. Habes suos aperta  
Virtus, tunc quoq; cum probatur, hostes.  
Quid tum, pergone? non tacebo amicū,  
Rumpant ilia, frendeant licebit.  
Matheſis tibi vindici, patrono  
Debet ipsam animam; tibi reliquit  
Ceris Barbiton Orpheus supremis:  
Tibi tempora Phœbus ipse cinxit,  
Quem cum carmina delicatiora  
Delectant, tua cantat, aut canentem,

*Audite*

*Audit te sua; nec pudet Sorores.  
 Hæc, cui nomen Inambulationes  
 Dederunt, Scholæ te gregi Sophorum  
 Prædem miscuit. Eugène, cur moraris?  
 Aut cur non peragis viam hanc honorum?  
 Ascendisti hodie gradum, sed unum.  
 Quin & culmina scandis ipsa? Differs.  
 Dicet fortè diem tibi Minerva,  
 Dicet diæ Themis diem: caveio.  
 Nam dum sic trahis hos tuos honores,  
 Detrahis Themidi, & Minervæ honores.*

EPIST. LXXVIII. *Ticinum.*

IS. ANDRÆINÆ,  
*Academica Intentæ.*

**A** Nimum impedire stili languor non potuit,  
 quominus scribendi fervorem demonstrare.  
 Ita enim excitatus suavissimis tuis litteris sum, ut  
 relictâ intem manum in scriptiōis obsequiū cō-  
 gerem. Tuis litteris: & simul adolescentis hujus pe-  
 titione, qui commendari à me voluit, & meritis;  
 rogavit, & obinuit. Cur autem commendari? ut  
 specimen Comici studij daret, & in numerum sive  
 Collegium vestrum adoptaretur. Adolescens est  
 dicendi non ignarus, qui aliàs etiam ora hominum  
 & pulverem publicum non exhorruit. Nisi fallor,  
*ex hoc ligno Mercurius fiet.* De Epistolis tuis, invi-  
 tissimus audiui, sepositas eas esse. Cave, per omnes  
 Musas.

— \* *Ἐδ' αἰχμῶν φέρει,*

*Πεζὺ μ' ἐς χεῖρας λαβόντ' αἰπῶσα θυγ' ἰδὲ.*

Iterum, cave, si cothurnū Euripidis æstimas, à quo  
 moneris. Vale. Mediolani, XVIII. Kal. Iā. 60. 10CII.

\* Etiam da-  
 ctus adfert,  
 acceptum in  
 manus nego-  
 tium abucero.

---

EPIST. LXXIX. *Venetias.*

IOANNI & RAPHAELI SADELERIIS.

**N**On adeò bonæ ætatis contemptor sum, Viri amici, ut jus imaginis soli senectuti concedā: nec minùs florem ego meum faciei videre cupio, quàm rugas & canos suos capularis senex. Etenim cum vita & forma hominis, incrementi & decrementi quosdam gradus habeat, & inter utrosque suum quoque statum; hic potissimùm imagine dignus; proximè ille vultus, qui ad statum suum accedit; postremò, qui ab eodem recedit. Vos ipsi libentiùs primam illam horam & amœnitatem nascentis anni adumbratis, quàm hanc mem ac effictā senectutem denascentis. Et junior aliquis hanc imprimis voluptatem imagini suæ debet, ut non tantum qua forma sit, sed qua fuerit cognoscat, si in senectutem perennat. rectè autem Appulejus scripsit, *nihil esse aspectabilius homini nato, quam formā suam*. Ego in ære vestro ipse ero, si imago erit. Præscriptiunculam in ORACVLVM vestrum hic habetis: brevem; nec tamen, si rem inspicitis, brevem. Salvēte.

PIE FELIX

CLEMENS OCTAVE

PONTIFEX MAXIME,

AD VRBEM SACRAM, SECVLARIS SACRI

CAVSSA,

CVM MVNERE, ET VOTO VENIMVS.

ILLVD TIBI DAMVS, VT OMNIBVS DEMVS;

HOC NOBIS CONCIPIMVS, QVOD QVISQVE

SIBI.

EST AVTEM MVNVS QVOD DAMVS,

VOTVM IPSVM QVOD CONCEPIMVS,

MENTIS QVIES.

MVIVS TYPVM ORACVLO ANACHORETICO EX-  
PRESSVM,

SVB SANCTISSIMO TVO NOMINE,

ORBI CHRISTIANO DIVVLGAMVS;

VT IPSI HABEAMVS,

IOH. ET RAPH. SADELERII FR.

*EPIST. LXXX. Roman.*

GASPERI SCHOPPIO V. C.

*Amorem & S. nuncio.*

**E**Rgò tādīu te amo, nec scribo? Hoc ipsum nunc  
breuiter, me amare. Accenderunt me scripta  
inprimis tua, &, qui in iis elucet, mores. Scripta  
inquam flore fructūque simul læta amœnioris &  
severioris Musæ. Delectant enim ( cur negem  
meum sensum? ) velut fragrantilitterarum aura  
animum legentis: & pascunt, velut robusto alimē-  
to pietatis. Sed mores quoque ad Sophiam & hu-  
manitatē factos mihi Io. Wovwērvs laudavit,  
jam cōmunis amic⁹. Tu verò alius esse nō poteras,

sic verè & inter paucos eruditus. Nam multi illi hodiè, qui Litteras invaserunt, quid nisi prurientè fastum profitentur & alunt? Quid autem fastum tantùm dico? imò astum. Calidi enim sunt, non solùm ambitiosi. Verbum Catonis est, *unum ex omnibus Casarem ad evertendam Rempubl. sobrium accessisse*: sic isti ad Litteras, sobrii, id est specie virtutis commendati. Hos fugio: te amo mi SCHOPPI, & amari à te cupio: te salvere. Mediolani, III. Kal. Jun. ∞. 1502.

---

EPIST. LXXXI. Vallem-Oleti.

IO. FERNANDÆO VELASCIO,  
*Comestabili Castelle.*

**V**T primùm in Italiam, & ad te veni Excellētiss. Princeps, signum aliquod dare conatus sum proni & properātis in cultum animi: sed quid nisi conatus sum? Nam quod dedi, ex ipsis læsæ Antiquitatis sparsæ ruderibus, sive Reliquiis, expressum, non potuit voti amplitudinem æquare. Quid igitur? resumpsi operam, & nunc GENIALI-VM SERMONVM librū Genio VELASCI nominis consecravi. Genio, qui mihi & studiis benignè arrisit. E tenebris ad Famam; è privato ad publicū titulum conscendi: nec conscendissem, nisi primò ille & circumspendens favor tuus favorem multorum excitasset. Itaque Famæ, sed & Fortunæ auspicia Exc. tuæ debeo, ac debere me proficeor novo isto seu innovato libro: quem ad gratiam tuam conservandam, imò augendam editum voveo. Tu Deus



— \* πρὸς ὁππρὶν ἔλθω :

\* hoc mihi per-  
fice desiderium.

& Optimum Principem Reipub. Doctissimū Mu-  
sis & mihi serva. Mediolani, x. Kal. Apr. ∞. 15611.

## EPIST. LXXXII.

CAROLO LAVRINO *meo* S. D.

**R** Arò scribis: quid causā? cave mi LAVRINE,

\* Πολλὰς δὲ φιλίας ἀπεροσηχρεία διέλυσεν.

\* Sape amor  
est visus per  
longa silentia  
seivi.

Ego quidem semel concepī affectum, æternū a-  
lam. Virtutis enim causā concepī, quæ æterna. Pa-  
nicus ille terror obticuit; sed universa illa belli tē-  
pestatas detrusa ad vos videtur, quæ miseram Belgi-  
cam concutiat vehementius ac deniq; conficiat.  
Vbi spes nostra & victoriæ aut Pacis votum? Mars  
& terror pro hostibus stant,

*Exaquataq; sunt creperi certamina belli.*

Deus respiciat, & te in tutis illis saluum ac constā-  
tem servet. Mediolani, vii. Eid. Jun. ∞. 1561.

EPIST. LXXXIII. *Florentiam.*

GVLIELMO ATHENIO,

*Medico, & Ocello meo.*

**L**itteris tuis Μακάριος ille μακάριον me fecit, jam  
anxium de salute tuā; cū certum de amore  
mei. Ego enim etiam sine litteris te amo: ut con-  
trā sine amore tu non scribis. Litteras tamen tuas  
amo, quia te: ut tu meas, quia me. Itaq; fructū amo-  
ris scribendo damus vicissim & capimus, dum mu-  
tua illa signa. Litteras inquam sine ornatu lepidas,

sine fūco festivas. cur non & frequentes? Scribere parcius rariusque nos vis, quàm loqui? Ego æquè libenter lego sermones tuos ac audio. Ad animum si compendium quæris, oculos mihi pete, ut penetres: sed crebrò pete. De materie cur ambigas? semper amor fœcundus est. nascetur sub ipso stili acumine rerum uberrima seges, narrandi, jocandi, philosophandi, etiam priusquàm obseveris. Quid autem nunc tu? ex animi sententiâ? voveo. Ego certè animum cum fortunâ suâ luctantem necdum vindicavi, conor tamen, & ne in familiâ herciscundâ finibusque propagandis occuparet, Orationis partes constitui atque limitavi. DE DISTINCTIONIBVS enim edidi: & ecce hic habes. Vin' latum etiam nuncium? PVTEANVM ipsum videbis brevi, proximis istis feriis nostris & justitio litterarum. Latem tuum intereà sic corona, ut lepidum & faustum hospitium experiat. PANEGYRICVM velim te legisse: si iusseris hinc mittam. Vale, si ribe, & solo nomine inscribe, litteræ pervenient. Mediolani, Postridie Kal. Iun. ∞. 1561.

---

EPIST. LXXXIV. Mediolani.

FRANCISCO CAGNOLIO,  
In D. Ambrosii Canonico.

**Q**uid tu autem, optime & studiosissime vir, parum oneratas aures proluxa oratione habes, ut ad epistolam manum quoque extendas? At alij jam malint ad cibum. Licet, si ad suū. ego enim non ventres, sed aures pascō; ac dicere de meo possum facilius, quàm dare. Avidum Auditorem volo, cōvivam

vivam nolo: te tamen etiam convivam, qui (gloriosum dictu!) in litteris ubique es, ubiq; discis. Veni igitur, & post verba epulas quoq; gustas: scies splendidius domi convivium, an orationem in scholis struam. Vin' etiã præscire? splendidius orationem. Itaq; si oratione placui, frustra ad convivium meū venis: si displicui, ampliùs convivio displicebo. Risum excitavi? hoc volui. Salve.

---

EPIST. LXXXV.

Roman.

LEONARDO GVETENSTEINIO. S.D.

**A**Mo candorem tuum, Amicitiam amplector, quam vix natam promptissimo officio, velut lacte, nutritum is, quasi uncam prolem. Nisi me virtutis Doctrinæque Genius fallit, plures tu amicos, quàm filios Priamus habuit: & tamen sic effusus in me, quàm ceteros omnes rivos teneas obstructos. An ego tam carus tibi, quia postremus sum, & ab ultimo Amoris tui partu? Enim verò, si rem disputo, aut miram humanitatem tuam, aut felicitatem meam cogor admirari. Illam, si cum multis tam ardentem à te amor: hanc, si præ multis. In Amicitiam enim ejus adscisci, cui jam refertum album est, non nisi humanitas adsciscientis est: sed adscisci ac præferri, felicitas adsciri. Ego verò sive cum multis, sive præ multis, faciam quod multi, & contendam de Amore. In Censorino,

*Fac ut cæpisti, hanc operam mihi des perpetem:*  
Imò tibi; ut utrique Fama arideat. Candidè dico: & sic te, Candorem, & epistolam tuam amo, quæ sermonis quadam Venere Amorem & Candorem spirat. Vale. Mediolani, x. Kal. Febr. .m. dccc. l. i.

EPIST. LXXXVI. *Patavium.*

LAVRENTIO PIGNORIO S.D.

**T**OLLIVM nostrum, & litteras tuas vidi libens, mi PIGNORI; non item illam honestissimæ petitionis verecundiam: cum jus habueris exigendi. DE DISTINCTIONIBVS per adolescentē hunc tibi trāsmittes: quē eadē operā à LIPSIO cōmendo. Mihi feceris, quod illi: LIPSIO q̄ utriq; Medicinæ causā in Italiam venit: tu aditum ei ad meliores aperis, ad scientiam & Virtutem.

*Novi ego hoc seculum moribus quibus sit: malus  
bonum malum*

*Esse volt, ut sit sui similis: turbant miscet mores  
mali.*

Fac obsecro, quantū in humanā manu est, doctiorem Patria civem recipiat, non pejorem. Perperam in scientiam mores insumuntur. domi si omnino peritus esse non potuit, bonus potuit: mavult autem, etsi discendi studio quàm maximè flagret, bonus esse, quàm peritus. Paucis: placebit ingenium, si inspexeris. TOLLIVS porro iter ingressus est, ac salutem mihi ad te reliquit: hāc mitto, & meā adjungo. Mediolani, xvii. Kal. Quinct. ∞. 1561.

EPIST. LXXXVII. *Ticinum.*

HENRICO FARNESIO, V. C.

*Artis Oratoria Regio Interpreti.*

**E**Volabo, non Pegasi, sed Amoris alis; imò & Pegasi & Amoris. Sic decet, non ardentem solum, sed celerem quoque affectum esse; ut quam-  
primū

primùm tib: flammâ meam sistam. De Carmine,  
& Chirone corâ. Elogii delitiis & me & quidquid  
meum est vicisti. Vehementer amas? vehementer  
etiam laudas. Ego quidem amâdo certo, sed lau-  
dando vincor. nec mirum; cùm orationis quodâ  
robore tu meritum meum vincas; ego amoris estu  
omnem orationis conatum consumam. Experiar  
tamen, an corâm & in conspectu tuo possim Sua-  
dam meam provocare. Vale. Mediolani v. Eid.  
Eebr. ∞. 10011.

EPIST. LXXXVIII. Mediolanum.  
LVDOVICO SEPTALIO V. C.  
*Patricio & Medico Mediolanensi.*

**R**Edeo ad meum morbum, siue, vt tu appellas,  
officium, & scribo. Aliter possum? otio par  
materies superest, & mihi voluntas. Itaque de me,  
de itinere, de laeu, & oppido habe. Quod ad me,  
pone curam, in isto itinere languoris omnes ne-  
bulis exculli. Etiam rogas? molli & solutario pla-  
ne motu meo; ino vectoris muli. Nam quasi mi-  
nù valentem se gerere brutum scirer, lentis & d-  
tadum inuolosa formabat vestigia. Dixisses non  
hominem, sed pompam al quam vehi. Ergò tan-  
den aliquando Randum, & inde Origium pænè  
frigore correptus veni. Nubes enim totum cælum  
obvoluerant, & quasi irritatus \* *πρὸς αἴμα, πρὸς* Propter decto-  
celoso flitu seuebat. Planè in ipso itinere videbar *rum.*  
hiemē nvenisse. Tenuiter amict⁹, sine lacernâ erā:

\* *ἐπὶ τῷ ἰσχυρῶς ῥιζοστέμεν ἔμπης.*

Origii hospitium mihi mulus impetravit, in ædi-  
bus Borromæis (ego enim ignotissimus eram) is,

\* *nec enim scri-  
bam tantum  
sive frigus.*

velut domesticus ad stabulum suum procurrens, invitum me unà traxit. Itaque in pedes desilio, limē subeo, & excipior. Postero die benè hospitio precatus, iter Gallaratum versus instituo; ut in transitu vetus contubernium meum, Laremque Comit' ALTEMSII salutarem: sed hic profectò tota illa vectoris mei humanitas mutata, ignarū & incautum me extra viam in saltum & resqua dumecta tulit. Ille stolidò impetu transversum calcare: ego freni jure itineris arbitrium mihi vindicare. Lepidum spectaculū, in solitudine homo & brutum de via herciscunda contendebant. Sed prævallui, ac bilem calcesque refractarij animalis poppylmis loniui. Gallarato Angleriam, p̄r viam, alibi latis lētisque pratis diffusam ac patentem, alibi sylvarum quodam horrore coarctatam profectus sum. Hic relicto vectore meo, quem nullæ blanditiæ in hippaginem allicere, nulla vis impellere potuit, lacum trajeci. An & hunc describere dixi, facio. A Meridie in Septentrionem ad milliaria sexaginta porrigitur, velut per convallē longo anfractu errās. Diceret in conspectus amœnitatem elementa omnia conspirare. Colles feraces utrinque, rupes mistæ quæ fessas gravidasque alibi nubeculas sustinent, alibi defluētes aquas grato murinure elidunt. Aër saluberrimus, aura spirans ad inclementiam dumtaxat æstatis temperandam. Lacus ipse non amœnus tantum tam varia facie, sed varius multiplici usu. Pisces nutrit, naves fert: illos copiose, has placidè; nisi quando è vicinis speluncis (nam & hic

\* Εἰς τὴν Ἰπποτάδης  
potades Du  
immortisibus  
clarus nutritus  
in insula.

\* Αἰολος Ἰπποτάδης φίλος ἀθανάτοις θεοῖσι,

Πλωτῇ ἐνὶ νήσῳ,

cum duodecim liberis habitat) nisi inquam quādò

*Vna Eurusq; Notusq; ruunt creberg; procellis  
Africus, & vastos volvunt ad littora fluctus.*

Maris enim iracundiã tunc quoq; dulces illæ undę induunt, spumamq; cogunt, è qua non libidinis aliqua Venus, sed serenitatis repentè oritur. Itaq; cùm sãvit maximè lacus, malacia proxima est: nec horrida tẽpestas tam amœnũ adspẽctũ exasperare diu põt. exasperat tamẽ; sed hætenus, ne mura aut mortua aqua videatur. Bona Voluptas, quàm iuuet faciliẽ cimbulã, sine gemitu undarũ, velo expanso altiũs educere; aut, sine ventorũ labore, remis impellere; & vespertinã illã aurã, ac simul samẽ captare in illo æquore ac solitudine garrire, ridere, studere! quid si etiam p̃silire, & amplecti nudã illam Nymphã? Ol in feci, & natandi quoq; studio inter æquales excellui. Quàm iuuet etiã curvã illam ripã legere; tot aquarũ scaturigines, tot fõtes, tot Naturæ delicias; tot villas, castella, oppida, & hæc ipsam, si litterã mutaveris, ROMAM contẽplari! Fallor, an expediri Phalelũ Cardinalis noster iussit? Vocor, eo, avehor: sed sine epistolæ damno oppidũ ex ipso lacu descripturus. At jam avectus sum, describo. In acclivi sitũ est, & per ripã porrectũ. Murus pituaturũ supercilio superbiẽs, turriũ varietate, velut columnis quibuscũdã, distinguitur. Media ripa lacũ ab Oriente admittit, & in ipso oppido portũ constituit, quẽ cõtiguũ forũ & mercatus egregiè cõmendant. Placere nitidæ sunt, ædificia bella, populus humanus. Labentes è proximis mõtibus & murmurantes rivuli ad usũ & delicias excepti, mox in lacũ exonerãtur. Rupes altior & prærupta oppido cõtina, in cuius iugo castellum, vario murorũ gyro, velut labyrintho, munitum; è quo & oppidum, & latetum, & quicquid vicinum est despicias ac domes.



Habes de me, de itinere, de lacu, de oppido: quæ quidem observare paucis horis potui, momento scribere. Vale. Partim in oppido, partim in lacu, non sine nsu Cardinalis, qui narrationi meæ subscribit, fidemq; conciliat. xiii. Kal. Septemb. ∞ . 1561.

EPIST. LXXXIX. Venetias.

IOANNI COTOVICO S.D.

**L** Argus tu quidem, non litteris tantum, sed affectu, mi COTOVICE. Sed in hoc ignatus nō videbor: & faxo in publico morem morbo bonæ Amicitiaæ reliquias aliquot dicas superesse. Etenim dum vitia & malæ artes puilulant, ipsa languescit virtus ac moritur: cum virtute Amicitia, quæ, Philosopho scribente, ἀρετὴ πρὸς ἡμετέρας ἀρετὰς. Ergo, ut te amem, Virtutem amabo, ut rectè amem: et si amare Virtutem non potero, nisi & te. Communis amici fortunam dolui: utinam corrigam! Sed ne nos quidem hic istiusmodi remedia prompta habemus.

\* Nam vivimus non ut volumus, sed ut possumus.

\* Ζῶμεν γὰρ οὐκ ὡς θέλομεν, ἀλλ' ὡς δύναμεθα

Sed quid ille? publicitūs hospitio exceptus, & tenebras mero meridie videt? Durū, durumque: ut mihi quidem cogitatio ipsa punctim pectus feriat; & animum nescio quò impellat. Cui benè volo, parè malè volo, quod mali causā aluerit. Amicus, quod benè velim: verus, quod malè: & sic, time Amicitiaæ damno, irasci quoque amico possum, si peccet. FABIVM PAVLINVM doctissimum & amicissimum virum per te saluto. Vale. Mediolani, viii. Eid. Iun. ∞ . 1561.

EPIST.



EPIST. XC. Mediolanum.

HELENÆ CRIVELLÆ,  
*Musarum Puella S. D.*

**A**Nnon sic merito te appellem, quæ tam gnaviter castis Sororibus operaris, ipsa casta

— *Et in omne virgo*

*Nobilis arum,*

si perrexeris? Perges autem, & obsibilantium vocū remoram perumpes.

*Tibi qualum, —*

*Tibi telus, operosaq; Minerva*

*Studium aufert*

Hermes, & junctim Philologia. obsequere, & stilo librisque vaca. Magnum ingenium tuum est, & ad magna natum: magnum etiam fructum daturū, si excolueris. Ut felix & fertile arum sine cultu non habemus: sic neque pectus. Fac igitur, quod libenter facis: fac, quod facile quoq; facis, ac stude. Sic rem, doctrinam, imò Famam hauries; & felicitas, omni aliquam invenies, etiam in rebus humanis. Vale, scribe, & litteras tibi vindica. Romæ ad lacum Verbanum, A. D. Kal. Sext. ∞. 1002.

EPIST. XCI. Patavium.

IO. VINCENTIO PINELLO,  
*Viro Perillustri.*

**F**elici pede viam ingressus & cemsus sum: Vincetiam, Veronam, Brixiam, Bergomum vidi:

sed quid nisi peregrinandi cupidinem irritavi? Hęc jam sedanda ac refrenanda pœnè invito est: et si nō invitatus ad quietem profectus sum, & tranquillum hunc errantium Mularum mearum portum. SEPTALIVS, & QVINCTIVS; ille meus Castor, hic Pollux vocabant: non sequi, superbum, imò stultum erat. & tamen sequi, stultum; cū tu mihi deferendus. tu, inquam, mortalium omnium humanissimus, apud quem videri poteram Bonam Fortunam invenisse; imò Bonam Famam. Qui illi sermones! quod otium! quæ vita! Sed

*Tum deniq; homines nostra intelligimus bona,*

*Cum que in potestate habuimus ea amisimus.*

Ego tamen nihil misi, qui nunc abtens vehementiores etiam amoris tui strictiones experior, totūq; accendor. Amor enim nunc magis, quia absens, & magis nunc quoque amo. Univerfus autem Amicitia fructus in Amore est, si in Virtute Amor. Iaque absentiam meam fero; ægritudinem tuam nō fero. Sanum te, aut proximum sano inveneram: alium reliqui. nec jam hoc doler quod reliqui; sed quod alium. Utinam litteræ meæ medicinam aliquam propinent! at vereor ne nauseosum aliquē liquorem. Ut fluctus maris æstuantis novi & novi surgunt, strepitumque ad litus ferunt: ita scriptio mea erit, continua, nec tamen decumana. scribam, sed breviter, sic scribendo tantum molestus. Vale, & vive, ut dexterâ annos computes. Mediolani, Postrid. Eid. Novemb. ∞. 100.

EPIST.

EPIST. XCII. *Ticinum.*

ANGELO STEPHANO GARONO S.D.

**A** Morem tui, mi GARONE, vultus sermonisq;  
 modestia, pectori meo inspiravit: Amorem  
 autem non levem, quia non à levi causâ. Sensi. n.  
 morum & Naturæ similitudinem quamdam ab  
 eodem utrique Genio impressam. sed Musarum  
 Genio, qui Eruditionis & Virtutis gemino vinclo  
 in æternam animos Amicitiam jungit. Ac sanè, ni-  
 si à gemino hoc fonte liquor Amoris prompt<sup>9</sup>, pu-  
 tiscas subitò, & fugitivam benevolentia odorem  
 exspiraret. Hæc enim Voluptatis & Utilitatis fides  
 est, facere amicos, ne mancant. Ii verò,

\* Οἷσιν ὅτῃ γλώσση τι βέβηλα μύθῳ ἐπέειπεν

εἰδώς, ἐπὶ αἰχρὸν χερσὶ ὅτῃ κερδὸς ἄγει,

nullâ suspitione, nulla unquam causâ collidūtur.

Sic sumus, & sic quoque erimus; ut veræ & perfe-  
 ctæ Amicitia nomen tueamur, semel profelli. Ego

nunc quoque χροστὴν Ὑγίειαν (ut Lyricorū Princeps  
 appellat) propitiā experior; atq; voveo, meā,  
 sed & tuā causâ. FARNESIVM porrò mone, priscā  
 formulā, propter ostium scribat: CAVE, CAVE  
 CANEM: aut si hoc negat, canem ipsum catenā vin-  
 ciat, ne laciniam aut crus ipsum vindicare deinceps  
 cogamur: Novi φύλακας istos, quos nec doli quidem  
 Ulixis, nec σιτία placaverint. Patri tuo salutem red-  
 do. cultumq; devoveo. Mediolani, xv. Kal. Maii,

∞ IOCH.

\* Et quibus in  
 lingua, atq; o-  
 culorum fide  
 moratur Inge-  
 nuus pudor, &  
 turpe lucrum  
 fugiunt.

## EPIST. XCIII.

OCTAVIO VISMARÆ, V.C.

*Medico Mediolanensi.*

**T**Abellam Lucilii jure rides: ego ipsum, sic scribentem; imò sic dicentem. Quid potest ineptius? Scriptionem vitia: dictionem vitia & simul convicia complent.

*Quis hoc potest videre? quis potest pati?*

Et tamen silentio aures meas vindico; imò Scholam, quam unà obstrepero & ferali quodam carmine læsit. Cathedram plaustrum fecit; seipsum noctuam: ita strenuè conviciatus est; ita illud TV, TV, ad nauseam ubiq; miscuit. Sed *διὸ γὰρ αὐτῷ, διὸ κοροῖνι φέρτεται*. Ego lucem aliquam DISSERTATIONE meâ de veteri memoriâ in Scholam intuleram: ille noctem reduxit.

*Quis hoc potest videre? quis potest pati?*

Per me quidem & orare & errare illi: impunè licebit; si meminerit quo in loco orex, apud quos erret: sin minus, rus eat, & aret. Sed priusquàm eat, resseram hanc capiat Oratiunculæ quam dixit, Tabellæ quam fixit.

*Orat LVCILIVS, sed fuscum nil nisi TV, TV:*

*Fit clara obscurus NOCTVA LVCILIVS.*

*factas palliolum; fit, dum vult GRÆCVLVVS esse,*

*GRACVLVS, & totus perstrepat IN TABVLA.*

Græci hoc Adagium efferūt, ἐν τῇ πίνακι, quod, Plutarchus expresse, in Apophtegmatibus Laconicis: *Ἐπὶ τῇ ἰδῶν περὶ ἐν πίνακι γραπτῷ Λάκωνας ὑπὸ Ἀθλωμένων σπαστὸς μίνος, ἔλεγε, ἀνδρείοι γὰρ Ἀθλωαῖοι. Λάκων ὑποτυχὼν, ἐν τῇ πίνακι,*

*πύλας, ἐπὶ πύλ. Cum in tabulâ pictâ quidam videret Lacones ab Atheniensibus interfici, Fortes, inquit, sunt Athenienses. Superveniens casu Lacon, IN TABULA, ait. Salve, & nunc magis Tabellam ride.*

---

EPIST. XCIV. *Bruxellam.*

HERMANNO GREELIO S.D.

**N**ON intepuerat meus in te amor, mi GREELI, tanto intervallo; etsi visus intepuisse, nō meâ, sed temporum, aut locorum quadam culpâ. Tempora quæ sint, vides: dispergi & jactari cœpimus, ut è portu solvimus, & silentiō primorum studiorum. Sic autem dispersis varia ac incerta nobis loca fuerunt: certè mihi, jam per tot annos in Scytharum morem vago. Nunc Mediolani sedem fixi, ad publicam Eloquentiæ Professionem promotus, & reflectere animum, imò scriptiōem ad amicos cœpi,

*Longè quos simul a domo profectos*

*Diversos variæ viæ reportant.*

Ad amicos, & sic imprimis ad te, iisdem mecum studiis velut sacris initiatum, quæ religiosius nunc colere aggressus sum, & unâ memoriâ tui. Tu & studia, & me quoque ama; & utrumque scriptiōne ostende. Mediolani, XVI. Kalend. Jun. ∞.

15611.

EPIST. XCV.

Lovanium.

IVSTO LIPSIO V.C.

*Historiographo Regio.*

**T**Oties scribo, ut radio litteræ sint, omnes si perveniant: scribo auté quasi non perveniant: & sic de Cardinali BORROMÆO, de quæ RICHARDO ac RVBENIO nunc denuò, quasi non scripserim. Illum vidi, & Oratiunculâ salutavi, inclinatum in me animo, quia in te. Libenter audivit, humaniter respondit, & nunc habere me in numero intimorum cœpit. Vnâ sæpè sumus, sed familiariter; differimus, sed suaviter; epulamur, sed musicè. Musæ quantum possunt! Ego gaudeo, & *Principibus placuisse viris*, non laudem tantum, sed felicitatem esse experior. Hi tui Patavii jam quiescunt, & cum bonis doctisque sunt: hoc tamen infeliciores, quòd post PINELLI mortem; quòd post avectam luculentissimam & invidendam Pergami Regibus Bibliothecam. Sed, bone Deus, quàm & hæc panè cum domino perierat! Venetias transportata ac navi imposita fuit, ut Neapolim ad heredes veheretur. illa (ò intuta marium!) prope Anconam à Turcis intercepta: qui, ut tantam librorum molem conspexère, sive æterni illius viri, sive Litterarum Genio furorem cohibente, in litus exposuerunt, navemque vacuam abduxere. Jam hauserat libros aliquot Salsipotens ille Deus; sed iram Musarum veritè, ulteriore scelere noluit inquinari. Eos ipsos, quos hauserat, ruptos undarum violentiâ lacerosque velut elisam spumam eiecit. Sic è barbarorum manibus recuperatus insignis ille thesaurus, in novam

vam urbem, ad novum dominiū venit. Inſinuare in Amicitiam tuam magni & culti animi feminam audeo, Muſarum & Suadae debitorum, ISABELLAM ANDRÆINAM: & tu recipies Muſarum atq; Suadae cauſā. Nihil eruditius hoc peſtore, nihil facundius hoc ore: ut mihi quidem videantur hic litteræ ad feminam recidiſſe. Fama dicet, cui jam nomen pridem inferuit. Vale Clariffime Vir, & muſculum à me veſtiariū cape, quod cum MELCHIORE VELTWYCKIO, illo meo, miſi. Mediolani, XIII. Kal. Januarias. ∞. 1621.

---

EPIST. XCVI. *Ticinum.*

HENRICO FARNESIO, V.C.

*Artis Oratoriae Regio Interpreti.*

**Q**UOD tibi PROMVLſIS mea, Chriſſime Vir, quid una mihi iſta Epiſtola tua, ad irritamentū delecterii, non ſatietatem: hoc tamen diſcrimine, quòd illa mea irritando non expleat; hæc tua irritet ſatiando. Ego enim è ſcriptione tuâ, velut è Pyrenæo fonte, haurio quantum volo; nec tamen quantum volo: ita ſe animus hauriendo laxat. tu verò, ſi non ad guſtum, ſed ſi ſum Muſum meum habes, mox ipſam nauſeam bibas. Itaque tempera in deſiderio iſto, & dum legendi voluptas integra, abſtine, ne deſiderium perdas. Me verò ſine ambroſiâ tuâ uſque & uſque animū implere, nunquam explendum. Ita enim ſcribis, ut neſciam magis doceas an delectes: ita tuas ego litteras lego, ut in doctrinam æquè ac delectationē propendeā.

DE ANTIQVA PRINCIPIS DISCIPLINA, quàm libenter audiui! Emolire, emolire, & publicè unū aliquem doce, in quo omnes doceas. Peccant enim multi, quia unus aliquis peccat; & ad unius exemplum multi componuntur, in primis si ad vitia flectit. ergò tu reflecte, & frenum injice quo reflectas, ad prudentiæ viam. Et rectè DE DISCIPLINA ANTIQVA; quia illa recta. Nam quæ hodiè artes Aulas & Castra occuparunt, quid nisi pestes quædam Reipub. sunt, ad fastum & ambitionem, ad rapinas & cardes? Externa illa & circumfusa majestas habet ordinis aut Disciplinæ quamdam dignitatem; sed, si penetraveris, dissolutam vanitatem. Exempla nimis crebra hodiè, nimis obvia sunt: tu, ut Patriam depleamus, unam Belgicam mihi vide. Tantam belli flammam tamdiu quid aluit? neglecta Disciplina. Atque utinam bellum esset! merum latrocinium voces, à neglecta Disciplina. nec mireris Militis nunc nomen in contemptu nobis esse, illud olim laudatum imò sacrum, quia contempta Disciplina. Sic igitur Mars ipse asylum improbis aperuit; & mendicabula ac pænè scelera hominum sunt, quos inopia ac desperatio ad Militiam cogit, ut impunè grassentur ac sæviat. Nec in Castris dumtaxat omnis Disciplinæ ratio deleta, etiam in Præfidiis. Cogor dicere, *Anguem in sinu* habemus, qui hanc labem in urbe & in Lare. O sortem! qui in tutelam vitæ & fortunatum nostrarum dantur, hi ipsi ferro & flammâ in nos ac nostra sæviunt; & tamen velut jure belli. sic diripimur, sic perimus: & dum præfidiū putamus (miserum!) habemus

— *medium in penetralibus hostem.*

Quæ



Quæ non vidi ipse dictu nefanda, cùm VENLONÆ, in urbe Patriâ educarer? domesticum exemplum repetere à puerili memoriâ libido est, quo præsentis calamitatis dolor leniatur. Villam trans Mosam habemus, à Majoribus hereditariam, in conspectu ipsius urbis. In hanc militum globus ex ipso præsidio nostro collectus, assumptis hostilibus signis, truit; in prædam se effudit, pinguiora armenta abegit. Villicum fraus sceleris non diu latuit. questum ad patrem meum, ac deinde ad Centurionem venit. Sed hic, ex compacto prædæ particeps, à crimine suos vindicare; milites se ducere, non latrones. Ita, ait, villicus; sed hoc tamen latrocinium. nunc militare est. Tunc Centurio, velut strenuus aliquis Hæmus, latronum quoque patrociniū iuscipies, Quid, inquit, quantillum damnum passus? illi seu milites seu latrones nihilne reliquum tibi è fortunis fecere? Fecerunt, ait villicus. Ergò, subiecit Centurio, mei non sunt: quidquid est, & quidquid non est rapiunt,

\* Οὐκ ὅπως φρονέοντες ἐνὶ φρεσὶν ἑοῦ ἐλεγχτῶ.

\* Nec modò  
in mentibus habentes,  
nec mō-  
sermone uiam,

Tu alium quære, apud quem querelas fondas. Hiulca gens! nec corrigenda, nisi Principes ipsi manū adiiciant, reforment, repurgent, ad exemplū Militiæ siue Disciplinæ priscæ. Te docente fiat, Deo fervente: quæ ex animo precor, te litteris & mihi seruet. SEPTALIVS salutem pleno ore reddit, pleno animo. Epistolam tuam vidit, & eleganter ac amicè honorè mihi à te habitum professus est. Mediolani, VI. Kal. Febr. ∞. IOCH.

Carmen postibus tui libri adfigendum, potius amicum quàm eruditum molior: etsi ipsâ morâ amicum pænè esse desinit, an ut eruditum evadat?

nescio. ego certè amore tibi, quàm eruditione placere malo.

EPIST. XCVII. *Patavium.*

IOANNI MANGANO S.D.

**A**D epistolam tuam breviter respondeo ; sed ὕστερον πρῶτον, Ὁ μὲν κῆρς : ut priùs videam cur nominatus mihi in epistolâ non sis ; deinde cur ab interpretatione exclusus. Ais è tribus conjecturis tuis unam meam me fecisse. Mehercules non feci. nam, ut Genium meum noscas, caveo è priscâ lege, NEQV'ID ALIENVM TOLLAM IN ARMVM. Vide descriptionem meam, & audaciam accusa, si nomine aut titulo acumen tuum usurpavi. At nominare te debebam: non feci; sed nunc, si vis, facio; aut locum ipsum subsecante linea ab Epistolari hoc campo sejungo. De meo, & in meo spem sero latioris famæ: nec Carpus quisquam erit, nisi qui sinistrè manu & iudicio utatur. Sed profectò indignarer ab his notis & nugis causam inter nos dissidii pululare. Caveamus. Nunc πρῶτον ὕστερον. Emendationem detuli, cur ad Interpretationem vocas? nisi & tu ab utroque illo auctore *redire cum septem pinnis* velis. non invideo: te amo, si non spernis, & amare pergo, ne spernas. Vale, & SECUNDA AVSPICIA mea vide. Mediolani, Postrid. Non. Febr.

∞. IOCH.

EPIST.

EPIST. XCVIII. *Romam.*

NICOLAO COLLARDO.

**E**T olim te amavi, & nunc amo; olim & nunc quoque dignum. Esse enim te video (niti litteræ fallunt) qui fuisti, probum modestumque; tui similem, inter dissimiles fortassis tui. O' candorem, & nivem animi, ad ardentiorē hunc Solem non violatam. Ecce quàm liqueſcunt & dissolunt plerique illi nostri, in luxum, lasciviam, vanitatem: quos nulla deinde aura corrigat, nullum gelu stringat in rectam & rigidam Naturæ normam. Pudorem! vitia induunt, virtutes ponunt & prætextam paræ educationis. Tu vita, ut vitas, si amari à me vis, ut amaris. Intepuerat, non nego, hic tam longo intervallo ac silentio adfectus; sed non desierat. nã ut epistolam tuam vidi, & amatum mihi nomen, mox pristinam concepi flammam & exarsi. Itaque, ut hic ignis duret, & cum Vestali æternus sit, fomentum scribendo aggeramus, donec corpore uniamur, & vivum invicem sermonem adspirem<sup>9</sup>. Distinctiùs etiam de me vis? breviter: valeo, scribo publicè, & doceo, Eloquætiæ Professoris titulum apud Mediolanenses adeptus. is ut bonus & faustus mihi ac juventuti sit Deum rogo: & ut tu esse pergas, qui fuisti. Mediolani, Postrid. Non. Febr. ∞.

12CII.

EPIST. XCIX. *Lovanium.*

HVBERTO AVDEIANTIO S.D.

**E**GO verò ἐξῆμισ' tua ignosco, mi AVDEIANTI, & modestiam amo, quā excusas: ita tamen, ne posthac excuses. Multi ad me scribunt cottidie, sed pauci isto modo: ut autem non omnes cibi salivam mihi movent: sic nec epistolæ omnium. ad quasdā nauseo, ad quasdam excitor: sed tuas cū lego, ita me Musæ ament, exulto,

*R'pīs q̃ superat mihi atq; abundat pectus latitiā  
meum.*

Amor facit, quem tui concepi absens absentis, nat' per litteras, fovendus etiam per litteras. Crescenti corpusculo non sine sanitatis damno alimentum subtrahas: sic nec Amori. Amoris autem alimentū ad spectus est, ad loquium, aut scriptio in utriusque vicem. Itaque scribe. ut amare te ostendas: ama, ne scribere desinas. Ego utrumq; tibi & polliceor, & præsto. Quod ad exemplar epistolæ Lipsianæ, cur longiori desiderio torqueor? Mitte obsecro: & Carmen simul Caninum. Quis auctor? Ipsēne noster? Tuum vidi, & in eo venam purioris Phæbi. Quid dicam? elegantiam admiratus sum, & curiosam illam, Horatio tributam, felicitatem. Has gēmas ego æstimo; eo magis, quia domi non nascuntur. Etiam ineundē à me gratiæ occasionem postulas? Habe, sed amicam atque litterariam; ut siquid Doctor ille noster dixerit dictaveritque novum aut Philologum, cum bonā ejus veniā, per te habeam. Vale. Mediolani, Eidibus Juniis, ∞. 1601.

EPIST.

EPIST. C.

Roman.

FLORENTIO LAVRINO *meo.*

**H**em! amare me vis, nec amorem commōstrare? ardere, nec lucere? Equidem nequeo coērcere hanc flammam, mi LAVRINE, quin interdum se effundat, lumenque spargat, sed sine ullo fumo. Amor pangit istas laudes. non cœcus, sed oculatus, id est, verus torus, & honestus; non è Venere, sed Virtute natus, & jam adultus. Ardeat igitur, & simul luceat in caligine hac absentię sive umbrę: ego facem subjeci, ego laudem explicui: cur refrageris? cave sis, aut laudem litigio muniam. Ut vulgo amantes fictis irarum imaginibus voluptatem miscant, ut augeant: sic tu fortassis eris. esto: & ipse ego ero, ut honestissimum affectum stimulem. ELOQVENTIÆ AVSPICIA SECUNDA hic habes. lege, & si potes, te oblecta. De PINELLO miror te nescire. fecit, quod facturi omnes sumus: & nūc ipsa tanti viri fama cœpit cum invidā oblivione luctari. Misereamur; sed & supra hæc caduca animum extollamus. Vana omnis glorię sitis, vana

— et laudis tituli que cupido

*Hæsi saxi cinerum custodibus: ad qua*

*Discutienda valent sterilis mala robora ficus.*

Si boni, si pii sumus, æterni sumus. Sed finis mi LAVRINE; & hoc vincolo amici quoque æterni. Vale. Mediolani, Postrid. Non. Febr. ∞. 10011.

## CLAVSVLA.

**C**ÆNASTI mi Lector, sed è veteri lege, qua cenit̃  
Aduntaxat era subscribi in CÆNAM mittebat.  
CÆNASTI, inquam : & sic nunc satis oneratum sto-  
machum habes, tametsi robustum. Digere, aut rumi-  
nare potius, & in stili atq; animi alimentum partem  
aliquam secerne, quisquis stilo atq; animo laboras. E-  
go nunc inferri BELLARIA jubebo, & apparatus hunc  
promissis delitiis claudam. Has expecta, Philologe Le-  
ctor.

F I N I S.

IN

~~~~~

IN

ERYCI PVTEANI V. C.

# EPISTOLARVM

FERCVLA SECVNDA.

**N**on secus ac felix & fertilis uberet terra,  
 Quam fovet & labor & rustica sedulitas,  
 Non piget usq; alios aliis submittere fetus,  
 Aeterno tanquam lota puerperio:  
 Sic PVTEANE tui secundum pectoris aruum  
 Cernimus in mirum luxuriare modum,  
 Et messem hanc aliis mox messibus, atq; priorem  
 Autumnum autumno continuare novo.  
 Autumnum qualem hand Phaeacum pingua rura  
 Norant, Alcinoi regna beata senis:  
 Qualis & Hesperidum provenit nullus in hortis,  
 Pomonaq; sacro procijs e gremio.  
 Nec verè fiat, hic satietem ut copia gignat,  
 Delicis usu quod venit in reliquis,  
 Decedat ve aliquid, deposta ubi gratia primum  
 Quam rebus novitas conciliare solet;  
 Semper delectent mellita hac mattia; semper  
 Juperit ut pasci nectare & ambrosià.  
 Tu modo, age, & Musis & mundo talia perge  
 Dona dare, ut dederis multa, dature parum;  
 Atq; stilo & studio sic impiger indefesso  
 Huic & venturis consule temporibus.

PHILIPP. RVBENIVS.

---


IN  
EADEM FERCVLA SECVNDA.

F<sup>ERCVLA cur ÆRYCI Mortalibus ALTE-  
RA ponis?</sup>

*Has cœnare volet Juppiter ipse dapes.*

THOMAS SEGETVS SCOTVS.





ERYCI PVTEANI  
ELOQVENTIÆ  
A V S P I C I A  
S E C V N D A.

O R A T I O  
AD MEDIOLANENSES,

In Scholis PALATINIS, Prid. Eid. No-  
uembr. ∞. 1551. habita.

*Item*

ADLOCVTIO AD IVENTVTEM,  
*Extemporanea.*

Clarissime Vir,  
LVDOVICE SEPTALI.

**S**ECVNDAM hanc muneris mei pompam, viden-  
dam multis, ante multos vide, an videri debeat.  
Verba sunt; sed ea panè ipsa, quæ audisti: nunc ve-  
rò voce gestuque spoliata, denuo iudicanda. si iudices.  
Dicta placuere: placere scripta cupiam, ut pluribus  
placeant. Nam qui audiverunt, unius urbis, &  
seculi finibus clausi; qui legent, alii & alii erunt, si di-  
gna lectione inuenient. Salve, & ama, qui te amat,

ERYCIVS PVTEANVS.



ILLVSTRI V.  
HERCVLI BLANCIO  
XENIVM,  
ET AMICITIÆ TESSERAM  
ERYCIVS PVTEANVS  
*Latus lubens mitto.*

**N**OVVS Annus est, & tu mihi novus Amicus, Illustris Vir. Anni causâ Xenium; Amicitia, Tesseram, dicatis AVSPICIIS mitto; & utrumq; voto cōcepto comitor: *Annus ut felix; Amicitia ut perennis sit*, Virtutis & litterarum velut fibris nixa. Comitor: & à fūco Xenium, à fallaciis Tesseram vindico, quibus nimium nunc munera, & amicitia inquinātur. Ego verò cādidī Candoris candidatus munus tibi debere videor, quia amo; amorem, quia mereris. cum munere autem amorem tibi fisto; ut hunc commendem, illud extenuē: tuque ex ipsā comparatione alterius granditatem, alterius parvitatē deprehendens, ad amandum, non remunerandum prouoceris. Quā amo, non quā dono mutuum stipulor; quia donando restrictus sum. Ad prēmii namq; & fœnoris spem quamdam

conferri splendida illa & blandientia munera videntur: negligere siue recusare gratiam, qui pusillum donat. Sed annon hoc quoque satis gratiæ erit, si ad lancem & demensum amor? Satis: si laudem Virtutis æstimem. Habere enim supra vulgum nescio quid vulgò dicar, si tu, qui supra vulgū, non vulgariter me ames. Ita namque comparatum est, vt qui sacro amoris vinclo iuncti, morum & animi quadam similitudine censeantur. Sic fausta AVSPICIA ista sint, quæ, te Auspice, ad ELOQVENTIÆ, si non laudem, saltem spem emitto. Mediolani, Postridie Kal. Ianuar. ∞. MDCL.

Ad

## Ad Lectorem.

**A**UNIVERSARIA isthæc mihi AV-  
SPICIA, mi Lector, Muneris mei  
causâ: Publicè habenda, cum post  
æstivales ferias, ab agro ad urbem,  
ab otio ad studia Iuventus redit. Id  
primum, PANEGYRICO ad Senaturn huius ur-  
bis; & nunc secundum, ORATIONE ad Popu-  
lum feci. Sed Panegyricum postquam dixi, emit-  
tere, quia dixi, ausus sum; & nunc Orationem,  
quia dixi; imò, quia felicitè, quia cum applausu.  
Dicendo enim viam ad editionem aperui, typog-  
raphi impetraui; benedicendo merui, ut sine ambitio-  
nis objice impetrarem. Et sic tamen in iudicium  
denuo mitto, an meruerim.

Omnes mortales sese laudari expetunt:  
Ego tamen eo ingenio sum, ut nolim dubiam lau-  
dem: dubia autem mihi visâ, quæ à solis auribus  
pendens, oculorum, bilancem non experta. Tu ita-  
que, qui audisti, & qui non audisti, lege; imò iu-  
dica, modestum ac diligentem Professore, MV-  
NERIS SVI RATIONES dispurgentem. Vale.

IN ERYCI PVTEANI V. C.  
 ELOQVENTIÆ MVNVS,  
 Munerisque  
 AVSPICIA SECVNDA.

**R**HETORIS egregiè qui præstat & Oratoris  
 Et voce & scriptis in simul officium,  
 Non è pluribus hic, tunicatâ aut fece; sed omnes.  
 Doctoris pariter qui teneat numeros.  
 Quales hi quondam, Argolici qui gloria palli  
 Dicendiq; velut regula certa cluent.  
 Qualis item Marcus flos deliciaq; Quiritum,  
 Tuq; immane toga Quintiliane decus.  
 Attu nunc PVTEANE, super què insignia laudis  
 Plurima, & ista duplex infula condecorat,  
 Vi præcepta simul des & decumata, tuq;  
 Ipsius exemplo, quid deceat, doceas.  
 Nam qui scriptorum mel gustauère tuorum,  
 Antiquis iurent edita temporibus.  
 Qui melos hanferunt facientis verba Suadam,  
 Ipsam audisse putent & Venerem & Charitæ.  
 Ergo iure tibi resonant subsellia plausu,  
 Et grande exertâ voce Sophos repetunt.  
 Ergo iam meritò Fama versaris in ore,  
 Et post hac seclis innumerabilibus.

PHILIPPVS RVBENIVS.



mentis illâ remorâ paullisper in præterito consistatis, mox orationis meæ liquido & leni cursu in futurum transferendi. ita enim alij, industriâ meâ perspectâ, palàm intelligent, quem fructum deinceps ab ingenio meo spondere Reipub. possint, si specimē de præterito habeant: alii ab otio & umbrâ emergētes, publicè discere, & simul videri cupient, si Orationis hoc gustu siue illice fuerint excitati. Conuenistis enim partim tamquam Auditores, ut subductam anni ratiunculam habeatis, quam sequamini: partim tamquam Iudices, ut cognoscatis, an Auditores merear. Ego verò in memoriâ omnium quæ dixi docuiq; , in oculis & cōspectu esse cupio, quæ dicturus docturusque sum: cum docendo dicendoque non necessarò ad lucrum, sed spòte ad laudem nitar, ab umbratici Doctoris nomine & inertia alienus. Ad laudem dico, quam publicâ utilitate metior. Publicè enim prodesse (respondeat modò Iuuentus, & agnoscant ii, à quorum Iuuentus imperio pendet) Prodesse inquam publicè mens & voluntas mihi fuit; eritque, dum munus ipsam erit. Sic cum laude munus functurus; etsi omninò effectum non consequar; *quòd omnibus bonis in rebus, ut Appuleius scriptum reliquit, conatus in laude, effectus in casu est: ita ut contra in maleficiis etiam cogitata scelera, non perfecta adhuc vendicantur; cruentâ mente, purâ manu. Ergo sicut ad pœnam sufficit, meditari puniendâ: sic & ad laudem satis est, conari predicandâ.* Vos autem qui utriusque arbitri præsentia vestra facti estis, aures animumque sultis aduertite, atq; decernite, conatum meum dumtaxat, an effectû quoq; laudandum in iis quæ feci censeatis: in iis autem quæ

facturus



facturus sum, an præter conatum effectum quoq;  
sperare debeam. Quemadmodum illi qui celestes  
è terreno domicilio regiones animi quodâ itinere  
pererrant, ac Deorum stellis illustres orbes, fide-  
rumq; cursus ad legem numerumque supputant; à  
Sole solent & orbe principe initium capere: ita e-  
go ad Eloquentiæ hoc munus euectus, ab ipso At-  
lante Cicerone, in quo vno potissimum nititur La-  
tini eloquii Suada, auspicatus sum. Hunc igitur  
& *pro Milone fortissimo viro orantem* repræsentavi;  
& *de Legibus, ad exemplum Platonis, philosophantem*  
produxi. Quo consilio? vt & Philorhetores mei  
rudimentum quoddam iuris acciperent; & Iuris  
tirones, orator o hoc pulvere perfusi, Iura ac ma-  
tura in forum curiamque studia proferrent. Tam  
arcto enim hæc inter se nodo iuncta & nexæ sunt;  
vt sine Iuris prædientia adminiculo trunca & im-  
perfecta oratoris laus; & sine Eloquentiæ armis  
imbecillis ac eneruis Iuriconsulti conatus existat.  
Date mihi paullisper præseculi Iuris Lumina, quo-  
rum Responsum vim Legum inter meritò obtrive-  
runt: illa antiqua Eloquentiæ decora, quorum in  
dicendo venus, ardor, manifestus emicuit: patitur om-  
ninò in Iuris studio, & oratoris præceptis elabo-  
rarunt? Sed de omnibus nimis longum esset sin-  
gulum dicere: vnum Ciceronem, de quo sermo  
est, in verborum meorum subsidium voco. Pro-  
diigitur tu Oratorum Princeps, & in Attici per-  
sonâ scribens, studiorum tuorum rationem ob o-  
culos nobis pone: imò tu potius Attice tributum  
tibi à Tullio sermonem exsequere; vt alienum te-  
stimonium videatur, verbaq; fidem facilius inue-  
niant. Atticum è primo de Legibus audite: *Quini-*

gitur ista ipsa explicas nobis his subseciuis, ut ais, temporibus, & conscribis de Iure Ciuili subtilius quam cateri? Nam a primo tempore ætatis iuri studere te memini, cum ipse etiam ad Scauolam ventitarem: neque unquam mihi visus es ita te ad dicendum dedisse, ut Ius Ciuile contemneres. Sed nunc ipsum quoque Ciceronem proferre lubet, quem, è Bruto vobis sisto: Ego autem Iuris Ciuilis studio, multum opera dabam. Q. Scauola P. filio, qui quanquam nemini ad docendum se dabat: tamen consulentibus respondendo, studiosos audiendi docebat. Quod Cicero igitur fecit faciundum Auditoribus meis censui; eò etiam magis, quia ipse feci, & trienniū, postquam Philosophi titulo donatus sum, antiquarum Legum tabulis impendi. illud autem quàm maxime in aliis cernere libido est, quod in nobismet ipsi expressimus; in prius, si cum fructu aliquo, atque emolumento expressimus. Quia verò vniuersa hæc Philologæ nostræ in Lectione & Stilo posita est, Rationem Legendi optimos auctores, & Eligendi Methodum tradidi. Scribendi Normam, & Declamandi Leges dedi, eâ industriâ, & modo, quem (nisi me ingenium fallit) docti probent, indocti appetant: illi intelligant, hi suspiciant. Denique De Distinctionibus Syntagma composui, dictaui, edidi: de quo gaudere ipse, quam dicere malo; ne non tam indicare industriam meam dicendo, quàm laudare velle videat, illam iam publicis typis consignatam, publico iudicio commissam. Si quis fuit qui calumniæ suæ dentem innoxio & innocuo libello imprimere tentauerit, non me profectò læsit, sed suum potius delirium patefecit, ridendumque propoluit. Quid autem cur me ipse torqueam?

*hoc quoque genus inuenitur (vt olim Platonius ille conquestus est) qui meliores obrectare malūt quàm imitari; & quorum similitudinem desperent, eorum affectent similitatem.* Hæc quidem in publico fuere: possem nunc quoque priuatas *Exercitationes, Dissertationes, Scriptiones,* è musæo & Laris silentio, è Sole & umbrâ, è campis & spatiis, huc in conspectum vestrum & clarissimam lucem proferre, quas nullo priuato commodo publicis Lectionibus adieci, & corollarii loco sectatoribus meis admenſus sum; nisi iam publicè publico stipendio satisfecisse, & communi omnium respondiſſe expectationi viderer. Sicigitur quæ transacta sunt dixi; inò quæ dicta sunt feci. dixi autem quia feci; nec feci tamen vti dicerem. Ego tamen vereor, vt quorundam ingenia sunt, ne hæc ipsa, quæ alio quopiam referente magnifica laudisq; fecunda fuissent, me ipso, qui feci recensente, euanescant. *Homines enim, vt Plinio subscribo, cum rem destruere non possunt, iactationem eius incessunt: ita si silenda feceris, factum ipsum: si laudanda quòd non sileas ipse, culpatur.* Quare iam conscientia meâ subnixus, breui faciliq; traiecta temporis de præterito in futurum Orationem transmittò, vt quæ deinceps, quo ordine, quo modo aggressurus sim, in antecessum videatis. Cum verò diligentius rem vniuersam expendo, difficiliorem Oratoris partē, post quā è præterito emerſi, permenſus mihi videor, securè, ac sine vllâ deinceps remorâ aut obstaculo dicturus. quæ enim transacta sunt, dicendo corrigere non licet: quæ verò præ manibus sunt, exsequēdo, pro consilii ratione, mutare. Quocirca si probatis quæ transacta sunt, iusto quoque iudicio censete quæ futura sunt; vt hæc quoque appro-

beris. Cùm dicendi facultas Arte, quæ Naturam,  
& Exercitatione, quæ Imitationem comitem sibi  
adsciscit, constet, Eloquentiæ velut quadrigam  
quamdam paratam mihi video quam inscendam,  
& quam regam ad cœlestem & Phœbæum illum  
motum, donec anni ipsius conuersione, ad nouum  
Doctrinæ ordinem fuero translatus. Ab *Arte* igitur,  
siue *Præceptis* initium faciam: quæ dubiū fuit, è  
prisco aliquo scriptore, Aristotele, Cicerone,  
Quintiliano desumerem; an ex his omnib⁹ meo  
quodam filo ac methodo concinnarem: eoque  
tandem, libris expensisque vtrimque rationib⁹,  
sententiæ meæ lancem inclinaui, vt ipse dictanda  
potius congererem, quàm explicanda aliunde de-  
sumerem: sic desiderio multorum obsecuturus,  
qui excipere doctrinam calamo, quam aurib. ma-  
lunt: sic quoq; temporis compendium facturus,  
ne vniuersus ille annus soli Arti impendatur. Tu  
qui voles, sume tibi *Quintilianæ Institutiones* in-  
terpretandas; sed quid? annon tot libros, quot  
meoscs inueneris? Sume *Ciceronis de Oratore* lu-  
culentum opus; annon citius ad anni terminum,  
quàm librorum finem appuleris? Sume laudatam  
*Aristotelis Rhetoricam*; annon plus tibi operis,  
quàm temporis? Huiusmodi sanè libros inchoare  
publicè cum pompa & ostentatione licet: absol-  
uere, nisi priuatim, cum emolumento non licet.  
Quid exemplis rem probo; & defectus scholarum  
publicos hîc recenseo? sed nec sententiâ meam  
auctoritate defendo; etsi vestigia quorundam vi-  
deo, qui rectam docendi viam strenuè calcarunt.  
Multos equidem offendo, si rem ipsam in vitio po-  
sitam culpè: paucos mihi demereor, si probos ho-  
nestosq;

nestosque conatus elogio prosequar. Eò enim (ignoscat mihi Scholæ Genius) prauo vsu declinatū est, vt cū plura in disciplinarū docēdarum ratione culpanda quā laudanda sint, si laudauero parcus, si culpauero nimius fuisse videar; quamuis & laudando copiosus, & culpādo restrictus existam. Quid igitur? is ego sum, qui ab Aristotele, Cicerone, Quinctiliano, reliquisque docti pulueris magistris Iuuentutem abduco? nequaquam: ad eosdē eandem potius duco. omnes enim explicare aggredior, dum singulos negligo; & ab omnibus doctrinæ subsidiū accipio, dum in nullius verba pertinaciter iuro. Et sic tamen cū meo omnia Marte dixerō, dictauero, explicauero, aditus ad luculentissimos Auctores liber est, lectio integra, iudicium impeditum. De *Arte* habuistis Auditores, quibus vt *Naturam*, id est, Ingenium adferatis, verbis non præcipio. id enim à Deo pendet, & à solo Deo hominibus datur; etsi corrigere Naturæ aliquem defectum ipsi Exercitatione concessum est. Quare ad *Exercitationem* transco, ac de eadem consilii mei putatam rationem expono. Bonarum litterarum omniumque artium interitum ac defectum ab otio & desidia natum esse, manifestū euadet, si prisca illa secula & studia contemplere. *Quis enim ignorat* (verba Quinctiliani sunt) *& Eloquentiam, & ceteras Artes descivisse ab illā vetere gloriā, non inopiā hominum; sed desidiā Iuuentutis, & negligentia parentum, & inscientiā precipientium, & obliuione moris antiqui?* Non profectò inopia hominum, aut ingeniorum. Ineptum enim esset, lassam aut effractam iam Naturam dicere, quasi ingenii nobis vim conseruare non potuerit; cū fami-

liarem quoque defidiam nostram (tantum enim ingenio crescimus, quantum industriâ deficiamus) velut sollicita mater mentis quodam incremento oppugnare videatur. Quo magis adnitendum esse arbitror, ut cum Natura ipsa conspirantes, tantum Exercitationi è more prisco impendamus, quantum Eloquentiâ delectamur. Itaque, ut ad exemplum veterum, ad profectum discentium omnis institutio dirigatur, vocem stilumque Auditorum meorum simul exercere institui; ut hac velut face, & hoc viatico, ad vota festinent, & Famæ se inferant. Hæc enim Doctoris laus est maxima; ad laudem Discipulum promouere; imò hic vultusq; Professionis meæ finis est, ut ad meum ipsius nomen & munus quispiam è iuuentute istâ exurgat. Quod ut Exercitatione consequamur, *Imitatio* adiungenda est; sed Imitatio non vnus tantum, sed vnus potissimum Ciceronis, è quo sine periculo vllò electionis decerpere omnia atq; libare liceat. Nam etsi inter veteres illos alii quoque fuerunt, qui dicendi gloriâ floruerunt, inuenieris tamen, velut in amplissimo quodam campo, noxias alibi herbas sterilesq; plantas, quas siue ætatis ac stili confirmati subsidio non discernas, sine scriptionis tuæ damno non decerpas; nisi Hortensius ipse, aut ex Hortensius fueris, magnoque iudicio, ac selectu decerpseris. Si fueris, repagulo ac limite omni remoto, ad nulla non Scriptorum te viæ ducam, imò impellam. Interim Ciceroni eundem in Scholis & in hac Eloquentiæ Palæstrâ locum faciam, quem pro Rostro & in Academiâ olim dicendo ac scribingo obtinuit; ut prius legatur atque audiat. Sed quemadmodum

periti

periti sculptores non vniuersam statim imaginem, verùm dignissimam hominis partem caput præfigere tirōni solent: ita ego in ipso Cicerone selectum faciens, illud potissimùm scriptum, siue fragmentum delineare aggrediar, in quo velut capite, elegantiarum omnium meatus ac domicilia, ipsiusque Philosophiæ ac Philologiæ sedes posita est. Equidem cùm attentionem & intentionem vestram intueor, præiuisse tacitâ mente indicium & nomenclaturam meam videmini: & concepisse librum, quem indicare gestio: etsi nullum ego vobis conceptum malim; vt integrum potius assensum vestrum meo indicio merear, quàm aut reuocare mentem, si coniectando erraueritis; aut ex superuacuo monere videar, si diuinando fucitis adsecuti. Sed ne verborum cunctatione vos suspensos habeam, Nomenclator ecce fio, actitulum pronuncio. M. TVLLI SOMNIVM SCIPIONIS est: scriptum & elogiis veterum illustre, & per se vtile iucundumque velut Κερας ἀμυλθειας, vberriimos ac latissimos doctrinarum fructus repræsentans. Euoluite librum, excutite dictionem, expendite argumentum: iratas omnes Musas perpetuò habeam, nisi volentes lubentesque in sententiam meam pedibus eatis. De Cicerone quidem cùm sermo instituitur, necessum non est elegantiam stili verbis adstruere: necessum fortasse, persuasum habeatis, latere in aureo aurei huius scripti fundo, præter Grammaticæ Rhetoricæque thesauros, Arithmeticæ abacum, Musicæ modos, Geometriæ puluerē, Astronomiæ imagines, Moralis Politicæq; ac Naturalis Philosophiæ quamdam vmbra: quæ omnia & cognoscēda futuro Oratori



sunt, si tam augustum sustinere nomen velit; sed ipsi ELOQVENTIÆ PROFESSORI cognita esse debent, nisi impar humeris onus suscepisse videatur. Quid mirum? Eloquentia quædam quasi Sapientia, id est scientiarum omnium artiumque Orbis, Græcè ἐγκυκλοπαιδεία appellari potest. Priscis enim illis temporibus, quibus rerum cognitio nata est, hæc vna scientia existimabatur, scientias omnes possidere. Postquàm verò paullatim hominum genus proclive à labore ad fastum luxumque ireret; vel certè latius hæc suos artes terminos propagarent, nimisq; arduum videretur in vniuerso genere singulos elaborare, secerni scientiæ cœperūt, & tamquam ex aliquo monte riuorum: ita ex hoc sapientiæ quasi iugo sunt doctrinarum diuortia facta: quæ in vnum tandem Eloquentiæ pelagus receptæ, denuò vniūtur. Etenim hæc illa studia, velut florida quædam prata sunt, & varietate constant. Quot istic flores, hic artes, quot istic herbæ, hic disciplinæ. Quarum omnium radices Oratori indagandæ sunt, succi exprimendi, vis & ratio edocenda; si modo, vt horrosum experimenta ad corporis vsum: sic studiorum exercitia ad animi cultum referre nitatur. Quòd mortalium vita in arcum à Naturâ conclusa, morborum molestiis, periculisq; obnoxia sit, quis neget herbarum siue neglectu, siue abusu maximè fieri; cum aut infectos nobis succos imperitia libamus, aut inertia negligimus. Primos enim illos mortales non tantum Macrobios, siue longæuos, sed etiam sanos robustosque hac potissimum de causa fuisse existimo, quod herbarum virtute, quarum perfectissima cognitione præditi erant, corporis contrahitum ali-



Atum aliquod vitium, aut naturæ mendum, statim ac facile corrigebant: pariter prisco illo ævo, cum in honore, & cultu Artes ingenuæ essent, non tantum pura, ac læta Eloquentia florebat; sed spoliatum omni motu, ac cupidine animum virtute quisque induebat: nunc verò quia ludibrio litteræ sunt, ignavia, vanitas. ferocia lumen tutem tenent. Et sic Doctores ipsi *necessè habent cum insaniensibus suavere. Nam nisi dixerint, quæ Adolescentuli probeant, soli in scholis relinquuntur. Sicut filii adulatores cum cœnas dixitum captant, nihil prius meditantur, quam ut quasdam insidias auribus faciant: sic Eloquentiæ magister, nisi tanquam piscator eam imposuerit hamis escam, quam scierit appetituros esse pisciculos, sine spe prædæ moratur in scopulo.* Sed quid hoc aliud, quàm quod apud Agellium Taurus Philolophus conqueritur, legem discipulos dare quâ discant? Alius ait: hoc me primum doce. Item alius, Hoc volo, inquit, discere, istud nolo. Hic a Symposio Platonis incipere gestit, propter Alcibiadis comessationem: ille a Phædro, propter *Lex* orationem. Quid ergò est? studio vincenda obrepentia vitia sunt, & cum Eloquentia ceteræ quoque artes delibandæ, sine quibus aridam insipidam. q; Eloquentiam habeas. Pictorem censere solemus, non qui faciem dumtaxat hominis, sed qui reliqua quæquæ membra, totumque hominem, & nudum curiosis oculis obicere, & induere colorum quadam purpura queat: ita planè Oratorem arbitrari debemus, qui non tantum ipsam suam Rhetoricam clamare, de *Questionum differentiis, Causarum generibus*, ceterisq; illis publicè decantatis discerere; sed ex omnium rerum puluillisnectere hanc floridæ Eloquentiæ

corollam possit. A Græcis, Latinis, Barbaris, res & exempla petenda sunt, quæ verbis exornentur; & ex omni Scientiarum penu (quemadmodum Cicero copiosius in libris de Oratore profecutus est) materia depromenda est, quæ oratione explicetur. Sic prisca illi Rhetores: sic nunc quoq; (nec enim recentia exempla spernenda sunt) qui voce & stilo publicè Iuuentutem ducunt: alii alibi; sed in Ticinensi vestro Athenæo, ille, quem proximè inspicio & suspicio, HENRICVS FARNESIUS, cuius ego industriam stimulum, doctrinam subsidium, auctoritatem exemplum habeo. Ac sic quidem quæ secundo hoc anno facturum sum, satis superq; dixisse mihi videor. Dixisse inquā, sed docenda publicā causā, vt dicta docendo exsequar. Quod dū facio, conāti mihi album calculū vestrum adiicite: quemadmodū dicenti tranquillū silentium tribuistis. Quā spe fretus, nō ampliùs disputo, an cū fructu anni circulum partitus sim; sed laboro potius, vt eundem illum fructum, iam spe maturū, & promisso vberè feliciter percipiatis. Vos hortor, quorum vacuum ingenii, vt ita dicam, etiam nunc horreum est; vt ex hac scholā, tāquam è publico agro, copiosam messē colligatis. Vos rogo, quorum vt cum Poëta dicam,

— *immensa ruperunt horrea messes,*

Vt, si nō annonæ, certè animi causā spicas aliquot collectum eatis studij ac doctrinæ: sic clarissimum indicium habituri, quid Iuuentus vestra proficiat; quo pretio tempus litteris, silentium Scholæ, seipsam Professori impendat. DIXI.

ITERA-

---

ITERATIO  
AD LECTOREM.

**A**D Iuuentutem ipsam seorsim quoq, verba feci, *Amice Lector*; sed pauca: quæ eadem panè horâ concepta animo, & ore nata, non tumidè, sed timidè produco. Noxiæ mihi nescio quæ aura spirant, tabemq, adspirant a liuente plagâ: nisi caueo, discrimen in proclini est; peritq, Appendicula ista, haut aliter quam extrema faba. Ego verò non caueo: lubensq, obuscior tam inanibus flabris; ne per rimas insusurrent. Spartani infantem recens natum, frigide immergebant, ut Natura viribus exploratis, aut robustum, aut nullum haberent: sic ego hunc infantia meæ repentinum partum publicum esse cupio; ut si vim iniuriæq, luoris sustineat, vitalis sit, sin minus, euanescat. Famam diurnam potius, quam immensam cogito: faue cogitanti.

~~~~~

ERYCI PVTEANI

# ADLOCVTIO EXTEMPORANEA

AD

IVVENTVTEM.

**P**RIVS QVAM è carteribus in circum & cursum me propositio, Philologi iuvenes, ac indefesso vocis meæ motu doctum puluerem colligo nostræ scholæ, adloqui hortar q̃, paucis, & succinctis velut verbis vos non paucos volui: vt dum illum, non terrarum cum poliorcere aliquo; sed scientiarum artiumq̃; cum sapiente Orbem me duce subigitis, strenui volentesq̃; in Eloquentiæ hisce castris excubetis, studio, frequentia, & animi vigili motu. Ego quidem facillimam adire mihi p̃uinciam videbor, si negotium apud faciles benignosq̃; erit: difficillimum, si apud refractarios aut morosos. Inuitum enim docere æquè facile, ac pertusum vas replere; æquè vtile, ac liborem profunderè. Quod non in eam sententiã depromptum videri cupio, quasi læuæ suspitionis signa aut querelarum causse supersint; sed ut pro laude monitio sit, si currentes velim excitare. Amar enim audire quisque, quod cum laude agit; vt quò monitione ducitur, peruenisse videatur. Ego vetò moneo, ne laudare videar; moneo, vt sub hoc velut

velut velo animus verecūdus sine ambitione laudē inueniat. Adeste igitur, sed lubentes: adeste, sed ne coacti sitis: adeste, sed amore litterarum impulsī. Athenis olim in vestibulo Academiæ, vt Pausanias scribit, ara amoris extabat: quid nisi, vt discēdi ardorem animo conciperet, quisquis ad discēdum introiret? Amor ipse Sapientiæ, ac Humanitati nomina imposuit, illa vt φιλοσοφία; hæc vt φιλολογία diceretur. Etenim magna pars profectus est, velle perficere. Voluntatem namque, velut nexu quodam, conatus sequitur: conatū effectus. Vos autem vultis, conamini, efficitis, iam ipso otio lassī, & iulitio litterarum: sic

——— *Vires instigat alit* 7

*Tempestiua quies. maior post otia virtus.*

Qui euistis enim, velut post longiusculū iter, postquam meliores anni horæ Musarum studiis absumptæ sunt, discendo autem meruisse quietem videbamini, postquam tam sedulam continuamque docenti operam exhibueratis: & quiescendo ad nouum horarumque laborem animati estis, postquam feriarum hanc moram lapsu temporis superastis. Itaque cuncta mihi à vobis denuò, vobis à me polliceor. mihi à vobis, cum ingenium vestrum in optima studia procliuē: vobis à me, cum labor & industria mea publicæ vtilitati consecrata, in aperto sit. Sic pronus proptusque sum; quia pariter vos affectos cerno, in me, bonasque artes: promptus studio, pronus naturā: promptus studio, promptus naturā, pronus naturā vt vocis pectorisque ad vos riuum ducam, quæ in ingenui quodam aluo, mentisque ripis excipiaris. Sed frequentiam voco, frequentiam voueo: & meritò, in

tantâ vrbe, in tantâ iuuentute. Vt qui annonam curant, in vbere prouentu bonam solent partem in sementem referuare: sic qui bonas artes profitentur florem sibi ingeniorum non immeritò deposcunt, vt Reip. adolescat. Publicè id fieri non inficias ibit, qui publicum, non priuatum quærit. Mihi autem nullus numerus satis est; et si, meâ quidem causâ, vel exiguus satis, si sic cum fructu docere videor. Sed Auditorum copia tantum abest, vt aridum aut siccum me faciat, vt venas tubosque Eloquentiæ atque Eruditionis laxatura sit. Omnibus enim paro, quod singulis: & haurient omnes, quod singuli; imò singuli, quod omnes. *Non enim vox vlla Præceptoris, Quinctiliano scribente, vt cœna, minùs pluribus sufficit; sed vt Sol vniuersis idem lucis calorisque largitur.* Itaque non impedior frequentia vestra; sed nec vos ipsi impeditur. Nam vt ille qui in Solem venit, non ideo minùs calorem sentit, quòd cum multis venit: sic neque si cum multis me audis, minus audias: nec si solus discas, plus discas; sed si inter plures plura discere cupias. O felix studiorum æmulatio! sine contentione laudabilis, sine inuidiâ fertilis, quæ nascitur inter plures, feruet inter plures: quæ nascitur sine malo, aliter sine dolo, feruet sine malo dolo: quæ nascitur, alitur, feruet tranquillo incendio, & felici flammâ. Pluribus verbis non vtor, ne frequentiam verbis stipuler, quam vultu gestuque iam vtrò despondistis. Ergò desponsam accipio: Deumque precor, vt cum Musis Hygiam propitiam, & parem è studiis desiderio fructum habeatis. Vos autem suauissimi hospites & amici, GVILIELME RICHARDOTE, & PHILIPPE RVBENI, qui,

vt

Vt differentem PVTEANVM in hac luce audiretis, pedem ex itinere, prius in Scholam, quàm hospitium posuistis, feliciter posueritis; vt aeterna vestigia impressa maneant, mihi in gaudium, iuuentuti in exemplum, quod meâ iuuentus, ego iuuentutis causâ voueo; & Peregrinationem vobis ex animi sententiâ felicem. DIXI.

---

## I M A G O

## R H E T O R I C E S.

E

MARCIANO CAPELLA.

**S**VBTILISSIMI corporis, ac fiducia grandioris, *S*uultus etiam decore luculentus, femina insignis ingreditur; cuius galeatus vertex, ac regali caput maiestate sertatum; arma in manibus, quibus se vel communire solita, vel aduersarios vulnerare, fulmineâ quadâ coruscatione renitebant. Subarmalis autem vestis illi peplo quodam circa humeros inuoluto laticuliter tegebatur, quod omnium figurarum lumine variatû, cunctorum schemata præferebat. Pectus autem exquisitissimis gemmarum coloribus baltheatum. Hac cum in progressu arma concusserat, velut fulgurea nubis fragore colliso bombis disjunctantibus fracta diceret crepitare tonitrua. Denique creditur quod instar Ionis eadem posset etiam fulmina iaculâri. Nam velut impotens rerum omnium regina, & impellere quò vellet, & unde vellet deducere, & in lacrymas flectere, & in rabiem concutere, & in alios etiam vultus sensusque con-



uertere tam urbes quam exercitus praeliantes, & quacumque poterat agmina populorum. Hac etiam Senatum, Rostra, ludicia domui; se ingente Romuleâ: Athenis verò Curiam, Gymnasia, Theatraq; pro arbitrio reflexisse, ac totam funditus Graciam miscuisse ferebatur. Hac verò loquente, qui vultus vocisve sonus, quâtaq; excellentia celsitudoq; sermonis! Audire operapretium etiam superis fuit, tante inuentionis ingenium; tam facunde ubertatis eloquium; tam capax memoria recordationisq; thesaurum: qualis disponendi ordo! quam pronuntiandi congruens modulatio! qui gestus in motu! quæ profunditas in conceptu! Denique exilis in modicis; in mediocribus facilis; in elatione flammatrix: reddebatq; cunctos in ambignis dociles, in persuasione cedentes; in collisione discordes; in laudibus arrogantes. At verò, cum quid commotum publici nominis attestatione clamauerat, fluctuare, permisceri, arderè omnia videbantur.

FINIS.











